

ጾኑሲ ማደም ዳኪንቴዘንሢኮ ማደ ዓይያ ካር

ዳኪንቴዘንሢኮ ማደ ማጻጻ፡- ሉቃስ ፩፻፳፫ ኮዥ ሃይሶ ማጻጻፓፓ ሄሊ ዓኣዳያኬ፤ ሃኖ ማጻጻፓኮ ዳኤፖ ማሊ፩ ዩሱሴኮ ጊንያ ሃንታ ቤርታሳ ናኣታ ዓያና ጌኤሺ ዔያቶ ማሊሳዛ ዒዛ ዛሎ ኬኤዛ ኮዥ ሃይሶ ዎይቲ ዩሩሳላሚይዳ፣ ዩሁዳ ዓጮ ቢያይዳ፣ ሳማሪያይዳ ሃሣ ዴንዲ ዓጮ ጋፖ ሄላንዳኣና ዳልጊሺ ኬኤዘቴያ ዔርዛኒኬ (1:8)፤ ሃና ማጻጻፓ ጾኑሲ ጉሙርቁያ ካኣዥ ዓይሁዶ ዓሶ ባኣካፓ ዓርቃያ ዴንዲ ዓጮ ዴሬ ቢያኮ ጉሙርቁሢ ካኣሺ ማዓንዳያ ሄላንዳኣና ዎይቲ ዳልጊ ዴንዴቴያ ኬኤዛ ሃይሴ ዓርቃያኬ።

ሃኖ ማጻጻፖ ጻኣፔ ዓሢ፡- ኪሪሰቶሴ ጉሙርቃ ዓሳ ሮሜ ዓጮ ካኣቱሞ ሎንሣሢ ዴሚና ዘርታ ዓሲ ማዒባኣሢ ሃሣ ጊንሣ ኪሪሰቶሴ ጉሙርቁ ካኣሸኮ ካኣዥ ዓይሁዶ ዓሶኮ ካኣዥ ኩንሣያ ማዔሢ ዔርዛኒ ሚርጌ ላቢ ማዴኔ።

ዳኪንቴዘንሢኮ ማደ ማጻጻ፡- ዩሱሴ ዛሎ ኬኤዛ ኮዥ ቃኣላ ዴንዲ ሄላ ቤዛ ቢያ ዳልጊ ዳልጊ ዓኣዴያ ማዒያና ሃሣ ጊንሣ ሺኢጲያ ማኣርኮ ማዥንቴያ ዔርዛ ሃይሣ ዴኤፔ ዴኤፔ ቤሲ ፓቂንታኒ ዳንዳዒ።

1. ኪሪሰቶሴ ጉሙርቁያ ካኣዥ ዩሩሳላሚይዳ ዩሱሴ ሌካ ዔውቴሰካፓ ዓርቁንቴያ ማዒያ
2. ዩና ካኣዥ ዩሩሳላሚ ዓጮ ቢያ ሄሊያ
3. ሜዲቴራኒያ ባዘ ኮይላ ዓኣ ዓጮ ሃሣ ጊንሣ ሮሜ ዓጮ ሄላንዳኣና ዳልጊ ዴንዲያ

ዳኪንቴዘንሢኮ ማደ ማጻጻፖይዳ ባሽ ማደ ማዒ ጴዳሢ ዓያና ጌኤዥ ማደኬ፤ ዩይያ ጴንጻቆሰጻ ኬሎና ዩሩሳላሚይዳ ዓኣ ኪሪሰቶሴ ጉሙርቃ ዓሶ ዑ፩ ዎልቁና ኬዲያና ሃሣ ጊንሣ ሃኖ ማጻጻፖይዳ ዓኣ ማዲንቴ ባኮ ቢያይዳ ጴዳሢፕዲ ዓያና ጌኤዥ ሺኢጲያ ማኣርና ዔኪ ዓኣዳ ዓሶና ማዲንዳ ባኮ ዳዊ ዳዊ ሃሣ ደዲሽያ ማዔሢኬ።

ዩኖ ዎዶና ኪሪሰቶሴ ጉሙርቁያ ዛሎ ኬኤዘንቴ ሃይሶኮ ዓኣፒ ማዔ ባካ ሃኖ ማጻጻፖይዳ ዓኣኔ፤ ዳኪንቴዘንሢኮ ማደ ማጻጻፖይዳ ዓኣ ማዲንቴ ባካ ኪሪሰቶሴ ጉሙርቃ ዓሶ ናንጎና ሺኢጲያ ማኣር ዓሶኮ ፔቱሞናይዳ ዓኣ ዎልቃ ዎሚዒ ዴኤፔ ማዔቶዎ ፔጋሲ ዳዎኔ።
ማጻኣፔላ ዲማ ዲማ ዓርቁ ባኮ

ኮዥ ሃይሶ ኬኤዛኒ ገኢጊንቶና ሃይሴ (1:1-26)

1. ዩሱሱኮ ጋፒንያ ዓይሢያና ሃሣ ዒ ዒንጌ ዎዞ (1:1-14)

2. ዪሁዳ ቤዛ ሜሌ ዓሲ ዶኦሪንቴሢ (1:15-26)

ኮዥ ሃይሳ ዩሩሳላሜይዳ ኬኤዚንቴሢ (2:1—8:3)

ኮዥ ሃይሳ ዪሁዳና ሳማሪያናይዳ ኬኤዚንቴሢ (8:4—12:25)

ጳውሎሴ ማዳ ማዳ (13:1—28:31)

1. ቤርታሲ ሃንቲ ማዳ ማዳ (13:1—14:28)

2. ዩሩሳላሜይዳ ዴያና ቡኪንቶ (15:1-35)

3. ላሚ ሃንቲ ማዳ ማዳ (15:36—18:23)

4. ሃይሣሲ ሃንቲ ማዳ ማዳ (18:24—21:16)

5. ጳውሎሴኮ ዩሩሳላሜይዳ፣ ቁሳሪያይዳ ሃሣ ሮሜ ዓጮይዳ ቱኡቲያ (21:17—28:31)

1 ቲዎፕሎሴ!

ታኦኮ ቤርታሳ ማፃኦፖይዳ ዩሱሴ ማዳ ባኮና ዔርዜ ባኮ ቢያ ታ ፃኦፔኔ፤ ታኦከ ፃኦፔሢያ ዩሱሴ ሳፆይዳ ማዳ ዓርቁማፓ ዴንዲ፣

2 ለካ ጫሪንጮ ዔውቲ ኬሎ ሄላንዳኦና ዒዚ ማዳ ማዳኬ፤ ለካ ጫሪንጮ ዒዚ ዔውቲሢ ዳኪንቴዞንሢ ጌይንቲ ዶኦሪንቴዞንሢ ማዳ ዩና ጌኤሺ ዎልቁና ዓይሢያ ዓይሢሢኮ ጊንፃፓኬ፤

3 ዒ ሃይቁሢኮ ጊንፃ ዲቢ ዔርታ ማርካ ማዳ ሳይሢና ሹምፔና ዓኦያ ማዳያ ሳናሳኒ ዔያቶም ፆይዲታሚ ኬሊዳ ጴዲ ጴዲ ፆኦሲኮ ካኦቲም ዛሎ ዔርዜኔ፤ ዔያታኦ ዒዛ ዛጌኔ።

4 ዔያቶና ዎላ ዒዚ ዓኦና፡- «ታ ዒንሢም ቤርታ ኬኤዜሢ ሃሣ ዓዶይዳፓ ዒንጊንቴ ዎዞ ዒንሢ ዩሩሳላሜይዳፓ ኬሰኩዎያ ዒኦካ ካፑዎቲ፤

5 ዮሃኒሴ ቤርታ ዎኦሢና ማሰኬኔ፤ ዒንሢ ጋዓንቴ ሃሢ ዳካ ኬሊኮ ጊንፃፓ ዓያና ጌኤሺና ማሰታንዳኔ» ጌዔኔ።

ዩሱሴኮ ለካ ጫሪንጮ ዓኦዲያ

(ማር. 16:19-20፤ ሉቃ. 24:50-53)

6 ዒማና ዳኪንቴዞንሢ ፔቲይዳ ቡኪንቲ ዓኦያ፡- «ሳደሢዮ! ዒሰራዔኤሌም ካኦቲም ማሢኔ ዒንጋንዳ ዎዳ ሃሢዳ?» ጌዒ ዩሱሴ ኮራ ፆኦጮኔ።

7 ዩሱሴ ማሃያ፡- «ዓዳሢ ፔ ቢታንቶና ማሊ ጌሢ ዎዶና ማዓንዳ ባኮና ዒንሢ ዔራኒ ዳንዳዑዎሴ።

1:1 ሉቃ. 1:1-4። 1:4 ሉቃ. 24:29። 1:5 ማቴ. 3:11፤ ማር. 1:8፤ ሉቃ. 3:16፤ ዮሃ. 1:33።

8 ጋዓንቴ ዓያና ጌኤሺ ዒንሢዳ ኬዳ ዎደና ዎልቄ ዒንሢ ዴንቃንዳኔ፤ ዩካፓ ዩሩሳላሚያዳ፤ ዪሁዳ ዓጮ ቢያይዳ፤ ሳማሪያይዳ፤ ዴንዲ ዓጮኮ ጋፒንያ ሄላንዳኣና ዒንሢ ታኣኮ ማርካ ማዓንዳኔ» ጌዔኔ።

9 ያዲ ጌዔሰካፓ ዔያታ ዛጋ ጎይሣ ዓኣንቴ ሌካ ጫሪንጮ ባንሢ ሳዓፓ ዔውታኣና ሻኣሬ ዔያቶኮ ዓኣፓፓ ዒዛ ዓኣቼኔ።

10 ዒዚ ዓኣዳኣና ዔያታ ጫሪንጮ ባንሢ ጊቸኮ ጌዒ ዛጊያይዳ ዓኣንቴ ቦኦሬ ዓፒላ ማኣዔ ላምዎ ዓሲ ዔያቶ ኮራ ዔቃዎ፡-

11 «ዒንሢ ሃይ ጌሊላ ዓጮ ዓሳ ጫሪንጮ ባንሢ ዛጊ ዒንሢ ዓይጎር ዔቄይ? ሃይ ጫሪንጮ ዔከንታንቴ ዒንሢ ዛጊ ዩሱሴ፤ ጫሪንጮ ዴንዳንቴ ዒንሢ ዛጊ ማሳይያ ዒማይዲ ማዒ ሙካንዳኔ» ጌዔኔ።

ዪሁዳ ቤዛ ማቲያሴኮ ዶኦሪንቴዎ
(ማቲ. 27:3-10፤ ዓይኑ. 109:8)

12 ዩካፓ ዛይቴ ሪሚቲ ዲካ ጌይንታዞይዲፓ ዩሩሳላሚ ባንሢ ዔያታ ማዔኔ፤ ዛይቴ ሪሚቲ ዲካ ጌይንታ ዲካ ዩሩሳላሚያዲፓ ዓሲ ዔኤሌም ዎይዛንዳጉዴ ፓዴ ቤሲዳኬ።

13 ዩሩሳላሚ ዔያታ ሙካዎ ዎንዴ ናንጋ ኩቦ ማኣሮ ኬሰኬኔ፤ ዔያታ፡- ጳዒሮሴ፣ ዮሃኒሴ፣ ያይቆኦቤ፣ ዒንዲራሴ፣ ፒልጳሴ፣ ቶኦማኦሴ፣ ቤርቴሌሞሴ፣ ማቲዎሴ፣ ዒልፒዮሴ ናኣዚ ያይቆኦቤ፣ ፔ ዓጮ ሚጨንታ ሲሞኦኔንታ ያይቆኦቤ ናኣዚ ዪሁዳንታኬ።

14 ዩያታ ቢያ ኬሊ ፔቱሞና ዶዲ ያኦሲ ሸኢቃኔ፤ ዔያቶና ዎላ ፔቴ ፔቴ ላኣሊና ዩሱሴኮ ዒንዶ ማይራሞና ሃሣ ዩሱሴኮ ጌርሲንሢያ ዓኣኔ።

15 ዒማና ጳዒሮሴ ጃኤታና ላማታሚና ማዓ ከሪሰቶሴ ጉሙርቃ ዓሲ ባኣካ ዔቃዎ ሂዚ ጌዔኔ፡-

16 «ታ ዒሾንሦ! ታ ሚሾንሦ! ዩሱሴ ዓርቄ ዓሶኮ ዓርና ማዔ፣ ዪሁዳ ዛሎ ፃኣፒንቴሢጉዲ ዓያና ጌኤሺ ቤርታሲ ዳውቴ ዛሎና ኬኤዜ ያኦሲ ማሊዎ ኩማኒ ኮይሳኔ።

17 ዪሁዳ ኑኡኮ ፔቴሢ ማዒ ቤርታ ኑኡና ዎላ ማዲያኬ።»

18 «ጋዓንቴ ዩይ ዓሢ ፔኤኮ ፑርቶ ማዶ ዛሎሮ ዔኬ ሚኢሾና ሳዓ ሻንቄኔ፤ ሃሣ ባሊቲና ሳዓ ጳዲንቴ ዲኡቄ ሂኮ ፓቂንታዛ፣ ሩቁንታኣ ዒዛኮ ኬሰኪ ሚጨንቴኔ፤

1:8 ማቲ. 28:19፤ ማር. 16:15፤ ሉቃ. 24:47-48። 1:9 ማር. 16:19፤ ሉቃ. 24:50-51። 1:13 ማቲ. 10:2-4፤ ማር. 3:16-19፤ ሉቃ. 6:14-16። 1:18 ማቲ. 27:3-8።

19 ይይ ማዳንቴ ባካ ዩሩሳላሚ ዓጮይዳ ቢያ ዋይዚንቴኔ፤ ዩያር ዩና ሳባ ዔያቶ ዓጮ ሙኡጮና <ዓከልዳማ> ገይንቴኔ፤ ዩናኮ ቡሊፃ <ሱጉሢ ሳባ> ገይሢኬ።»

20 «ይይ ያዲ ማዳኒ ዳንዳዔሢ ሳይኑሞ ማፃኣገይዳ፡- <ዒዚ ናንጋ ማኣራ ባዔ ማዎንጎ፤ ምክኒያ ዒኢካ ናንጎ፤ ሃሣ ዒዛኮ ዓኣ ቢታንቶ ሜሌ ዓሲ ዓኮንጎ፤ ገይንቴ ፃኣፒንቴያ ዓኣሢሮኬ።»

21 «ይያር ጎዳ ዩሱሴ ኑ ባኣኮይዳ ኑኡና ዋላ ሃንቴ ዋደና ጉቤ ኑኡና ዋላ ዓኣ ዓሶይዳ፤

22 ይያጉዲ ሃሣ ዮሃኒሴ ዋኣፃና ማሰካ ዋደይዳ፤ ሳርቃፃ ዴንዲ ጎዳ ዩሱሴ ጫሪንጮ ዔውቴ ኬሎ ሄላንዳኣና ኑኡና ዋላ ዓኣ ዓሶይዳ፤ ፔቴ ዓሲ ጎዳ ሃይባፓ ዔቁሢኮ ኑኡና ዋላ ማርካ ማዳኒ ኮይሳኔ» ገዔኔ።

23 ዩካፓ ላምፃ ዓሲ ዔያታ ዳማሲ ፔ ባንሢ ኬሴኔ፤ ዩያታ ቤርሳባሴ ሃሣ ባጎ ሱንፃ ዒዮሰፃሴ ገይንቴ ላምፃ ሱንሢና ዔኤሊንታ ዮሴፔ ጎዎሢና ማቴያሴናኬ።

24 ዩካፓ ጳጳርሴንሢ ሂዚ ገዒ ሺኢቁኔ፡- «ዓሲኮ ቢያ ዒኔ ዔራ ጎዳሢዮ! ሃንሢ ላምፃንሢዳ፤ ፃና ኔኤኒ ዶኦሬቴያ ኑና ዳዌ፤

25 ኑ ሃሢ ሺኢቃሢ ዩሁዳ ፔ ሺኔና ፔ ማሌ ቤዘ ዓኣዳፃ ሃሺ ዳኪንቴፃ ማዳ ዔኪ ፔ ማዳ ማሂ ዒዛ ቤዘ ማዳንዳሢ ፃናታቴያ ኔ ኑሞ ዔርዛንዳጉዲኬ።»

26 ጋዓፃ ዒፃ ዓጋዛ ዩና ባከላ ማቴያሴም ኬሰኬኔ፤ ዩያር ዩይ ማቴያሴ ጎዎሢ ታጳ ፔቴ ዳኪንቴዘንሢኮ ዋላ ማዳ ፓይዲንቴኔ።

2

ዓያኖ ገኤዦኮ ኬዲፃ

1 ዓይሁዶ ዓሳኮ ዑሣ ዓኣዲሢ ኬሊ ገዒ ቦንቾ ከላ ጋፔሰካፓ ደንጊታሚ ኬሊ ዴዒ ቦንቾ ጳንጻቆሰጻ ገይንታ ቦንቾ ኬሎና ኪሪሰቶሴ ጉሙርቃ ዓሳ ቢያ ፔቴሞና ቡኪ ፔቴ ቤሰካ ዓኣንቴ፤

2 ዔርቴባኣ ዶዲ ዓልጎ ዠባሬጉዴ ዑኡሲ ጫሪንጫፓ ሙኪ ዔያታ ዓኣ ጋር ኩሜኔ።

3 ዓዳ ታሚኮ ሎሰቶ ማላያ ሚርጌ ዒንዲርሲ ዔያቶም ጳዳፃ፡ ፓቂንቴ ፓቂንቴ ፔቴ ፔቴሢ ዑፃ ዴዔኔ።

1:20 ዓይኑ. 69:25፤ 109:8። 1:22 ማቴ. 3:16፤ ማር. 1:9፤ 16:19፤ ሉቃ. 3:21፤ 24:51። 2:1 ሉዊ. ዓከ 23:15-21፤ ላሚ. ዋማ 16:9-11።

4 ይማና ቢያሢ ዳናና ጌኤሺ ኩሙሢ ዋልቁና ኬዳኔ፤ ሃሣ ዳናና ጌኤዠ ዔያቶም ጌሰታንዳጉዲ ዒንጌ ዲማ ዲማ ሙኡቲና ጌሰቲሢ ዳርቄኔ።

5 ዓጪ ማዔ ካራና ዓአ ቤዛፓ ቢያ ሙኩ፣ ጾኦ ሳካሽካ ዓይሁዳ ዓሳ ዩሩሳላሚይዳ ናንጋኔ።

6 ዒማና ዬኖ ዑኡዜሎ ዋይዛጾ ሚርጌ ዓሲ ሙኪ ዒኢካ ቡኪንቴኔ፤ ዬና ጌሰታ ዓሳ ዬያ ሙኪ ቡኪንቴ ዲማ ዲማ ዓሶኮ ሙኡጮና ጌሰታንቴ ዋይዜሰካፓ ዓሳ ጎጾንደ ጎይሢ ባይዜኔ።

7 ሃሣ ዲቃቲ ሄርሺሢና ሂዚ ጌዔኔ፡- «ሃኦታ ሃያይዲ ጌሰታ ዓሳ ቢያ ጌሊላ ዓሲቱዋዓዳ?

8 ሂዳጾ ሃሢ ዔያታ ኦኡኮ ኦ ሸይንቴ ዓጮ ሙኡጮና ጌሰታንቴ ኦ ዋይዛሢ ዋይቲዳይ?

9 ኦኡኒ ሃሢ ናንጋሢ ጳርቲይዳ፣ ሜዳይዳ፣ ዔላኦሚይዳ፣ ሜሶፖታሚያይዳ፣ ዪሁዳይዳ፣ ቁጶደቂያዳ፣ ጳንጾሴይዳ፣ ዒሲያይዳ፣

10 ፒርጌያይዳ፣ ጳንፒሊያይዳ፣ ጌብዔይዳ፣ ቁሪና ጌይንታ ካታዋ ኮይላ ዓአ ሊቢያ ዓጮይዳኬ፤ ሃሣ ሮሜ ዓጮፓ ሙኪ ዓይሁዳ ዓሶንታ ቤርታ ዓይሁዳቱዋጾ ዓይሁዳ ማዔ ዓሳ ኦኡኒያ ዓአኔ፤

11 ዬያጉዲ ቁርዔሴ ዓጪ ዓሲንታ ዓሪቤ ዓጪ ዓሲንታ ዓአኔ፤ ሃይሾ፡- ሃይ ዓሳ ቢያ ጾኦ ማዕ ፑኡፖ ማዕ ዛሎ ኦ ሙኡጮና ኬኤዛሢ ኦ ዋይዛንቴዎ!» ጌዒ፡

12 ቢያሢ ዲቃቲ ሄርሻጾ ጎጾንደ ጎይሢ ባይዜ፡- «ሃይ ዓይጎ ባኣዚ ናንዳይ!» ጌዒ ጌዒ ዋሊ ኮራ ጾኡጮኔ።

13 ፔቲ ፔቲ ዓሳ ጋዓንቴ ዬያ ባኮ ዓማሊ ማሃዎ፡- «ዋይኔፓ ኮሾና ዑኩ ዑሽኪ ዔያታ ማማሢንቴያዋይ!» ጌዒ ጌዒ ቦሃኔ።

ጳዒርሴ ጌሰቲ ጌኤዘ

14 ዒማና ጳዒርሴ ታጶ ፔቲ ዳከንቴዘንሢኮና ዋላ ዔቁ ዓኦጾ ዴሮዎ ዑኡዘ ፔኤሲ ዳጌዲ ሂዚ ጌዒ ኬኤዜኔ፡- «ዒንሢ ዪሁዳ ዓጮ ዓሶ ማዔ ኦ ዓሶንታ ዩሩሳላሚይዳ ናንጋ ዓሳ ቢያ ማዲንቴ ባካ ዓይጎታቲያ ዔራኒ ታ ጋዓሢ ኮሺ ዋይዙዋቲ፤

15 ሳዓ ሃጌ ሶኦፓ ዋዴታሢር ዒንሢ ማላሢጉዲ ሃይ ዓሳ ማማሢንቴያቱዋሴ፤

16 ጋዓንቴ ሃይ ሃኦዲ ማዔሢ ጾኦ ማሊጾ ኬኤዛ ዒዩዔኤሌ ኬኤዛዎ፡-

17 ጾኦሲ ጋፒንጾ ኬሎና ሃኦዲ ማዓንዳኔ ጋዓኔ፡- ታኦኮ ዓያኖ ታኦኒ ቢያ ዓሲ ዑሰካ ሳኦላንዳኔ፤ ዒንሢኮ ዓቲንቆና ዉዲሮ ናኦቶና ጾኦሲ ማሊሢ ኬኤዛንዳኔ፤

- ጴጌሣያ ሃሣ ያኦሲ ፔጋሲ ዳዋ ባኣዚ ዛጋንዳኔ፤
 ጋርቾ ዓሳኣ ዓውቲ ዓውታዳንዳኔ።
- 18 ዬያጉዲ ዬኖ ዎዶና
 ባቲንቆና ላኣሎና ማዒ ታኣሞ ማዳ ዓሶ ዑፃ
 ዓያኖ ታኣኮ ታ ላኣላንዳኔ፤
 ዔያታኣ ያኦሲ ማለሣ ከኤዛንዳኔ።
- 19 ሌካ ጫሪንጮይዳ ዲቃሣ ሄርሺሳ ባኣዚ
 ለካ ሳዎይዳ ታ ዎልቄና ማዲንታ ዓኪ ባኣዚ ታ ዳዋንዳኔ፤
 ሱጉሣና ታሚና ሃሣ ጩቢ ሊኢሎጉዲ ላሂ ጴዳንዳኔ።
- 20 ጴኤፒ ሃሣ ሚርጌና ቦንቹንታያ ማዒ
 ጎዳኮ ሙኮ ከላ ሄላንዳሣኒ ቤርታ
 ዓባ ዲማንዳኔ፤
 ዓጊናኣ ሃሣ ሱጉሣ ማላንዳኔ።
- 21 ጎዳ ማኣዶም ጌዒ ዔኤላ ዓሲ ቢያ ዳቃንዳኔ»
 ሂዚ ጌዔሣ ኩማንዳጉዲ ከ።
- 22 ጋዓዖ፡ ቃሲ ጊንሣ ጴዳርሴ፡- «ሃይ ኑ ዓሶ ማዒ ዒሰራዔኤሌ
 ዓሳ! ሃያ ታ ከኤዛ ባኮ ኮሺ ዎይዙዎቲ፤ ዒንሣያ ቤርታዲ
 ዔራሣጉዲ ናዚሬቶ ዬሱሴ ያኦሲዳፓ ዳኪንቴ ዒንሣ ባኣካ ጴዳያ
 ሃሣ ያኦሱሞ ቢታንቶ ዒዛኮ ዓኣያከ፤ ዬይ ፑኡፑማ ዒዛኮ ዔርቲሣ
 ያኦሲ ዒዛ ዛሎና ያኦሲ ዎልቄና ማዲንታ ዓኪ ማዳ፡ ዲቃሣ ባኣዚ፤
 ጴኤፒ ማላታ ማዓ ባኣዚ ዒንሣ ቤርታ ማዲያናከ።
- 23 ያኦሲ ቤርታዲ ማለሣጉዳያና ሃሣ ማዲንታንዳሣ ዒ ዔሬ
 ጎይያና ዒንሣም ዒዚ ዓኣሣንቴ ዒንጊንቴኔ፤ ዒንሣያ ዒዛ ፑርቶ
 ዓሶም ዒንጊ ሱጻንቴ ሃይቃንዳጉዲ ማሄኔ።
- 24 ያኦሲ ጋዓንቴ ሃይቢኮ ዓኣ ዎልቆ ሚንሣ ሃይቢፓ ዒዛ
 ዔቂሴኔ፤ ሃይቢያ ዒዛ ዓርቂ ቃዛኒ ዳንዳዒባኣሴ።
- 25 ዳውቲ ዒዛ ዛሎ ከኤዛዖ፡-
 ሳዳ ታኣኒ ቢያ ዎዳ ታኣኮ ቤርታ ዓኣንቴ ዛጋኔ፤
 ዒ ታኣኮ ሚዛቆ ዛላ ዓኣሣር ታ ሂርጋዓ፤
- 26 ዬያር ታኣኒ ዎዛዳኔ፤
 ዒና ሃሣ ታኣኮ ዎዛና ኩሜኔ።
 ሃይቃ ዓሸከላ ታኣኮ ሃጊ ማዓንዳ ዎዛና ናንጋኔ፤
- 27 ሸምፔሎ ታኣኮ ኔ ሃይቄ ዓሶ ባኣካ ሃሸንዲዋሴ፤
 ኔኦኮ ጉሙርቂንታ ዓይላሣ ዴኡፖ ዔቶይዳ ኔ
 ዎዒሲንዲዋሴ።

2:17 ዓ.ዲ. 2:28-32። 2:23 ማቲ. 27:35፤ ማር. 15:24፤ ሉቃ. 23:33፤ ዮሃ. 19:18። 2:24 ማቲ. 28:5-6፤ ማር. 16:6፤ ሉቃ. 24:5።

28 ናንገኪ ጎይሢ ታኣም ኔ ዳዌኔ፤
ሃሣ ኔኤኒ ታኣና ዋላ ዓኣሢሮ ዋዛ ታኣኮ ጉቤ ዒናፓ ማዓንዳኔ»

ሂዚ ጌዔኔ።

29 ጌዔሰካፓ፡- «ዒሾንሢየቱ! ቤርታኣ ዓድንሢዳፓ ፔቴሢ ማዔ፥ ዳውቴ ሃይቂ ደኡቴሢና ሃሣ ዒዛኮ ደኡፓ ሃኖ ሄላንዳኣና ኑ ኮራ ዓኣሢ ፔጌና ታ ዒንሢም ከኤዛኒ ዳንዳዓኔ።

30 ዳውቴ ያኦሲ ማሊሢ ከኤዛያ ማዔሢሮ ሃሣ ያኦሲ ዒዛም ሄኤኮ ዜርፃፓ ፔቴ ዓሲ ታኣኒ ኔ ካኣቱም ቤዛ ጌሣንዳኔ፤ ጌዒ ጫኣቂሢሮ ዒዚ ዬያ ዔሬኔ፤

31 ዬያይዳፓ ዔቆያና ማሲሄ ደኡፐ ዔቶይዳ ዓቲንዳዋኣሢና ዓሽካ ዒዛኮ ዒኢካ ዋዒንዳዋኣሢ ቤርታዲ ዔሪ ዔቂያ ዛሎ ከኤዜኔ።

32 ያኦሲ ዬያ ዬሱሴ ሃይባፓ ዔቂሴኔ፤ ኑኡኒያ ቢያሢ ዬያ ባኮኮ ማርካኬ።

33 ያኦሲ ፔኤኮ ሚዛቆ ዛላ ቦንቺንቴ ቤዛ ዒዛም ዒንጌኔ፤ ሃሣ ዓዳሢዳፓ ዒንጌንታንዳኔ ጌይንቴ ዓያኖ ጌኤዠዋ ዔኬኔ፤ ሃያ ዒንሢ ዛጋ ባኮና ዋይዛ ባኮ ዒዚ ላኣሌኔ።

34-35 «ዓካሪ ጫሪንጮ ዓኣዳሢ ዳውቴቱዋሴ፤ ዳውቴ ፔ ቶኦኪና፥

ናንገና ናንጋ ጎዳ ታ ጎዳሢም (ሚሲሄም)

ኔ ሞርኮ ታ ኔና ባሺሳንዳያ ሄላንዳኣና
ታኣኮ ሚዛቆ ዛላ ዳዔ» ጌዔኔ ጌዒ ከኤዜኔ።

36 «ማይ ዓካሪ ሃያ ዒንሢ ሱፃ ዬሱሴ ያኦሲ ማሲሄ ሃሣ ጎዳቲ ማሄሢ ዒሰራዔኤሌ ዴራ ቢያ ጎኔና ዔሮንጎ!» ጳዲሮሴ ጋዓዛ፥

37 ዓሳ ዬያ ዋይዜሰካፓ ዒኔ ደዲ ያያያ ጳዲሮሴንታ ዒዛና ዋላ ዓኣ ዳኪንቴዘንሣኒ ኮራ፡- «ዒሾንሢየቱ! ዓካሪ ኑ ዋዶንደይ?» ጌዒ ያኦጮኔ።

38 ጳዲሮሴ ማሃያ፡- «ጎሞ ቡኡጹዋቴ፤ ጎማ ዒንሢኮ ዓቶም ጌይንታንዳጉዲ ዬሱሰ ኪሪሰቶሴ ሱንጎና ዋኣያ ማሰቱዋቴ፤ ያኦሲ ዒንጌሢ ማዔ ዓያኖ ጌኤዠ ዒንሢ ዔካንዳኔ።

39 ዓይሳሮ ጌዔቶ ያኦሲኮ ዋዘ ቃኣላ ዒንሢንታ ዒንሢኮ ናኣቶንታም ሃሣ ጎዳ ያኣዛሢ ፔ ባንሢ ዔኤላንዳ ሃጋ ሴካ ቤርታ ሙካንዳ ዓሶም ቢያኬ» ጌዔኔ።

2:28 ዓይኑ. 16:8-11። 2:30 ዓይኑ. 132:11፤ 2ሳሙ. 7:12-13። 2:34-35 ዓይኑ. 110:1።

40 ሃሣ ዩያጉዲ ቃሲ ሚርጌ ባአዚ ማርካ ማሂ ኬኤዚ ኬኤዚ፡- «ሃያ ዋሶ ሾይንቶይዳ ሄላንዳ ባይሲንቶይዳፓ ዒንሣ ቶኦኮ ዳቂሹዋቴ» ጌዒ ዔያቶ ዘሬኔ።

41 ዩያ ዓሶይዳፓ ሚርጌሣ ጳደርሴ ጌዔ ባኮ ጎኔኬ ጌዒ ዔኪ ዋአያ ማሰቴኔ፤ ዩኖ ኬሎና ሃይሃ ሺያ ማዓ ዓሲ ኪሪሰቶሴ ጎናሲ ዔኪ ዔያቶይዳ ቃሲንቴኔ።

42 ዩያታ ዳኪንቴዘንሣኒኮ ዔርዚያ ዋይዚ ዋይዚ፥ ፔቱሞና ናሽኪንቴ ዋላ ናንጊ ናንጊ፥ ካሣአ ዋላ ሙዒ ሙዒ ሺኢጲሣያ ዶዲ ሺኢቃኔ።

ኪሪሰቶሴ ጉሙርቃ ዓሶኮ ፔቱሞ ናንጎ

43 ዩኖ ዋዶና ዳኪንቴዘንሣኒኮ ማርጌ ያኦሲ ዋልቄና ማዲንታ ዓኪ ባአዚና ዲቃሣ ባአዚና ማዲንታያ ማዔሣሮ ዒዞ ዋዶና ዒኢካ ናንጎ ዓሳ ቢያ ዩያ ባኮ ዲቃቲ ዘጋኔ።

44 ኪሪሰቶሴ ጉሙርቃ ዓሳ ጋዓንቴ ፔቱሞና ናንጎኔ፤ ዔያቶኮ ዓአ ባካ ቢያሣሮኬ።

45 ዔያታ ፔኤኮ ዓአ ሳዖና ቆሎና ሻንቺ ሻንቺ ሚኢሾ ዋለም ኮይሳሣ ጎይያ ፓቃኔ።

46 ቢያ ኬሊ ፔኤዦ ማአሮይዳ ፔቱሞና ቡኪንታኔ፤ ፔቴ ፔቴሣኮ ማአሮ ዓአዲ ዓአዲ ካሣ ዋላ ሙዒ ኮሺ ዒኔና ዋዛዲ ናንጎኔ፤

47 ያኦሲያ ዔያታ ጋላታኔ፤ ዓሲ ቢያ ዔያቶ ቦንቻኔ፤ ያኦሲ ሃሣ ዔያቶ ጌዳ ዳቃ ዓሲ ቢያ ኬሊ ቃሳኔ።

3

ጳደርሴንሣ ዋሶ ዓሲሰኬያ ዳቂሹሣ

1 ፔቴ ኬሊ ጳደርሴና ዮሃንሴና ያኦሲ ሺኢቆ ዋዳ ሄሌም ጌኤዦ ማአሪ ዓአዳኔ፤ ዩና ዋዳ ማሣ ደምቦልሳ ዋዳ ማዓአናኬ።

2 ዒማና ጌኤዦ ማአሮ ጌሎ ካራ «ሚዘጲ ካራ» ጌይንታ ቤሲ ዓአኔ፤ ዒዞ ቤዜሎይዳ ሾይንቴማፓ ዓርቃያ ዋሶ ማዔ ዓሲ ዓአኔ፤ ዩያ ዓሣ ዓሳ ቢያ ኬሊ ዔኪ ሙኪ ሙኪ ዒኢካ ጌሣኔ፤ ጌሣሰካፓ ዒዚ ዒኢካ ዴዒ ጌኤዦ ማአሮ ጌላ ዓሳ ዒዛም ዔኤቢ ዒንጋንዳጉዲ ሺኢቃኔ።

3 ጳደርሴና ዮሃንሴና ጌኤዦ ማአሪ ጌላሣ ዩይ ዓሣ ዘጋያ ዔኤቢ ዒንጎም ዔያቶ ሺኢቆኔ።

4 ዔያታ ጋዓንቴ ዓሣ ኮሺ ዘጌሰካፓ ጳደርሴ ዓሣ ኮራ፡- «ሂንዳ ኑ ባንሣ ዘጌ» ጌዔኔ።

2:44 ዳኪ. ማዳ 4:32-35።

5 ዋቦ ዓሢ ታኣም ዔኤቢ ዒንጋንዳሲኑዋይ ጌዒ ኮሺ ዔያቶ ዛጌኔ።

6 ጳዒርሴ ጋዓንቴ፡- «ቢራና ዋርቄና ታኣኮ ባኣሴ፤ ታኣኮ ዓኣማ ታ ኔኤም ዒንጋንዳኔ፤ ሩዚሬቶ ዩሱሰ ኪሪሰቶሴ ሱንፆና ዔቂ ሃንቴ» ጌዒ፤

7 ሚዛቆ ኩጮ ዓሢኮ ዓርቂ ዔቂሴኔ፤ ዓሢኮ ቶኮና ጨጊጮና ቤዘና ደዴም።

8 ላዓ ጌዒ ዔቂ ዔያቶና ዋላ ሃንቴ ጌኤዢ ማኣሪ ጌሌኔ፤ ሴካ ሃንጋ ጌዒያ ሃንቴ ሃንቴ ሃሃ ኮኣሚ ኮኣሚ ፆኣሲ ጋላቴ።።

9 ዓሳ ቢያ ዒዚ ፆኣሲ ጋላቴ ጋላቴ ሃንታሢ ዛጌኔ።

10 ጌኤዢ ማኣሪ ጌሎ ካራ «ሚዛጺ ካራ» ጌይንታ ቤዛ ዴዒ ሺኢቃሢ ዒዛ ማዔሢያ ዔያታ ዔሬኔ፤ ሃሃ ዒዛይዳ ማዲንቴ ባኮ ዛጋዖ ዲቃቴ ሄርሺሢ ዓርቄ።።

ጳዒርሴ ጌኤዢ ማኣሪይዳ ጌሰቴ ባኮ

11 ዩይ ዳቂ ዓሢ ጳዒርሴና ዮሃኒሴናይዳፓ ታ ዲማዳዓ ጌዒ ዴንዶ ዒዒ «ሴሎሞኔ ዴማ ሃንታ፡ ዴኤፖ ዛምፓሢ» ጌይንታ ቤዘይዳ ዓኣንቴ፡ ዓሳ ዲቃቴ ሄርሺሢና ዒዛ ቤዜሎ ዔያቶ ባንሢ ጳሽኪ ሙኬኔ፤

12 ጳዒርሴ ዓሶ ዛጋዖ፡- «ዒሰራዔኤሌ ዓሲዮቴ! ሃያ ባኮ ዒንሢ ዓይጎር ዲቃቴ ሄርሻይ? ዓይጎር ዒንሢ ሃያይዲ ፔቶ ጌዢ ጌዒ ኑና ዛጋይ? ኑኡኒ ሃያ ዓሢ ኑ ዋልቄና ሃሃ ኑኡኒ ኮሺ ማዳያ ማዒ ዔቂሴ ሃንቴሴያ ዒንሢ ኮራ ማላ?

13 ጋዓንቴ ዒብራሃሜኮ፡ ዩሳኣቄኮ፡ ያይቆኦቤኮ ፆኣዛሢ ሃሃ ቤርታኣ ኑ ዓደንሢ ፆኣዛሢ ፔኤኮ ናዓሢ ዩሱሴ ቦንቹኔ፤ ዒንሢ ጋዓንቴ ዒዛ ሃይቃንዳጉዲ ጲላፆሴም ዓኣሢ ዒንጌኔ፤ ጲላፆሴ ዒዛ ሃሻኒ ኮዓዛ ዒንሢ ኑ ዒዛ ኮዑዋሴ» ጌዔ።።

14 ጌኤሺ ማዔ ያላሢ ኑ ዒዛ ኮዑዋሴ» ዒንሢ ጌዒ ፔቴ ዓሶ ዋዳ ዓሢ ቡሊንታንዳጉዲ ጲላፆሴ ኮራ ዒንሢ ሺኢቄ።።

15 ሸምፖ ዒንጋያ ማዔሢ ዒንሢ ዋዳንቴ፡ ፆኣሲ ዒዛ ሃይባፓ ዔቂሴኔ፤ ዩያ ባኮኮ ኑኡኒ ሃሢ ማርካኬ።።

16 ሃይ ሃሢ ዒንሢ ዛጋ ዓሢ፡ ቤርታኣ ዒንሢ ዒዛ ዔራ ዓሢ ዳቂ ደዴሢ ዩሱሴ ሱንፆና ጳዳ ጉሙርቂሢናኬ፤ ዩሱሴ ሱንፆ ጉሙርቂፆና ዒንሢ ቢያሢኮ ቤርቶይዳ ዳቂ ዓሲ ማዒ ዒዚ ጳዳኔ» ጌዔ።።

3:13 ኬሲ. ማፃ 3:15። 3:14 ማቲ. 27:15-23፤ ማር. 15:6-14፤ ሉቃ. 23:13-23፤ ዮሃ. 10:12-15።

17 ጳጳርሴ ሃሃ ከኤዛዎ፡- «ዲሸንሢኮ፣ ዩሱሴይዳ ዲንሢ ማዳ ባኮ ዲንሢኮ ሱኡጎጉዲ ዲንሢያ ዔሩዋዎ ማዳሢ ታ ዔራኔ።

18 ያኦሲ ጋዓንቴ ዬያ ማዳሢ <ዲዛም ዲማዳ፣ ማሲሄ ማቶ ዔካንዳያ ኮይሳኔ> ጌይንቴ ያኦሲ ማሊያ ከኤዛ ዓሶ ዛሎና ከኤዚንቴሢ ኩማንዳጉዲከ።

19 ዓካሪ ጎማ ዲንሢኮ ዓቶም ጌይንታንዳጉዲ ጎም ቡኡፀ-ዋቴ፤ ያኦሲ ባንሢያ ማዑዋቴ፤

20 ዬያይዳቴ ዲንሢም ጎዳይዳገ ዓያና ዛላና ደዲሢ ዋዴ ሙካንዳኔ፤ ያኦሲ ቤርታዲ ዲዛ ደኦሪ ማሲሄያ ዲንሢም ዳካንዳኔ።

21 ዲዚ ጫሪንጮይዳ ዴዓኒ ኮይሳሢ ጌኤሽ ማዔ፣ ያኦሲ ማሊያ ከኤዛ ዓሶ ዛሎና ያኦሲ ቤርታዲ ከኤዜሢሢዲ ዓጪ ካራና ቢያ ዓካዳንዳ ዋዳ ሄላንዳኦናከ።

22 ሙሴያ ከኤዛዎ ያኦሲ ታና ከሲ ዲንሢም ከኤዚሳሢሢዲ ዲንሢኮ ጌርሲንሢ ባኦካገገ ያኦሲ ማሊሢ ከኤዛያ ከሳንዳኔ፤ ዬይ ከኤዛ ባኮ ቢያ ዋይዙዋቴ፤

23 ዬይ ያኦሲ ማሊያ ከኤዛሢ ከኤዛ ባኮ ዋይዙዋይ ቢያ ዴራገ ዲማዲ ባይቆንጎ ሂዚ ጌዔኔ።

24 ያኦሲ ማሊያ ከኤዛ ሳሙዔኤሌይዳገ ዓርቂ ያኦሲ ማሊያ ከኤዛ ዓሳ ቢያ ሃና ዋዶ ዛሎ ከኤዜኔ።

25 ያኦሲ ማሊያ ከኤዛ ዓሶ ዛሎና ከኤዚንቴ ሃጊ ማዓንዳ ዋዛ ዲንሢሮከ፤ ዬያጉዲ ያኦሲ ዓብራሃማም <ሳዎይዳ ዓኦ ዴራ ቢያ ኔ ዜርዎና ዓንጃንታንዳኔ> ጌዲ ኦኡኮ ዓዶንሢና ዋላ ጫኦቄ ጫኦቄማ ዲንሢማኦ ማዓያከ፤

26 ዬያሮ ያኦሲ ቤርታዲ ፔናዓሢ ዳከሢ ዲንሢምከ፤ ዬያ ያኦሲ ማዳሢ ዬይናዓሢ ዲንሢ ፔቴ ፔቴሢ ፑርቶ ጎይፃገ ማሃ ሃሃ ዲንሢ ዓንጃንዳጉዲከ» ጌዔኔ።

4

ጳጳርሴና ዮሃንሴና ዋጎ ዋጋ ዓይሁዶ ዓሶ ቤርቶ ሸኢከሢ

1 ጳጳርሴና ዮሃንሴና ዴሮም ከኤዛ ጎይሢ ዓኦንቴ፣ ቄኤሶና * ጌኤዢ ማኦኦ ካገገ ዓሶኮ ሱኡጋሢና ዬያጉዲ ሃሃ ሶዶቄ ጌይንታ ዓሳ ዔያቶ ኮራ ሙካዎ፣

3:22 ላሚ. ዋማ 18:15፤ 18:: 3:23 ላሚ. ዋማ 18:19:: 3:25 ማከ. ማፃ 22:18:: * 4:1 ቄኤሶና፡- ጋዓዛ ፔቴ ፔቴ ሚናኦ ማፃኦገ «ቄኤሶኮ ሱኡጎና» ጋዔኔ።

2 ዩንሣ ላምዎ ዳኪንቴዘንሣኮ ዩሱሴኮ ሃይባፓ ዔቂዎ ዛሎ ዒኢካ
ዓሶ ዔርዘሣረ፤ ሃሣ ዩያጉዲ ሃይቁ ዓሶኮ ዔቂሣ ዓኣያ ማዔሣ
ዓሶም ፔጋሲ ከኤዘሣረ ዔያፓ ዳጋና ጎሪንቴኔ።

3 ሃሣ ዔያቶ ዓርቄኔ፤ ዒማና ሳዓ ዓመያፓሣረ ሳዓ ካራንዳኣና
ቱኡዘ ማኣራ ቱኪ ዎይሣኔ።

4 ያዒ ማዔቶዎ ዔያፓ ከኤዘ ቃኣሎ ዎይዘ ዓሶይዳፓ ማርገሣ
ኪሪሰቶሴ ጉሙርቄኔ፤ ዩማና ኪሪሰቶሴ ጉሙርቃ ዓቲንቆኮ ፓይዳ
ደንጎ ሺያ ባንሣ ዴግ ጌዔኔ።

5 ዚሮ ጉቴሎ ዓይሁደ ዓሶኮ ሱኡጎና ጨዎ ማዔ ዓሶና ሙሴ
ዔርዘ ዎጎ ዔርዘ ዓሶና ዎላ ዩሩሳላሜይዳ ቡኪንቴኔ።

6 ዒኢካ ቡኩ ዓሶ ባኣካ ቄኤሶ ቢያኮ ሱኡጋሣ ማዔ፣ ሃናንታ
ቃያፓንታ ዮሃኒሴንታ ዒሰኪንዲሮሴንታ ቄኤሶ ሱኡጋሣን ዒጊኖ
ማዔ ዓሳኣ ዓኣኔ።

7 ዩካፓ ዔያፓ ላምዎ ዳኪንቴዘንሣኮ ዔኪ ሙኪ ዔያቶ ባኣካ
ዔቂሳዎ፡- «ሃያ ዒንሣ ዓይጎ ዎልቄና ሃሣ ዎ ሱንሣና ማዴይ?» ጌዒ
ዎኦጩኔ።

8 ዩማና ጳዒሮሴ ዓያና ጌኤሺ ቢታንቶ ዴዎ ጌሉ፡- «ዒንሣ ዴሮኮ
ሱኡጎና ጨዎ ማዔ ዓሳ!

9 ኦኡኒ ሃኖ ዎኦጩንታሣ ፔቱ ዎቦ ዓሣም ኮሺ ባኣዚ
ማዴንቴሣረና ሃሣ ዒዚ ዎይቲ ዳቄታቶዎ ዩኖ ዛሎሮ ማዔቶ፣

10 ሃይ ዓሣ ዳቄ ዒንሣ ቤርታ ዔቂሣ፡- ዒንሣ ሱፃሣ ሃሣ ዎኦሲ
ሃይባፓ ዔቂሴሣ፤ ናዚሬቶ ዩሱሴ ኪሪሰቶሴ ሱንዎና ማዔያፓሣ
ዒንሣንታ ዒሰራዔኤሌ ዴሮ ቢያሣም ዔርቲያ ማዎንጎ።

11 ዒንሣ ማኣሮ ማዎ ሳሳ ቦሃ ከኤሬ ሹጫሣ ዒዛከኔ፤ ጋዓንቴ
ዒዚ ማኣሮ ደዲሺ ዓርቃ ሄላሣ ማዔኔ።

12 ዩያሮ ዳቄንታ ዒዛና ማዓንዳፓዓቲም ሜሌ ዓይጎ ዓሰናታዎ
ባኣሴ፤ ዓይጎሮ ጌዔቶ ኦ ዳቃኒ ኮይሳያ ሃሣ ዎኦሲ ዓሰም ዒንጌ
ሱንሣ ዒዛ ሱንዎይዳፓ ዓታዛ ዓጮ ቢያይዳ ዎኦኒያ ባኣሴ» ሂዚ
ጌዔኔ።

13 ዎጎ ዎጋ ዓሳ ጳዒሮሴና ዮሃኒሴና ዒጊጩዎዎ ቢያ ባኮ ጎናሲ
ከኤዛሣ ዛጌ ዎደና ዔርዘ ማኣሮ ጌሊባኣ፣ ጉሪ ዓሲታሣ ዔያቶ
ዔራያፓሣረ ዲቃቲ ሄርሻዎ፣ ዔያፓ ዩሱሴና ዎላ ዓኣያ ማዔሣ
ዔሬኔ።

14 ዳቄ ዓሣያ ጳዒሮሴና ዮሃኒሴና ኮራ ዔቂ ዓኣሣ ዛጋዎ ጎዎንዶ
ጎይሣ ዔያፓ ባይዘኔ።

15 ዩያሮ ዎጎ ዎጎ ቤዘይዳፓ ዳካሮ ዔያቶ ሺኢሻዎ ሂዚ ጌዒ ዔያፓ
ዘርቲኔ።

4:11 ዓይኑ. 118:22።

16 «ዓካሪ ሃንሢ ዓሰንሢ ኑ ዎድንደይ? ሃይ፥ ያኑሲ ዎልቆና ማዲንታ ዳኤፖ ዓኮ ባካ ዔያቶ ዛሎና ማዲንታሢ ዩሩሳላሜ ዓጫ ናንጋ ዓሰሞ ቢያ ዎይዚንቴኔ፤ ዩያሮ ኑ ዔሩዋሴ ጋዓሲ ዳንዳዑዋሴ፤

17 ጋዓንቴ ዳሮ ባኣካ ሃይ ዳልጊ ዳንዳዋንቴ ሃካፓ ሴካ ዩሱሴ ሱንፆ ዔኤሊ ያኣማኣ ዔያታ ዔኤቢ ከኤዙዎጉዲ <ዒንሢና ዔሩዋቴ!> ኑ ጋዓንዳኔ» ጌዔኔ።

18 ዩካፓ ዔያታ ጳዲሮሴና ዮሃኒሴና ዔኤላዎ ዩሱሴ ሱንፆ ዔኤሊ ፔቴታዎ ዔኤቢ ከኤዙዎጉዲና ሃሣ ዔርዙዎጉዲ ኮሺ ላቴ ዓይሢኔ።

19 ጳዲሮሴና ዮሃኒሴና ጋዓንቴ ማሃዎ፡- «ያኑሲም ዓይሢንቲፃፓ ባሺ ዒንሢም ዓይሢንቲሢ ያኑሲ ቤርቶይዳ ኮይሳያዳ? ዒንሢ ሂንዳ ዒንሢ ቶኣኪና ዎጉዎቴ።

20 ኑም ጋዓንቴ ዛጌሢና ዎይዜሢና ከኤዚሢ ሃሺንታዓኬ» ጌዔኔ።

21 ዳሮኮ ሱኡጎና ዎጎ ዎጋ ዓሰና ጳዲሮሴና ዮሃኒሴናይዳ ጌሰቴ ዎጎንዶ ባኣዚ ዳንቁባኣሢሮ ዳሮዎ ሃሣ ዔያታ ዒጊጩሢሮ ጊንሣ ሃሣ ዒንሢና ዔሩዋቴ ጌዒ ላታዎ ሃሺኔ። ዓይጎሮ ጌዔቶ ዳራ ማዲንታ ባኮሮ ያኑሲ ጋላታያ ማዒሢሮኬ።

22 ዩያ ያኑሲ ዎልቆና ማዲንታ ዓኮ ባኮና ዳቄ ዓሢኮ ለዓ ያይዲታሚፓ ዑሣኬ።

ኪሪሰቶሴ ጉሙርቄ ዓሳ ዳውሲንቴያና ሺኢቄ ሺኢጲሢ

23 ጳዲሮሴና ዮሃኒሴና ቡለንቲ ኪሪሰቶሴ ጉሙርቄዞንሢ ኮራ ሙካዎ ቄኤሶኮ ሱኡጎና ዓይሁዶ ዓሶኮ ጨሞና ዔያቶ ኮራ ጌዔ ባኮ ቢያ ከኤዜኔ።

24 ዔያቶኮ ላጎንሢያ ዩያ ዎይዛዎ ዑኡዞ ፔኤሲ ዳጊዲ ያኑሲ ሂዚ ጌዒ ሺኢቄኔ፡- «ጫሪንጮንታ ሳዎንታ ባዞንታ ሃሣ ዩያ ባኮ ቢያይዳ ዓኣ ባኮ ቢያ ዎይሣሢና ማጎፍ ጎዳሢዮ!

25 ዓያኖ ጌኤዣ ማኣዴም ማዳ ኔ ዓይላሢ፥ ኑ ዓዳሢ ዳውቴ ዛሎና፡-

<ዓይሁዴ ማዒባኣ ዓሳ ዓይጎሮ ጎሪንቲ ጉንዳሜይ?

ዳራ ሃሣ ጉሪ ፓሠዎ ባኣዚ ዓይጎሮ ማሌይ?

26 ሳዎኮ ካኣታ ዎሊ ጊንፆ ዔቄ

ዎይሣ ዓሳኣ ፔቴይዳ ቡኪንቲ

ጎዳና ማሲሃናይዳ ሞርኬ ማዒ ዔቄኔ »

ሂዚ ጌዒ ከኤዜሢ ጎኔኬ።

27 ሃሣ ዔያታ ጋዓዖ፡- «ጎኔና ሄርዲሴንታ ጳንያሰጲላያሴንታ ዓይሁዳ ማዒባኣ ዓሶንታ ዒሰራዔኤሌ ዳርንታ ዋላ ሃኖ ካታሚሎይዳ ቡኪንቲ ኔኤኒ ሜሰሄ ማሄ ኔኤም ማዳ፥ ዲማዳ፥ ዩሱሴ ዑዖይዳ ዔቄኔ።

28 ያዲ ዔያታ ማዳሢ ቤርታዲ ኔኤኒ ኔ ዋልቆና ሃሣ ኔ ማሊዖና ማሌ ባኮ ኩንሣኒኬ፤

29 ሃሢያ ጎዳሢዮ! ዔያቶኮ ዚርቂዖ ዋይዘ፤ ኔኤም ማዳ ዓይላ ቃኣሎ ኔኤሲ ዒጊቹዋ ባኣያ ጫርቂ ኬኤዘንዳጉዲ ማዳ፤

30 ኔኤም ዲማዲ ማዳ፥ ዩሱሴ ሱንዖና ሃርጊንቴ ዓሳ ዳቃንዳጉዲና ሃሣ ኔ ዋልቆና ማዲንታ ዓኪ ባኣዚና ማላታና ማዲንታንዳጉዲ ዋልቆ ኔኤሲ ዳዌ» ጌዒ ሸኢቄኔ።

31 ሸኢቄ ዔያታ ጋፓማና ዔያታ ዓኣ ቤዛ ዓጊጻኔ፤ ጉቤሢ ዩማና ዓያና ጌኤሽ ቢታንቶ ዴዋ ጌሌኔ፤ ዖኦሲኮዋ ቃኣሎ ዔያታ ዒጊቹዋ ባኣያ ጫርቂ ኬኤዘኔ።

ቤርታዲ ኪሪሰቶሴ ጉሙርቂ ዓሶኮ ፔቱዋ ናንጎ

32 ኪሪሰቶሴ ጉሙርቂ ዓሶኮ ቢያ ፔቱ ዒኔና ፔቱ ማሊሢና ዓኣኔ፤ ዖና ማዔቶዋ «ሃይ ታኣርኬ» ጋዓ ባኣዚ ባኣሴ፤ ዔያቶኮ ዓኣ ባካ ቢያ ፔቱይዳኬ፤

33 ዳኪንቴዘንሢኮ ጎዳ ዩሱሴኮ ሃይባፓ ዔቄዖ ዳኤፒ ዋልቆና ማርካዲ ኬኤዘኔ፤ ዖኦሲያ ዔያቶ ቢያሢዎ ሚርጌ ዳኤፒ፥ ኮሽ ማዳ ማዳኔ።

34 ሳዓታቶዋ ማኣሪታቶዋ ዔያቶኮ ዓኣ ባኮ ቢያ ሻንቺ ሻንቺ ሚኢሾ ዔኪ ሙኪ ፔቱይዳ ጌሢ ማኣዲንታሢር ዔያቶ ባኣኮይዳ ፔቱታዖ ሜታዳ ዓሲ ባኣሴ።

35 ሚኢሾ ዔያታ ዔኪ ሙካዖ ዳኪንቴዘንሢኮ ሚንጋኔ፤ ዩዖር ፔቱ ፔቱሢዎ ኮይሳሢጉዳያ ጊሽኪንታኔ።

36 ቆጲርሴ ጌይንታ ዓጪዳ ሾይንቴ ዮሴፔ ጌይንታ ፔቱ ለዊ ያጳፓ ማዔሰኬያ ዓኣኔ፤ ዳኪንቴዘንሢኮ ዒዛኮ ሱንዖ «ባርናባሴ» ጋዓኔ። ዩኖኮ ቡሊዖ «ዶዲሻ ናይ» ጌይሢከ።

37 ዒዚያ ፔኤኮ ሳዖ ሻንቺ ሚኢሾ ዔኪ ሙኪ ዳኪንቴዘንሢኮ ሚንጌኔ።

5

ሃናኒያና ሳጲራና

4:27 ማቲ. 27:1-2፤ ማር. 15:1፤ ሉቃ. 23:1፤ 7:11፤ ዮሃ. 18:28-29። 4:32 ዳኪ. ማዳ 2:44-45።

1 ፔቴ ሃናኒያ ጎዖ ዓሲሰኬያ ሳጲራ ጌይንታ ዒዛኮ ማቸሰኬኖና ዋላ ሳዓ ሻንቹኔ፤

2 ማቸ ዒዛኮ ዔራንቴ ሳዖ ሻንቹና ሚኢሾይዳፓ ፓቁ፣ ዓይሲ ዔኪ ሙኪ ዳኪንቴዞንሢኮ ሚንጌኔ፤

3 ጳጳርሴ ጋዓንቴ ዒዛም፡- «ሃናኒያ! ዓያኖ ጌኤዠም ኔ ሉኡቃንዳጉዲ ሃሃ ሳዖ ኔ ሻንቹ ሚኢሾኮ ዛሎ ፓቁ ዓይሳንዳጉዲ ማዴ ፃላሄ ዒና ኔኤኮ ዓይጋ ጌሌይ?

4 ኔኤኒ ሳዖ ሻንቹባኣንቴ ቤርታ ኔኤርቱዓዳ? ሃሃ ኔ ሻንቹሰካፓ ሚኢሻ ኔኤርቱዋይ? ሂደዖ ሃያ ባኮ ዓይጋ ኔ ዒኖና ማሌይ? ኔ ሉኡቁሢ ያኦሰም ማዓንዳኣፓዓቱም ዓሲምቱዋሴ» ጌዔኔ።

5 ሃናኒያ ዬያ ዋዋይዛዖ ሎኦሚ ሃይቄኔ፤ ዬኖ ባኮ ዋይዜ ዓሳ ቢያ ኮሺ ዒጊጨኔ።

6 ዓሲሰኬንሢኮ ዒማና ሌዞ ዒዛኮ ሱኡዳዖ ዔኪ ዓኣዲ ዲኡኬኔ።

7 ዬካፓ ኔጌንቴ ሃናኒያኮ ማቸ ዒዛ ቤዞ ሙኬኔ፤ ዓኒዳ ማዲንቴ ባኮ ጋዓንቴ ዒዛ ዔሪባኣሴ።

8 ጳጳርሴ ዒዛ ኮራ፡- «ሂንዳ ታኣም ኬኤዜ፤ ዒንሢ ሳዖ ዒንሢኮ ሻንቹሢ ሃንሢጉዴ ሚኢሾምዳ?» ጌዔኔ። ዒዛ ማሃዖ፡- «ሂዮ፣ ዬንሢጉዴ ሚኢሾምኬ» ጌዔኔ።

9 ዬማና ጳጳርሴ፡- «*ጾኦሲኮ ዓያና ዋይታቱ ሂንዳ ኑ ዛጎም* ጌዒ ዋዲ ዒንሢ ዋላ ጌሰቱይ? ሃይሾ ኔኤኮ ዓኒ ዲኡኪ ማዓ ዓሳ ካራ ዓኣኔ፤ ኔናኣ ሃሃ ዔያታ ዔኪ ዓኣዲ ዲኡካንዳኔ» ጌዔኔ።

10 ዒዛኣ ቤዞማና ቶኮ ዴማ ዒዛኮ ሎኦሚ ሃይቄኔ፤ ዓሰንሢ ጌላንቴ ዒዛ ሃይቄ ዓኣ ጋዓዛ፣ ዔኪ ዓኣዲ ዓኒ ዲኡፖ ኮራ ዲኡኬኔ።

11 ሺኢጲዖ ማኣር ዓሶ ቢያሢዳ፤ ሃሃ ጊንሣ ዬያ ባኮ ዋይዜ ዓሶ ቢያሢዳ ዒጊቹም ጌሌኔ።

ዳኪንቴዞንሢኮ ዛሎና ሚርጌ ሃርጌ ዓሲ ፖዔሢ

12 ሚርጌ ያኦሲ ዋልቄና ማዲንታ ዓኪ ባኣዚና ዲቃሣ ባኣዚና ዳኪንቴዞንሢኮ ዛሎና ዒማና ማዲንታኔ፤ ሃሃ ኪሪሰቶሴ ጉሙርቃዞንሢኮ ፔቴ ዒኔና ማዒ «ሴሎሞኔ ዴማ ሃንታ፣ ዴኤፖ ዛምፓሢ» ጎዖ ቤዞይዳ ቡኪንታኔ።

13 ዔያቶይዳፓዓቱም ጉሪ ሜሌ ዓሲ ማዔያ ፔቲታዖ ዔያቶና ዋላ ማዓኒ ጨርቁባኣሴ፤ ያዲ ማዔቴያ ዴራ ዔያቶ ቦቦንቻኔ።

14 ጎዳ ጉሙርቃ ዓሶ ዓቲንቆና ላኣሎናኮ ፓይዳ ኮሺ ሚርጌ ሚርጌ ዓኣዳኔ።

15 ዳኪንቴዞንሢኮ ዛሎና ማዲንታ ዲቃሣ ማደር ጌዒ ዓሳ ዲቢ ሃርጊንቴ ዓሲ ጎይዖይዳ ኬሲ ኬሲ፣ ዛሎ ሻኣላይዳ ዛሎ ሃላሢዳ

ላይሣኔ፤ ያዒ ዔያታ ማዳሢ ጴጃሮሴ ዩይና ዓኣዳኣና ዔኤዡ ሸባታዎ
ፔቴ ፔቴ ዓሶ ዑዎ ሄላንዳጉዲኬ።

16 ዩሩሳላሜ ከይላ ዓኣ ካታማፓ ዓሳ ፔኤኮ ሃርጊንቴ ዓሶና
ፑርታ ዓያናና ሜታዳ ዓሶ ዔኪ ሙካኔ፤ ቢያሢያ ዶርዓሢዳፓ ፖዓኔ።

ዳኪንቴዘንሢኮ ሢኪ ዳውሶናሢኮ

17 ዩያይዳፓ ዔቁያና ቁኤሶኮ ሱኡጋሢና ዒዛና ዎላ ዓኣ ሶዶቁ
ዓሶ ዜርፃ ቢያ ሞርኬ ማዒ ዳኪንቴዘንሢኮ ዑዎ ዔቁኔ፤ ሃሣ ዔያቶ
ዒናፓ ቁኢሪ።

18 ዓርቂ ዔኪ ዳርኮ ቱኡዞ ማኣራ ጌልዚ ቱኬ።

19 ዎኦሲኮ ከኢታንቻ ጋዓንቴ ዲሞና ቱኡዞ ማኣርኮ ካር ቡሊ
ዔያቶ ኬሳዎ፡-

20 «ዳንዲ ሸኢጲዎ ማኣርይዳ ዔቁ ዳርሞ ሃያ ሸምፖ ቃኣሎ ቢያ
ኬኤዞዎቴ» ጌዔ።

21 ዳኪንቴዘንሢኮ ዩኖ ዓይሢያ ዔኪ ጉቴ ዓሚ ሸኢጲዎ ማኣሪ
ጌላዎ ቃኣሎ ኬኤዚሢሢ ዓርቁኔ፤ ዒማና ቁኤሶኮ ሱኡጋሢንታ ዒዛና
ዎላ ዓኣ ሳሶንታ ሃሣ ዎሳ ዎጋ ዓሶንታ ዓይሁዶ ዓሶኮ ጨሞንታ
ቢያ ሙኪ ፔቴይዳ ቡከንቴኔ፤ ዩካፓ ዳኪንቴዘንሢኮ ቱኡዞ ማኣራፓ
ዳንዲ ዔኪ ሙካንዳጉዲ ዓሲ ዳኬ።

22 ከኢቶና ዓኣዳ ዓሶንሢኮ ጋዓንቴ ቱኡዞ ማኣሪ ዓኣዳዎ
ዳኪንቴዘንሢኮ ዒኢካ ዳንቁባኣሴ፤ ዩያር ማዒ ሙካዎ፡-

23 «ቱኡዞ ማኣርኮ ካራ ኮሺ ዎዲንቴ፣ ካፓ ዓሳ ሃሣ ካራ ዔቁ
ዓኣንቴ ኑ ዳንቁኔ፤ ቱኡዞ ማኣርኮ ካር ኑ ቡላዎ ጋርይዳ ፔቴታዎ ዓሲ
ዳንቁባኣሴ» ጌዒ ኬኤዜ።

24 ጌኤዡ ማኣር ካፓ ዓሶ ዓይሣሢና ቁኤሶኮ ሱኡንና ዩያ
ዎይዞዎ፡- «ሃይ ዓይጎ ባኣዚ ናንዳይ?» ጌዒ ዔያቶ ዛሎ ጎዎንዶ
ጎይሢ ባይዜ።

25 ዩማና ፔቴ ዓሲሰኬያ ሙካዎ፡- «ዒንሢ ቱኡዞ ማኣራ ቱኬ
ዓሶንሢሢ ሃይሾ ጌኤዡ ማኣርይዳ ዔቁ ዳር ዔር ዔርዛኔ» ጌዒ ዔያቶም
ኬኤዜ።

26 ጌኤዡ ማኣር ካፓ ዓሶኮ ሱኡጋሢ ዒዛኮ ዓይሢንቴ ማዳ ዓሶና
ዎላ ኔጉዎዎ ዳንዲ ዳኪንቴዘንሢኮ ዔኪ ሙኬኔ፤ ዔያታ ዔኪ ሙከሢ
ዎልቁናቱዎንቴ ጌሺሢናኬ፤ ያዲ ዔያታ ማዳሢ ዳራ ዔያቶ ሹቻ
ዲዓንዳኔ ጌዒ ዒጊጨሙሢርኬ።

27 ዔያታ ዔኪ ሙካዎ ዎሳ ዎጋ ዓሶ ቤርታ ዔቁሳዛ፣ ቁኤሶኮ
ሱኡጋሢ ዔያቶ ኮራ፡-

28 «ዩሱሴኮ ሱንዎ ዔኤሊ ፔቴ ባኣዚታዎ ዒንሢ ዔርዙሞጉዲ
ላቴ ዒንሢ ኑ ዓይሣኔ፤ ሃሢ ዒንሢ ጋዓንቴ ዩሩሳላሜ ዓጮ ቢያ

ዔርዚ ሃይሾ ኩርሴኔ፤ ዒንሢ ሃና ዓሳ ዬያ ዓሢኮ ሱጉያ ኑ ዑፃ ማሃኒ ኮዓያኬ ሃይሾ!» ጌዔኔ።

29 ጴዳርሴንታ ዒዛና ዎላ ዓኣ ዳኪንቴዘንሚኮንታ ማሃያ፡- «ዓሲም ዓይሢንቲሢፓ ጾኦሲም ዓይሢንቲሢ ኑና ኮይሳኔ፤

30 ኑ ዓድንሢ ጾኦዛሢ ሚያይዳ ዒንሢ ሱዲ ዎዴ ዬሱሴ ሃይባፓ ዔቂሴኔ፤

31 ዬይ ዬሱሴ ዒሰራዔኤሌ ዳሮ ጎማፓ ማሃንዳጉዲና ጎሞ ዓቶም ጋዓንዳጉዲ ጾኦሲ ዒዛ ዓርና ሃሃ ዳቂሻያ ማሃ ፔኤኮ ሚዛቆ ዛላ ቦንቾና ጌሣኔ፤

32 ዬያ ባኮኮ ኑናንታ ጾኦሲ ፔኤም ዓይሢንታ ዓሲም ቢያ ዒንጌ ዓያኖ ጌኤዦንታ ማርካኬ» ጌዔኔ።

33 ዎጎ ዎጋ ዓሳ ዬያ ዎይዛያ ኮሺ ዳጋዲ ዳኪንቴዘንሢ ዎዳኒ ኮዔኔ።

34 ጋዓንቴ ዳሮ ባኣካ ቦንቾንታያ ሙሴ ዎጎ ዔርዚ ጌማሊያሌ ጌይንታ ፔቴ ፔርሴ ዓሲሰኬይ ዔቃያ ዳካሮ ዎጎ ዎጋ ዓሶ ቤርታፓ ዳኪንቴዘንሢ ሺኢሻንዳጉዲ ዓይሣኔ።

35 ዬካፓ ዎጎ ዎጋ ዓሶም፡- «ዒሰራዔኤሌ ዓሲዮቴ! ዒንሢ ሃኖ ዓሶይዳ ዓይጎ ማዳኒ ማላቴያ ዒንሢና ኮሺ ዔሩዎቴ፤

36 ሃያኮ ቤርታ ዬያጉዲ ቴዎዳሴ ጌይንታ ዓሲ ታ ዳኤፒኬ» ጌዒ ዔቄኔ፤ ሃሃ ዒዛና ዎላ ጋይዶ ጸኤታ ዓሲ ፔቴ ማዔኔ፤ ጋዓንቴ ዬያ ዎዶም ዒዛኮ ጊንያ ሃንታ ዓሳ ላኣሊንቲ ባይቃዛ ማሊፃ ዒዛሲያ ባይቄኔ።

37 ዬካፓ ሃሃ ዳራ ፓይዲንቴ ዎዶና ጌሊላ ዓጪ ዓሲ ማዔ፣ ዪሁዳ ጎያሢ ዔቂ ሚርጌ ዳሬ ዒዛ ጊንያ ሃንታንዳጉዲ ማሃኔ፤ ዒዚያ ዎዳንቴኔ፤ ዒዛ ጊንያ ሃንታ ዓሳኣ ላኣሊንቲ ባይቄኔ።

38 ዬያሮ ሃሢ ታ ዒንሢም ጋዓሢ ሃንሢ ዓሶንሢዳፓ ሃኪ ዒንሢ ዔያቶ ሃሻንዳጉዲኬ፤ ዓይጎሮ ጌዔቶ ሃይ ማሊፃ ሃሃ ሃይ ማዳ ዓሲፓ ሙኬያታቶ ባይቃንዳኔ፤

39 ጾኦሲፓ ሙኬያ ማዔቶ ጋዓንቴ ዔያቶ ዒንሢ ባይዛኒ ዳንዳዑዋሴ፤ ፔቶ ዬይ ዒንሢኮ ጾኦሲና ዎላ ፑርቲሢ ማዓንዳኔ» ጋዓዛ፣ ዔያታ ጌማሊያሌኮ ዞሮ ዎይዚ ዔኬኔ።

40 ዬካፓ ዔያታ ዳኪንቴዘንሢ ዔኤላያ ጳርቂሲ ዬሱሴኮ ሱንያ ዔኤሊ ዓሶ ዔርዞዎጉዲ ላታያ ዳኬኔ።

41 ዳኪንቴዘንሢ ጋዓንቴ ዬሱሴ ዛሎና ቦርሲንቲታቶዎ ዔካኒ ጊኢጌያታሢሮ ዎዛዲ ዎዛዲ ዎጎ ዎጋ ዓሶ ቤርታፓ ኬሰኪ ዳንዴኔ፤

42 ቢያ ኬሊ ጌኤዮ ማኣሮና ዓሶኮ ማኣሮናይዳ ሜሲሄ ማዔ፥
ዬሱሴ ዛሎ ኬኤዚያንታ ኮዮ ሃይሶ ኬኤዚያዋ ዔያታ ሃሺባኣሴ።

6

ማዶ ማዶ ለንካዎ ዲያቆኖኮ ዶኦሪንቲያ

1 ዩካፓ ኪሪሰቶሴ ጉሙርቃ ዓሶኮ ፓይዳ ሚርጊ ሚርጊ ዓኣዳዛ
ጊሪኬ ሙኡጮ ጌሰታ ዓይሁዶ ዓሳ ዩሩሳላሜይዳ ናንጋ ዓይሁዶ
ዓሶ ዑያይዳ ጉንዲዋ ዓርቄ፤ ዓይጎር ጌዔቶ ኬሊ ኬሊ ሙዎ
ባካ ዒንጊንታ ዋዶና ዔያቶኮ ባኣካ ዓኒንሢ ሃይቄ ላኣሎ ዩሩሳላሜ
ዓይሁዶ ዓሳ ዋላሢሮኬ።

2 ዩያሮ ታጰ ለምዎንሢ ኪሪሰቶሴ ጉሙርቃ ዓሶ ፔቴይዳ
ቡኩሳዎ፡- «ሙኡዚ ጊሽኪሢር ጌዒ ያኦሲ ቃኣሎ ዔርዚያ ማዶ ኑና
ሃሻኒ ኮይሱዋሴ።

3 ዓካሪ ታ ዒሾንሢ! ታ ሚሾንሢ! ኮሺ ዒኔና ዓኣያ ማዒ ማዶና
ቢያሢ ጋላቲሳያ፥ ዓያና ጌኤሽ ኩሙሢ ዋልቄና ማዶያ ሃሢ ሚርጌ
ዔራ ማዔ ለንካይ ዓሲ ዒንሢ ባኣካፓ ዶኦሪዋቴ፤ ዩያቶ ኑኡኒ ሃኖ
ማዶ ማዶሻንዳ።

4 ኑኡኒ ጋዓንቴ ሺኢጲያንታ ያኦሲ ቃኣሎ ዔርዚያ ማዶዋ ዶዲ
ማዶንዳ።» ጌዔ።

5 ዩና ጌኤዛ ቢያሢ ዋዛሴ፤ ሃካፓ ሊካ ዓኣ ዓሶዋ ዔያታ
ዶኦሪ፤ ጉሙርቄሢ ዓኣያ ሃሢ ዓያና ጌኤሽ ቢታንቶ ዴዋ
ጌሌ ዒሰጊፕሮሴ፥ ፒልጶሴ፥ ጲሮኮሮሴ፥ ኒቃሮና፥ ጂዋና፥ ጰርሜ፥
ዓይሁዳቱዋዎ ዓይሁዳ ማዔ ዓንያኪያ ዓጮ ዓሢ ኒቆላዎሴ
ጎያሢንታኬ።

6 ዩንሢ ዔያታ ዳኪንቴዞንሢ ቤርቶ ሺኢሼ፤ ዳኪንቴዞንሢያ
ሺኢቃዎ ኩጮ ዔያቶ ዑፃ ጌሢ።

7 ያዲዲ ያኦሲኮ ቃኣላ ዳልጊ ዳልጊ ዓኣዳሢር ዩሩሳላሜይዳ
ኪሪሰቶሴ ጉሙርቃ ዓሶኮ ፓይዳ ሚርጊ ሚርጊ ዓኣዳ፤
ቄኤሶይዳፓኣ ሚርጌሢ ኪሪሰቶሴ ጉሙርቄ።

ዒሰጊፕሮሴኮ ዓርቄንቲያ

8 ዒሰጊፕሮሴ ያኦሲኮ ኮሹዋ ዒንጊያ ዔኪ ዋልቄና ማዒ ዲቃሢ
ባኣዚንታ ያኦሲ ዋልቄና ማዶንታ ዓኪ ባኣዚያ ዴሮ ባኣካ ዩኖ ዋዶና
ማዶ፤

9 ዓማና «ዲማዲ ኬሰኬ ዓሶ ሺኢጲያ ማኣሮ» ጌይንታ ዓይሁዶ
ዓሶኮ ሺኢጲያ ማኣሮፓ ማዔ ዓሳ፥ ቄሪናና ዒሰኪንዲሪያ ዓጮ ዓሳ፥

ከልቂያንታ ዲሲያ ዓጮ ዓሶንታ ፔቴይዳ ዔቂ ዲሰዲፓኖሴ ዒዲ ማርማኔ።

10 ጋዓንቴ ዲሰዲፓኖሴ ከኤዛ ዔራቶና ዓያኖና ዔያታ ባሻኒ ዳንዳዒባኣሴ።

11 ዒማና፡- «ሃይ ዓሢ ሙሴና ያኦሲና ጫሽካንቴ ኑ ዋይዜኔ» ጋዓንዳ ዓሲ ዔያታ ዳሚና ገኢጊሺኔ።

12 ዬያይዲ ዳርንታ ጨሞንታ ሃሃ ሙሴ ዔርዜ ዋጎ ዔርዛ ዓሶዋ ዔያታ ዔቂሲ፣ ዲሰዲፓኖሴያ ዓይሢሲ ዋጎ ዋጋ ዓሶ ቤርቶ ሺኢሺኔ።

13 ዒማና ዒዛ ዐ-ፃ ሉኡዙሞና ማርካዳንዳ ፔቴ ፔቴ ዓሲያ ዔያታ ዔኪ ሙኩኔ፤ ሉኡዙሞና ማርካዳ ዓሳ ከኤዛያ፡- «ሃይ ዓሢ ሃያ ጌኤዙ ማኣርና ሙሴ ዔርዜ ዋጎና ጫሽካኔ።

14 ሃሃ ሩዚሬቶ ዬሱሴ ሃያ ማኣር ሻሃንዳኔ፤ ሙሴ ኑና ዓይሢ ዋጎዋ ላኣማንዳኔ፤ ጌዒ ከኤዛንቴ ኑ ዋይዜኔ» ሂዚ ጌዔኔ።

15 ዬማና ዋጎ ዋጊይይዳ ዓኣ ዓሳ ቢያ ዲሰዲፓኖሴ ኮሺ ዛጋዛ፣ ዓኣፖ ካራ ዒዛኮ ያኦሲ ከኢታንቻ ዓኣፒ ካራጉዲ ማሊ ጶዴኔ።

7

ዲሰዲፓኖሴ ጌሰቴ ጌኤዛ

1 ቁኤሶኮ ሱኡጋሢ ዲሰዲፓኖሴ ኮራ፡- «ዬይ ጌይንቴ ባካ ጎኔዳ?» ጌዒ ያኦጩኔ።

2 ዲሰዲፓኖሴ ሂዚ ጌዒ ማሃኔ፡- «ታ ዒሾንሦ! ታ ዓደንሦ! ሂንዳ ዋይዙዋቴ፤ ኑ ዓዳሢ ዓብራሃሜ ካኣራኔ ዓጮይዳ ናንጊፆር ዓኣዳንዳሢኮ ቤርታ ሚሶፖታሚያ ዓጫ ዓኣንቴ ቦንቹንቴ ያኡዛሢ ዒዛሞ ጶዳያ።

3 ን ዓጫፓ ከሰኪ ሃሃ ኔ ዒጊኖይዳፓ ዳማዲ ታ ኔና ዳዋ ዓጮ ዓኣዴ» ጌዔኔ።

4 ዒማና ዒዚ ካላዳ ዓሶ ዓጫፓ ከሰኪ ካኣራኔይዳ ዳዔኔ፤ ዒዚ ዒኢካ ዓኣንቴ ዓዴ ሃይቃዛ ካኣራኔ ዓጮይዳፓ ከሲ ሃሢ ዒንሢ ናንጋ ዓጩሎ ያኦሲ ዒዛ ዔኪ ሙኩኔ።

5 ያዲ ማዔቶዋ ቶኪ ሄርቃንዳ ቤሲጉዳያታያ ያኦሲ ዒዛሞ ዒንገባኣሴ፤ ጋዓንቴ ሃኖ ዓጩሎ ዒዛና ዒዛኮ ፃጶናሞ ሃጊ ዓጪ ማሂ ዒዛሞ ዒንጋንዳሢ ጫኣቄኔ፤ ዬኖ ያኦሲ ዒዛሞ ጫኣቄሢ ዓብራሃሜኮ ሃጊ ናይ ባኣንቴኔ።

7:3 ማኸ. ማፃ 12:1። 7:4 ማኸ. ማፃ 11:31፤ 12:4። 7:5 ማኸ. ማፃ 12:7፤ 13:15፤ 15:18፤ 17:8።

6 ዜርፃ ዒዛኮ ዓሲ ዓጪዳ ዒፂንቲሢና ዳውሲንቲ ናንጋንዳሢ ሃሃ ዬኖ ዓጮይዳ ያይዶ ጃኤታ ሌዔ ዓሳ ዔያቶ ዓይሌ ማሂ ማታሲ ዋይሃንዳሢ ዒዛሞ ከኤዜኔ።

7 ሃሃ <ዓይሌ ማሂ ዋይሃ ዴር ታኣኒ ፑርታና ዋጋንዳኔ፤ ዬካፓ ዔያታ ዓይሉማፓ ከሰኪ ሃኖ በዘይዳ ታና ካኣሸካንዳኔ ሂዚ ገዒ ያኦሲ ከኤዜኔ።

8 ቃሳዎ ሃሃ ዓቲንቶ ቤርቶ ቲቁዎ ዋጎዋ ዒንገኔ። ዬያሮ ዓብራሃሜ ዪሳኣቁ ሸዔሰካፓ ሳላሳ ከሎና ዓቲንቶ ቤርቶ ዒዛኮ ቲቁኔ፤ ዪሳኣቁ ያይቆኦቤ ሸዔኔ፤ ያይቆኦቤ ዳማ ዳማ ዒሰራዔኤሌ ያጸኮ ዓደንሢ ማዔ ታጾ ላሞዎ ናኣቶ ሸዔኔ።

9 «ያይቆኦቤ ናኣታ ዔያቶኮ ገርሲ ዮሴፔ ቁኢሪ ገብፂ ዓጮ ዓይሌ ማዓንዳጉዳ ሻንቹኔ። ያኦሲ ጋዓንቲ ዒዛና ዋላ ማዔኔ፤

10 ማቶ ቢያሢዳፓኣ ዒዛ ከሴኔ፤ ሃሃ ገብፂ ካኣቲ ቤርቶይዳ ቦንቹንቲና ዔራቶና ዒዛሞ ዒንገኔ፤ ካኣቲያ ገብፂ ዓጮ ቢያና ፔ ማኣሮናይዳ ሱኡጌ ዒዛ ማሂኔ።

11 ዬኖ ዋደና ገብፂ ዓጮና ካኣና ዓጮናይዳ ቢያ ጳኤፒ ማቶ ማዜ ኪሊንኮ ሉማ ዔቁኔ፤ ዓደንሢያ ኮኡኮ ሙኡዚ ዴንቃኒ ዳንዳዒባኣሴ።

12 ያይቆኦቤ ገብፂ ዓጮይዳ ሃኣኮ ዓኣሢ ዋይዘዎ ኑ ዓደንሢ ቤርታሲ ዒኣካ ዳከኔ።

13 ላሚዎ ማዒ ዔያታ ገብፂ ዓኣጳ ዋደና ዮሴፔ ፔኤኮ ገርሲንሢሞ ፔና ፔጋሲ ከኤዚ ዔርቲኔ፤ ዒማና ማኣሮ ዓሳኣ ዒዛኮ ካኣቲና ዔርቲኔ።

14 ዬካፓ ዮሴፔ ፔኤኮ ዓዶ ያይቆኦቤና ዒገኖ ቢያ ፔ ኮራ ዔኪ ሙከኔ፤ ዬያታ ዋሊ ዑፃ ጉቤ ላንካይታሚ ዳንጎ ዓሲከ።

15 ዬያሮ ያይቆኦቤ ገብፂ ዓጮ ዓኣጳ ናንገ ዒዛንታ ኑ ዓደንሢንታ ዒኣካ ሃይቁኔ።

16 ዔያቶኮ ሌዛ ሴከሜ ዓጮ ዔኪ ዓኣጳንቲ፤ ዓብራሃሜ፡- ሴከሜይዳ ዔሞሬ ናኣቶይዳፓ ፔ ሚኢሸና ሻንቁ ዳኡጉ ካያ ዳኡቲኔ።

17 «ያኦሲ ዓብራሃሜም ጫኣቁ ዒንገ ሃገ ማዓንዳ ዋዛ ኩማንዳ ዋዳ ዑካዛ ገብፂይዳ ዓኣ ኑ ዴርኮ ፓይዳ ሚርገ ሚርገ ዓኣጳ።

7:6 ማዜ. ማፃ 15:13-14፤ 7:7 ከሲ. ማፃ 3:12። 7:8 ማዜ. ማፃ 17:10-14፤ 21:2-4፤ 25:26፤ 29:31—35:18። 7:9 ማዜ. ማፃ 37:11፤ 28፤ 39:2፤ 21።
7:10 ማዜ. ማፃ 41:39-41። 7:11 ማዜ. ማፃ 42:1-2። 7:13 ማዜ. ማፃ 45:1፤ 16። 7:14 ማዜ. ማፃ 45:9-10፤ 17-18፤ 46:27። 7:15 ማዜ. ማፃ 46:1-7፤ 49:33። 7:16 ማዜ. ማፃ 23:3-16፤ 33:19፤ 50:7-13፤ ዒያ. 24:32።

18 ዩካፓ ሚሌ ካኦቴ ዮሴፔ ዔሩዋያ ገብጻይዳ ካኦታዳ።

19 ዩይ ዓኮ ካኦታሢ ኑ ዳሮ ዑጋይዳ ጌኔ ማሊሢና ዔቁ ዩያ ዓሶኮ ናኦታ ሃይቃንዳጉዲ ሃሣ ከኤሪንታንዳጉዲ ኑኡኮ ዓደንሢ ዋልቁና ዒዚ ኮሺ ሜታሴ።

20 ዩኖ ዋደና ሙሴ ሸይንቴኔ፤ ዒዚያ ሚርጌ ሚዛጲ ናይኬ፤ ሃሣ ሃይሣ ዓገሊያ ፔ ዓደ ማኦ ዳዒ ዲጩ።

21 ዩካፓ ዒዚ ከኤሪንታንቴ ገብጻ ካኦቴኮ ናይሰኬና ዒዛ ዔኪ ፔ ናይ ማሃ ዲቹ።

22 ዩያይዳሞ ሙሴ ገብጻ ዓሶ ዔራቶ ቢያ ዔሬኔ፤ ጌሰታ ጌኤዞና ማዳ ማደና ቢያ ደዲ ዓሲ ማዔ።

23 «ሙሴኮ ለዓ ያይዲታሚ ኩሜ ዋደና ፔኤኮ ጌርሲንሢ ጌይፃ ዒሰራዔኤሌ ናኦቶ ዛገሊ ማሌ።

24 ዛገሮ ዒ ሙካንቴ ዒዛኮ ዒገሮይዳፓ ፔቴሰኬያ ፔቴ ገብጻ ዓጪ ዓሲሰኬይ ጳርቁ ሂዓንቴ ዳንቃፃ ዩያ ዒገናሢ ዒ ማኦዳ፤ ዩያ ጳርቁንቴ ዓሢ ዛሎዋ ኮሚ ዔካሊ ገብጻ ዓጩ ዓሢ ጳርቁ ጳዳ።

25 ዒዛ ዛሎና ያኦሲ ዔያቶ ዓይሉማፓ ኬሳንዳሢ ዒገና ዒዛኮ ዔራንዳያ ዒዛሞ ማሌ፤ ጋዓንቴ ዔያታ ዩያ ዒና ዔኪ ዔሪባኦ።

26 ዚሮ ጉቴሎ ላምፃ ዒሰራዔኤሌ ዓሲ ዋላ ዑራዳንቴ ዳንቃፃ ዔያቶ ላኦገሊ ኮዒ <ዒንሢ ሃይ ዓሳ! ዒንሢ ዋሊኮ ጌርሲንሢ ከ፤ ዓይጎሮ ዒንሢ ዋላ ዑራዳይ?> ጌዔ።

27 ዩይ ፔ ላጋሢ ጳርቃ ዓሣሢ ሙሴ ሴካ ሂዓፃ <ኔና ኑ ዑፃ ዋይሣናና ዋጋያ ማሄሢ ያናዳይ?

28 ዚገሮ ኔ ገብጻ ዓሢ ዋዳ ጎይፃ ታናኦ ኔ ዋዳኒ ኮዓ?> ጌዔ።

29 ሙሴ ዩያ ዋይዛፃ ገብጻ ዓጫፓ ፑኒንቴ ሚዲያሜ ጌይንታ ዓጪ ዓኦዲ ዒኢካ ናንገ፤ ላምፃ ዓቴንቁ ናይያ ሸዔ።

30 «ሙሴ ዒዛ ዓጩይዳ ያይዲታሚ ለዔ ዓኦሢሰካፓ ሲና ጌይንታ ዳኮ ኮራ ዓኦ ሶኦሎይዳ ካዮ ባኦካ ዔኤታ ታሚና ያኦሲ ከኢታንቻ ዒዛሞ ጳዳ።

31 ሙሴ ዩያ ዛጌ ዋደና ዲቃቴ ሄርሻፃ፡ ባንሢ ዑኪ ዛጋንቴ ሂዚ ጋዓ ዑኡሲ ዋይዚንቴ፤

32 ታኦኒ ኔ ዓደንሢ ዓብራሃሜ ያኦሲ፡ ዩሳኦቁ ያኦሲ፡ ያይቆኦይ ያኦሲኬ፡ ጋዓዛ፡ ሙሴ ዒማና ዒገጪ ጎጋይቁ፤ ዛገሊያ ጫርቁባኦ።

7:18 ኬሲ. ማፃ 1:7-8። 7:19 ኬሲ. ማፃ 1:1-11፤ 22። 7:20 ኬሲ. ማፃ 2:2። 7:21 ኬሲ. ማፃ 2:3-10። 7:23 ኬሲ. ማፃ 2:11-15። 7:29 ኬሲ. ማፃ 18:3-4።

33 የኦሲ ዲዛም ጋዓንቴ ሕ ዓቁ ቤዛ ጌኤሺ ሳዓታሢሮ ቶካፓ ዲርዘ ኔኤኮ ኬሴ፤

34 ጊብፄ ዓጮይዳ ዓኣ ታ ዳሮኮ ዳኤፖ ሜቶ ጎኔና ታ ዛጌኔ፤ ዋኣዪንቶ ዲላቶዋ ታ ዔያቶኮ ዋይዜኔ፤ ዬያሮ ታ ዔያቶ ዓውሳኒ ኬይሢሮ ሃሢ ኔ ሃኒ ዬዔ፥ ታ ኔና ጊብፄ ዓጮ ማሂዳካንዳኔ፤ ጌዔኔ።

35 «ዲሰራዔኤሌ ዳራ ሙሴ ኮራ ሕና ኑ ዑፃ ዋይሣያና ዋጋያና ማሃሢ ያናዳይ?» ጌዒ ቤርታ ዲዛ ማኬያ ማዔቶዋ የኦሲ ጋዓንቴ ዬያ ሙሴም ካዮ ባኣካ ጴዲ ኪኢታንቻሢ ዛሎና ዋይሣያና ዋጋያና ማሂ ዔያቶ ባንሢ ዳኬኔ።

36 ጊብፄ ዓጮና ዙቄ ባዘናይዳ ዲቃሢ ባኣዚና የኦሲ ዋልቄና ማዲንታ ዓኪ ባኣዚና ማዲ ዳሮ ዓይሉማፓ ኬሲ፥ ዓሲ ናንጉዋ ዳውሎይዳ ያይዲታሚ ለዔ ጉቤ ዔኪ ሃንቴሢ ዬያ ሙሴኬ።

37 «የኦሲ ታና ዔቁሴሢጉዲ ዲንሢኮ ዲሸንሢ ባኣካፓ የኦሲ ማላሢ ኬኤዛ ዓሲ ዲንሢም ዔቁሳንዳኔ፤ ጌዒ ዲሰራዔኤሌ ዳሮም ኬኤዜሢያ ዬያ ሙሴኬ።

38 ዓሲ ናንጉዋ ዳውሎይዳ ቡኪንቴ ዳሮና ዋላ ሃሢ ሲና ዲኮይዳ ጌሰቴ ኪኢታንቻሢና ዬያጉዲ ኑ ዓድንሢና ዋላ ማዔሢያ ዲዛኬ፤ የኦሲኮዋ ናንጎ ቃኣሎ ኑም ዳኪ ሄሊሴሢያ ዬያ ሙሴኬ።

39 «ኑ ዓድንሢ ጋዓንቴ ዲዛ ማማኬያፓዓቴም ዲዛም ዓይሢንቴባኣሴ፤ ዲኖና ዔያታ ጊብፄ ዓጮ ማዓኒ ማሌኔ።

40 ዓኣሮኔ ኮራ ዔያታ ላይ ጊብፄ ዓጮፓ ኑና ኬሴ ሙሴ ዋዋይቴቴያ ኑ ዔራዋሴ፤ ዬያሮ ኦኤኮ ቤርታ ቤርታ ዓኣዲ ኑና ዔኪ ዓኣዳንዳያ ካኣሸኮንዶ ባኣዚ ኑም ማዜ፤ ጌዔኔ።

41 ዲማና ዔያታ ናኣሪ ማላያ ካኣሸኮንዶ ባኣዚ ማዜ ዲንጎ ባኣዚያ ዬያም ዲንጌኔ፤ ዔያታ ፔ ኩጮና ማዜ ባኮናኣ ዋዛዳኔ።

42 የኦሲ ጋዓንቴ ዔያቶይዳፓ ዲማዳኔ፤ ጫሪንጮ ዠኦጋሢ ዔያታ ካኣሸካንዳጉዲ ዔያቶ ማሄኔ። ዬይያ፡- የኦሲ ማሊያ ኬኤዛ ዓሰ ዛሎና

ፈንሢ ዲሰራዔኤሌ ዓሳ!
ዓሲ ናንጉዋ ዳውሎይዳ ዲንሢ ሹኬ ቆልሞንታ
ያይዲታሚ ለዔ ጉቤ ዲንሢ ዲንጌ ዲንጊፃ ታኣምዳ?

43 ዔኪ ዲንሢ ዳንዴሢ ዲንሢ ካኣሸካ

7:34 ኬሲ. ማፃ 2:14። 7:36 ኬሲ. ማፃ 7:5፤ 14:21፤ ፓይ. ማፃ 14:33። 7:37 ላሚ. ዋማ 8:15፤ 18። 7:38 ኬሲ. ማፃ 19:1—20:17፤ ላሚ. ዋማ 5:1-33። 7:40 ኬሲ. ማፃ 32:1። 7:41 ኬሲ. ማፃ 32:2-6። 7:42 ዓሞ. 5:25-27።

ሞሎኬኮ ባፒሎ ማኣርንታ
ሬፓኔ ጌይንታ ቢንሢ ጾኣዛሢኮ ዡኦጎ ማላ ባኮንታኬ።
ዬያቶ ቢንሢ፡- ቢንሢ ኩቻ ማዢ

ዬያቶም ቢንሢ ዚጋ ቢንሢኮ ካኣሽኮ ጾኣዞኬ።
ታኣኒያ ባብሎኔ ባጫፓ ቢንሢ ዳከንቲ ዴንዳንዳጉዲ ማሃንዳኔ
ጌይንቲ ጻኣፒንቲሢ ጉዴያኬ።

44 «ኑ ባዶንሢኮ ባሲ ናንጉዋ ዳውሎይዳ ባፒላና ማዢንቲ
ጾኣሲ ካኣሽኪንታ ማኣሪ ባኣኔ፤ ዬኖ ባፒሎና ማዡና ማኣር ጾኣሲ
ቢዛ ባይሢ ጎይጾና ሃሣ ዳዌ ጎይጾና ማዢሢያ ሙሴኬ።

45 ጾኣሲ ዔያቶኮ ቤርታፓ ዳውሴ ሜሌ ዴር ባጮ ዔያታ ዳካሌ
ዋዶና ኑ ባሶንሢ ዬኖ ዔያታ ዔኬ ባፒሎና ማዢንቲ ማኣሬሎ
ቢያሱና ዋላ ቢዛ ቤዞ ጌልዜኔ፤ ዴንዲ ዳውቴ ዋዶ ሄላንዳኣና ዬና
ቢኢካ ዴዔኔ።

46 ዳውቴያ ጾኣሲ ቢዛ ቦንቼሢረ ያይቆኦ ቤርያ ባኣካ ጾኣዛሢ
ዋርቃንዳ ማኣሪ ማዢን ጾኣሲ ሺኢቄኔ።

47 ጋባንቲ ዬኖ ማኣር ጾኣሲም ማዢሢ ሴሎሞኔኬ።

48 «ያዲ ማዔቶዋ ዴኤፖ ጾኣዛሢ ባሲ ኩቸና ማዢንቲ ማኣሪዳ
ናንጉዋሱ፤ ዬይያ፡- ጾኣሲ ማሊያ ኬኤዛሢ ዛሎና

49 ጫሪንጫ ታኣኮ ዴያ ጾይቶኬ፤
ሳባ ታኣኮ ቶካ ሄርቃ ቤዞኬ፤
ሂዳያ ታኣም ቢንሢ ዋዚጉዴ ማኣሪ ማዢንዳይ?
ታ ዴቢ ሃውሻንዳ ቤዛ ዋዚጉዴያዳይ?

50 ዬያ ቢያ ታኣኒ ታ ኩጮና ኮሼሢቲዳዳ?
ጾኣሲ ሂዚ ጋባኔ ጌቢ ጻኣፒሢጉዴያኬ።

51 «ቢንሢ ባቃኖ ዴይሢ፡ ፑርቶ ባሳ! ቢና ቢንሢኮ ዔኩዋያ፤
ዋያኣ ቢንሢኮ ዋይዙዋያ፡ ቢንሢኮ ባዶንሢጉዲ ቢንሢያ ቢያ ዋዴና
ባያኖ ጌኤዢ ማካኔ።

52 ቢንሢኮ ባዶንሢ ቢዲ ዳውሲ ባኣያ ጾኣሲ ማሊያ ኬኤዛ
ባሶይዳፓ ያናዳይ? ዔያታ ጌኤዢሢኮ ሙኪያ ቤርታዲ
ኬኤዜዞንሢታ? ዋዴኔ፤ ቢንሢያ ሃሢ ዬያ ጌኤዢሢ ባኣሢ ቢንጊ
ዋዴኔ።

53 ቢንሢ፡- ኪኢታንቸ ዛሎና ጾኣሲ ዋጎ ዔኬኔ፤ ጋባንቲ ቢንሢ
ዬያ ካፒባኣሴ።»

ቢሰፂፓናሴኮ ሹጮና ዲይንቲ ሃይቁያ

7:44 ኬሲ. ማፃ 25:9፤ 40። 7:45 ቢያ. 3:14-17። 7:46 2ሳሙ. 7:1-16፤
1ጾኣሲ. ባሃኬ 17:1-14። 7:47 1ካኣቶ. ማ 6:1-38፤ 2ጾኣሲ. ባሃኬ 3:1-17።
7:49 ቢሲ. 66:1-2። 7:51 ቢሲ. 63:10።

54 ዋሳ ዋጋ ዓሳ ዬያ ዋይዜ ዋዶና ዒናፓ ኮሺ ዳጋዳይ፤ ዒሰዲፓኖሴ ዑያይዳኣ ዳጋና ሃኣሚ ዳዔይ።

55 ዒዚ ጋዓንቴ ዓያና ጌኤሺኮ ዋልቆ ጋሮ ጌሊ ጫሪንጮ ባንሢ ጊዥ ጌረ ዛጋ፣ ያኦሲኮ ቦንቸ ዳንቄይ፤ ዬሱሴያ ያኦሲኮ ሚዛቆ ዛላ ዔቂ ዓኣንቴ ዛጊ።

56 «ሃይሸ፤ ጫሪንጫ ቡሊንቴ፣ ያኦሲኮዋ ናዓሢ ያኦሲኮ ሚዛቆ ዛላ ዔቂ ዓኣንቴ ታ ዛጋይ» ጌዔይ።

57 ዬማና ዔያታ ዳጊዲ ዒላቴ፣ ዋዮ ጉቤሢ ፔኤኮ ዓርቃዎ ፔቱዋና ዒዛ ባንሢ ጳሽኬይ።

58 ዬካፓ ዔያታ ዒዛ ዓርቂ ካታዋይዳፓ ኬሲ ሹቻ ዲዒ ዋዳይ፤ ማርኮ ማዔ ዓሰንሢያ ዒሰዲፓኖሴ ዲዓ ዓሰኮ ዓፒሎ ዔኪ ሳውሌ ጌይንታ ፔቴ ዳጌሰኬይ ካፓንዳጉዲ ዒዛ ኮራ ጌሢይ።

59 ዔያታ ዒዛ ሹጮና ዲዓ ጎይሢ ዓኣንቴ ዒሰዲፓኖሴ፡- «ጎዳ ዬሱሴ! ሸምፓሢ ታኣኮ ዔኬ!» ጌረ ሸኢቄይ።

60 ሃሣ ዒ ጉምዓታዎ፡- «ጎዳሢዮ! ሃያ ዔያቶኮ ማዳ ዳቢንቴ ማሃፓይዲ።» ጌረ ዳጊዲ ዒላቴ፣ ሃይቄይ። ሳውሌያ ዒሰዲፓኖሴ ዋዶናሢ ቃራኬ ጌዔይ።

8

ሳውሌኮ ሸኢዲያ ማኣሮ ዓሰ ዳውሲያ

1 ዒሰዲፓኖሴ ሃይቄ ኬሎና ዬሩሳላሜይዳ ዓኣ ሸኢዲያ ማኣሮ ዓሰይዳ ዳኤፒ ዳውሲሢ ዔቄይ፤ ያኦሲ ማዶም ዳኪንቴዞንሢኮ ማኣሮ ዓታዛ ሃንጎ ያኦሲ ጉሙርቃ ዓሳ ቢያ ዪሁዳ ዓጮና ሳማሪያ ዓጮና ባንሢ ላኣሊንቴ ዳንዳይ።

2 ያኦሲ ዶዲ ካኣሸካ፣ ፔቴ ፔቴ ዓሳ ዒሰዲፓኖሴ ዶኡኬይ፤ ሃሣ ዒናፓ ማዔ ዳኤፒ ዬኤፒያ ዬኤኬይ።

3 ሳውሌ ጋዓንቴ ዬዮ ዋዶና ሸኢዲያ ማኣሮ ዓሰ ባይዛኒ ሚርጌ ካራ ኮዓይ፤ ዓሰኮዋ ማኣሮ ቢያ ጌሊ ጌሊ ኪሪሰቶሴ ጉሙርቃ ዓሰ ዓቲንቆና ላኣሎና ጎቺ ጎቺ ኬሲ፣ ቱኡሲ ማኣሪዳ ቱኪሳይ።

ኮዥ ሃይሳ ሳማሪያይዳ ኬኤዚንቴሢ

4 ዲማ ዲማ ቤዛ ላኣሊንቴ ዓኣዳ ኪሪሰቶሴ ጉሙርቃ ዓሳ ቢያ ቤዘይዳ ያኦሲኮ ቃኣሎ ኬኤዜይ፤

5 ፒልጳሴያ ሳማሪያኮ ፑኡፖ ካታዋ ዳንዲ ማሲሃ ዛሎ ዓሰም ኬኤዜይ።

8:3 ዳኪ. ማዳ 22:4-5፤ 26:9-11።

6 ዓሳ ፒልጶስኮ ቃኣሎ ዋይዛያ ሃሃ ዒ ማዳ ያኦሲ ዋልቆና ማዳንታ ዓኮ ባኮዋ ዛጋያ ፔቱሞና ዒዚ ጋዓ ባኮ ኮሺ ዋይዛኔ።

7 ፑርቶ ዓያናኣ ዴጊዲ ዒላቲ ዒላቲ ሚርጌ ዓሶይዳፓ ኬሰካኔ፤ ሃሃ ሚርጌ ሃንታኒ ዳንዳዑዋ ዋሶ ዓሲና ፒዜ ሃንቱዋ ዋሶ ዓሲያ ዳቄኔ።

8 ዬያር ዬኖ ካታሞይዳ ዴኤፒ ዋዛ ማዔኔ።

9 ዬኖ ካታሞይዳ ሲሞኦኔ ጌይንታ ፔቱ ዓሲ ዓኣኔ፤ ዬይ ዓሢ ካታሞይዳ ዠዋቶና ዓኪ ባኣዚ ማዲ ማዲ ሳማሪያ ዓጮይዳ ሄርሺ ዲቃቲንታያ ማዒ ናንጋኔ፤ ሃሃ «ታኣኒ ዴኤፒ ዓሲኬ!» ጌዒ ጌዒ ፔና ኬኤዛኔ።

10 ዓሶ ዳኮንታ ዴኤፖንታ ቢያ፡- «ሃይ ዓሢ ዴኤፒ ጌይንቲ ዔኤለንታ ያኦሲ ዋልቃሢኬ!» ጌዒ ጌዒ ዒዛሲ ዋይዛኔ።

11 ዔያታ ዒዛሲ ዋይዛሢ ሚርጌ ዋዴይዳፓ ዓርቃያ ዠዋቶና ዓኪ ባኣዚ ማዲሢና ዔያቶ ዲቃሢ ሄርሺሳሢሮኬ።

12 ጋዓንቴ ፒልጶስ ያኦሲ ካኣቱሞ ዛሎና ዬሱሰ ኪሪሰቶሴ ዛሎና ኬኤዜ ኮዠ ሃይሶ ጎናሲ ዔኪ ዓቲንቆንታ ላኣሎንታ ዋኣያና ማሰቲኔ።

13 ሲሞኦኔያ ዓቱዋያ ኪሪሰቶሴ ጉሙርቂ ዋኣያና ማሰቲ ፒልጶስና ዋላ ፔቱ ማዔኔ፤ ሃሃ ዒዚ ያኦሲ ዋልቆና ማዳንታ ዓኮ ባኮንታ ማላቶንታ ዛጊ ዛጊ ዲቃቲ ሄርሻኔ።

14 ዬሩሳላሜይዳ ዓኣ ዳኪንቴዞንሢኮ ሳማሪያ ዓጮ ዓሳ ያኦሲ ቃኣሎ ጎናሲ ዔኬሢሢ ዋይዛያ ጳዒሮሴና ዮሃኒሴና ሳማሪያ ዓጮ ደኬኔ።

15 ዬያር ሳማሪያ ዓጮ ዓሳ ዓያና ጌኤሺ ዔካንዳጉዲ ጳዒሮሴና ዮሃኒሴና ዓኣዲ ዔያቶሞ ሸኢቄኔ።

16 ዓይጎር ጌዔቶ ሳማሪያ ዓጮ ዓሳ ጎዳ ዬሱሴ ሱንያና ዋኣያ ማሰቲያፓዓቱሞ ዓያና ጌኤሺ ሃጊ ፔቱ ዓሲዳታያ ኬዲባኣሴ።

17 ዬያር ጳዒሮሴና ዮሃኒሴና ዔያቶ ዑፃ ኩጮ ጌሣዛ ዓሳ ዓያና ጌኤሺ ዔኬኔ።

18 ዳኪንቴዞንሢኮ ፔኤኮ ኩጮ ዓሶ ዑፃ ጌሣዛ ዓያና ጌኤሺ ዓሶሞ ዒንጊንቴሢ ሲሞኦኔ ዛጋያ ዳኪንቴዞንሢኮ ሚኢሺ ዔኪ ሙኪ፡-

19 «ታኣኒያ ኩጮ ጌሣዛ ዓሳ ቢያ ዓያና ጌኤሺ ዔካንዳጉዲ ሃኖ ቢታንቶ ታኣሞ ዒንጉዋቲራ» ጌዔኔ።

20 ጳዒሮሴ ጋዓንቴ ዒዛሞ፡- «ያኦሲኮ ዒንጊያ ኔኤኒ ሚኢሺና ዔካኒ ማሊሢሮ ኔናንታ ኔ ሚኢሺንታ ዋላ ባይቁዋቲ!

21 ዒና ኔኤኮ ያኦሲ ቤርቶይዳ ፒዜ ማዒባኣሢሮ ኑ ማዳይዳ ኔኤኮ ቤሲያ ባኣሴ።

22 ይኛር ሃያ ኔኔኮ ፑርቱሞ ዳቢንቶ ጎማፓ ማዕ፤ ጎዖንቴ ያኑሲ ኔኔኮ ዒኖ ማሊያ ዓቶም ጋዓንዳቴ ዒዛ ሸኢቁ፤

23 ዓይጎር ጌዔቶ ኔኔኒ ባይዛ ቁኢሩሞ ማሊሢና ኩሜያ ሃሃ ጎማና ቱኡቴ ዓሲ ማዕሢ ታ ዛጋኔ» ጌዔ።

24 ሲሞኦኔያ፡- «ዒንሢ ሃሢ ጌዔ ባኮይዳፓ ፔቴ ባኦዚታዖ ታና ሄሉዋጉዲ ዒንሢ ዒንሢሮ ጎዳሢ ታኦም ሸኢቁቀቴ» ጌዔ።

25 ጳዕርሴና ዮሃኒሴና ዬሱሴ ዛሎ ዔራ ባኮ ማርካዲ፣ ጎዳኮዋ ቃኦሎ ኬኤዜሰካፓ ማርጌ ጎማሪያ ዓጮ ጉርዶይዳ ኮዠ ሃይሶ ኬኤዚ ኬኤዚ ዬሩጎላሜ ባንሢ ማዕ።

ፒልጶሴና ካኦቶ ማኦር ማዳ ዒቶጲያ ዓጮ ዓሢና

26 ያኑሲኮ ከኢታንቻ ፒልጶሴ ኮራ፡- «ዔቁ ዬሩጎላሜይዳፓ ጋኦዛ ዴንዳ ጎይዖና ሊካ ዴንዴ» ጌዔ፤ ዬና ጎይዖ፡- ዓሲ ናንጉዋ ዳውሌይዴና ዓኦዳያኬ።

27 ዒዚ ዔቁ ዴንዴ። ዒማና ፔቴ ዒቶጲያ ዓጮኮ ካኦቶ ማኦር ዓሸቲንቁ ማዳ ዒቶጲያ ዓጮ ዓሲሰኬያ ያኑሲም ዘጊ ካኦሸካኒ ዬሩጎላሜ ዴንዲ ዒኢካ ዓኦ፤ ዬይ ዓሢ ሂንዴኬ ጌይንታ ዒቶጲያ ዓጮ ካኦቴሎና ዋላ ቢታንቶ ዓኦያ ማዒ ማዳያ ሃሃ ሚኢሾ ዒዘኮ ቢያ ዘጊ ዓርቁ ቆላያኬ።

28 ዬይ ዓሢ ፓራሢ ጎቻ ሳርጌሎ ያይቶይዳ ዴዒ ፔ ዓጮ ባንሢ ማዒ ዴንዲቤቃ ያኑሲ ማሊያ ኬኤዛ ዒሲያሴ ማፃኦፖ ናባባ።

29 ዬማና ዓያና ጌኤዣ ፒልጶሴም፡- «ዴንዲ ሃሴኬ ሳርጌሎ ያይቶ ባንሢ ዑኬ» ጌዔ።

30 ዬያር ፒልጶሴ ጳሽኪ ዬያ ባንሢ ዴንዳዖ ዒቶጲያ ዓጮ ዓሢ ያኑሲ ማሊያ ኬኤዛ ዒሲያሴ ማፃኦፖ ናባባንቴ ዋይዚ፡- «ኔ ናባባሢኮ ቡሊፃ ኔኔም ጌላ?» ጌዒ ያኦጮ።

31 ዒቶጲያ ዓጮ ዓሢ ማሃዖ፡- «ቡሊ ኬኤዛ ዓሲ ባኦንቴ ዋዲ ታኦም ጌላንዳይ?» ጋዓዖ፣ ፒልጶሴም፡- «ሳርጌሎ ያይቶይዳ ኬሰኪ ታኦና ዋላ ዴዔ» ጌዔ።

32 ዬይ ዒቶጲያ ዓጮ ዴኤፖ ዓሢ ናባባ ማፃኦፓ፡- «ሹኪንታኒ ዒሸንታ ማራይጉዲ ማዕ፤ ዑፃፓ ጋፓና ታይዛ ዓሳ ታይዛኦና ዚቲ ጋዓ ማራይጉዲ

ዒዚ ዳንጎ ፔኤሲ ቡሊባኦ።

33 ዒዚ ቦሃንቴ፤ ፒዜ ዋጌያ ዒዛም ዋጊንቴባኦ፤ ሸምፓሢ ዒዘኮ ሳይይዳፓ ባይቁ፤

ዒዘኮ ሸይንቶ ዛሎ ያኦኒ ኬኤዛኒ ዳንዳዓይ?»

ሂዚ ጋዓ ቤዘኬ።

34 ይይ ካኣቶ ማኣራ ዴኤፒ ዓሲ ማዒ ማዳ ዓሢ ፒልጶሴ ኮራ:- «ጾኦሲ ማሊያ ኬኤዛሢ ሃኖ ጌዔሢ ምዃ ሃላዳይ? ፔ ዛላሞ? ማሌ ዓሲ ዛላዳይ? ሃዳራ ታኣሞ ኬኤዜ» ጌዔኔ።

35 ፒልጶሴያ ዬኖ ማፃኣፓ ቤዘይዳፓ ዓርቃዎ ዬሱሴ ዛሎ ኮዦ ሃይሶ ዒዛሞ ኬኤዜኔ።

36 ዔያታ ዴንዲቤቃ ዋኣሢ ዓኣ ቤሲ ሄላዛ፣ ካኣቶ ማኣራ ማዳ ዴኤፓ ዓሢ ፒልጶሴ ኮራ:- «ሃይሾ ሃካ ዋኣሢ ዓኣኔ፤ ታኣኒ ማሰቱዋጉዲ ታና ላኣጋሢ ዓይጎዳይ?» ጌዔኔ።

37 ፒልጶሴያ:- «ጉቤ ዒናፓ ኔ ጉሙርቄቶ ዋኣዎ ማሰታኒ ዳንዳዓኔ» ዒዛሞ ጌዔኔ። ካኣቶ ማኣራ ማዳ ዴኤፓ ዓሢ:- «ዬሱሶ ኪሪሰቶሴ ጾኦሲ ናኣዚ ማዔሢ ታ ጉሙርቃኔ» ጌዔኔ።፡*
38 ካኣቶ ማኣራ ማዳ ዴኤፓ ዓሢ ሳርጌሎ ጾይቶ ዓቄሴኔ፤ ዬካፓ ላሞዓሢ ዋኣዎይዳ ኬዳዛ ፒልጶሴ ዬያ ዓሢ ማሰኬኔ።

39 ዋኣዎይዳፓ ዔያታ ኬሰኬሰካፓ ጾኦሲኮ ዓያና ፒልጶሴ ዔኬኔ፤ ካኣቶ ማኣራ ማዳ ዴኤፓ ዓሢ ላሚ ዒዛ ዴንቁባኣሴ። ዒዚያ ዋዛዲ ዋዛዲ ፔኤኮ ጎይዎ ዓኣዴኔ።

40 ፒልጶሴ ዒማና ጋዓንቴ ዓዛዎሴ ጎዎ ቤሲዳ ጴዳኔ፤ ዒዚ ቁሳሪያ ዓጮ ማዒ ሙካንዳያ ሄላንዳኣና ካታሞ ቢያ ሃንቴ ሃንቴ ኮዦ ሃይሶ ኬኤዜኔ።

9

ሳውሌኮ ላኣሚንቶ

(ዳኪ. ማዳ 22:6-16፤ 26:12-18)

1 ዒማና ቢያ ዎይ ሳውሌ ጎዳኮ ጊንዎ ሃንታ ናኣቶ ዳጋና ዎዳኒ ዚርቁ ዚርቁ ናንጊቤቃ ቁኤሶኮ ሱኡጋሢ ኮራ ዓኣዲ፣

2 ጎዳኮ ጎይዎ ሃንታ ዓሶ ዓቲንቆንታ ላኣሎንታ ዴንቃዎ ቱኪ ቱኪ ዬሩሳላሚ ዔኪ ሙኪሳኒ ዳንዳዓ ኪኢታ ዋርቃታ ዴማሰቆይዳ ዓኣ ዓይሁዶ ዓሶኮ ቡኪንቶ ቤዘ ዎይሢ ዓሶሞ ፃኣፒ ዒንጋንዳጉዲ ቁኤሶኮ ሱኡጋሢ ዎኤጮኔ።

3 ዬካፓ ዒዚ ጎይዎ ዴንዲ ዴማሰቆ ካታሞ ሄላኒ ዑካዛ ዒዚ ዓሩዋንቴ ጫሪንጫፓ ዓኣፒዳ ዲካ ፖዒ ዒዛ ዓጮ ፖዔኔ።

4 ዬማና ዒዚ ቶጊ ዓኣዳ ባካፓ ሳዓ ኬዲ ሎኣማዎ:- «ሳውሌ! ሳውሌ! ኔ ታና ዓይጋ ዳውሳይ?» ጋዓ ዑኡሲ ዋይዜኔ።

5 ሳውሌያ «ጎዳሢዮ! ኔኤኒ ዎናዳይ?» ጌዔኔ።

* 8:37 ፔቴ ፔቴ ማፃኣፓ:- ፓይ. 37 ጊዳ ቃሳኔ።

ዒዚ ማሃየ «ኔ ታና ዳውሳ፣ ታኣኒ ዩሱሴኬ፤*
6 ሃሢ ዔቁጋጋ ካታሞ ጌሌ፤ ኔ ማዳንዳ ባካ ዒኢካ ኔኤም ኬኤዚንታንዳኔ» ጌዔኔ።

7 ሳውሌና ዋላ ዓኣዳ ዓሶንሢ ዑኡሲ ዋይዘየ ያናኣ ዳንቃኒ ዳንዳዒባኣሢሮ ዔያታ ጎዖንዶ ጎይሢ ባይዚ ዚቲዮ ጌዒ ዔቁኔ።

8 ሳውሌ ሳዓፓ ዔቃዖ ዓኣፖ ቡሌ ዎዶና ዓይጎዎ ዳንቃኒ ዳንዳዒባኣሴ፤ ዩያሮ ዓሳ ዒዛኮ ኩጮ ዓርቂ ጎቺ ጎቺ ዳማሰቆ ካታሞ ዔኪ ዓኣዳኔ።

9 ዒዚ ዒማና ዓይጎዎ ዳንቃኒ ዳንዳዑዎዖ ሃሃ ሙዒ ዑሸኩዎዖ ዳዔኔ።

10 ዳማሰቆይዳ ፔቴ ሃናኒያ ጎዖ ኪሪሰቶሴ ጉሙርቃ ዓሲ ዓኣኔ። ዩያ ዓሢ ጎዳ፡- «ሃናኒያ!» ጌዒ ዔኤላያ ያኦሲ ፔጋሲ ዳዋዘ፣ ዒዚ፡- «ዮ፣ ጎዳሢዮ!» ጌዔኔ።

11 ጎዳ ጎዳዘም፡- «ፒዜ ጎይሢ ጌይንታ ጎይፃሎና ዳንዳ፤ ዒኢካ ዪሁዳ ማኣሮይዳ ሳውሌ ጌይንታ ፃርሴሴ ዓጮ ዓሢ ኮዔ፣ ዒዚ ሃሢ ሺኢጲሢዳኬ» ጌዔኔ።

12 ሳውሌያ ዒማና ዓኣፓ ዒዛኮ ላሚ ዛጋንዳጉዲ ሃናኒያ ዒዛ ዑፃ ኩጮ ጌሃንቴ ያኦሲ ዒዛ ፔጋሲ ዳዋዘ ዛጌኔ።

13 ሃናኒያ ጋዓንቴ ሂዚ ጌዒ ማሃኔ፡- «ጎዳሢዮ! ዩይ ዓሢ ዩሩሳላሜይዳ ዓኣ ኔ ዓሶ ዑያይዳ ሚርጌ ፑርታ ባኣዚ ማዳሢ ሚርጌ ዓሲዳፓ ታ ዋይዘኔ።

14 ሃካኣ ሃሃ ኔና ካኣሸካ ዓሶ ቢያ ቱኡሳኒ ቁኤሶኮ ሱኡጎይዳፓ ቢታንቶ ዔኪ ሙኩኔ» ጌዔኔ።

15 ጎዳ ሃናኒያም፡- «ዒዚ ታኣኮ ሱንዖ ማሌ ዳሮንታ ካኣቶንታም ሃሃ ዒሲራዔኤሌ ዓሶማኣ ዔርዛንዳያ ታኣኮ ዶኦሪንቴ ዓንጋሞ ማዔሢሮ ሃሢ ዒዛ ኮራ ዓኣዳ፤

16 ታ ዛሎና ዎዚጉዳ ሚርጌ ሜቶ ዒ ዔካንዳቴያ ታ ታኣሮ ዒዛም ዔርዛንዳኔ» ሂዚ ጌዔኔ።

17 ዩያሮ ሃናኒያ ዒኢካ ዳንዲ ሳውሌ ዓኣ ማኣሮ ጌሊ፣ ኩጮ ፔኤኮ ሳውሌ ዑፃ ጌሃዖ፡- «ታ ዒሻሢዮ ሳውሌ! ሃይካ ኔ ሙካንቴ ጎይዖ ኔኤም ጳዴ ጎዳ ዩሱሴ ዓኣፓ ኔኤኮ ዛጋንዳጉዲና ሃሃ ዓያና ጌኤሽ ኩሙሢ ዎላቁና ኔጊዳ ማዳንዳጉዲ ማሆም ታና ዳኬኔ» ጋዓዛ፣

* 9:5 ፔቴ ፔቴ ማፃኣፓ ሃና ቤዘይዳ፡- «ጫጮ ሚዖ ማሢ ዓኪያና ኔኤሮ ኔ ማኣሳና» ጋዓኔ፤ ሃሃ «ሳውሌያ ጎጋይቂ ጎጋይቂ ዓጊቹሞና ዲቃታዖ ጎዳሢዮ! ዓይጎ ታ ኔኤም ማዳንዳጉዲ ኔ ኮዓይ?» ጌዔኔ ጋዓኔ። ዩና፡- ዓይ. 22:10 ጌዳ፤ ሃሃ ዓይ. 26:14ይዳ ያኣፒንቴ ዓኣኔ።

18 ቤዘማና ቁኡሪ ማላ ባኣዚ ዓኣፓፓ ኩዳዛ ሳውሌ ዛጋኒ ዳንዳዔኔ፤ ዩካፓ ዔቁ ዒ ዋኣፆ ማሰቴኔ።

19 ሙኡዚያ ሙዒ ደዲ ዴማሰቆይዳ ዓኣ ኪሪሰቶሴ ጉሙርቃ ዓሰንሢና ዋላ ዳካ ኬሊ ዴዔኔ።

ሳውሌ ዴማሰቆይዳ

20 ዩካፓ ኔጉዋፆ ሳውሌ፡- «ዩሱሴ ያኦሲ ናይኬ» ጌዒ ጌዒ ዓይሁደ ዓሰኮ ቡኪንቶ ቤዛ ዔርዚሢሢ ዓርቁኔ።

21 ዩያ ዋይዜ ዓሳ ቢያ፡- «ሃይ ዓሢ ዩሩሳላሜይዳ ዩሱሴ ካኣሽካዞንሢ ቢያ ዋዳሢቱዓዳ? ሃይካኣ ዒዚ ሙኬሢ ዔያቶ ቱኪ ቱኪ ቁኡሶኮ ሱኡጎ ባንሢ ዔኪ ዓኣዳኒቱዓዳ?» ጌዒ ጌዒ ዲቃቴ ሄርሼኔ።

22 ሳውሌ ጋዓንቴ ፔቶ ደዲ ደዲ ዓኣዳኔ፤ ዩሱሴ ሜሲሄ ማዔሢያ ኬኤዚ ኬኤዚ ዴማሰቆይዳ ናንጋ ዓይሁደ ዓሰኮ ጎፆንደ ጎይሢ ሳይዜኔ።

23 ሚርጌ ኬሊኮ ጊንፃፓ ዓይሁደ ዓሳ ሳውሌ ዋዳኒ ዘርቱኔ፤

24 ዒዚ ጋዓንቴ ዒዛ ዋዳኒ ዔያታ ዘርታሢ ዔሬኔ፤ ዔያታ ዒማና ዒዛ ዋዳኒ ሮኦርና ዋንቶና ቢያ ካሮ ካሮ ካፓኔ።

25 ጋዓንቴ ዲሚና ሳውሌኮ ጊንፆ ሃንታ ናኣታ ዒዛ ሮኦጮና ዲሮ ዑሣ ዓኣሢ ካታዋ ዙላ ኬይሴኔ።

ሳውሌ ዩሩሳላሜይዳ

26 ሳውሌ ዩሩሳላሜ ዓኣዳፆ ዒኣካ ዓኣ ኪሪሰቶሴ ጉሙርቃዞንሢና ዋላ ማዓኒ ኮዔኔ፤ ዔያታ ጋዓንቴ ዒዛኮ ኪሪሰቶሴ ጉሙርቁፆ ጎኔ ዔያቶም ማሊባኣሢሮ ቢያሢ ዒዛ ዒጊጮኔ።

27 ባርናባሴ ጋዓንቴ ሳውሌ ዔያቶ ኮይላ ሺኢሻፆ ዒዚ ጎይፆ ዓኣንቴ ጎዳ ዒዛም ዋይቲ ጴዴቶ ሃሣ ዋማይዲ ዒዛና ጌሰቴቶ፡ ዴማሰቆይዳኣ ዩሱሴ ሱንፆና ዋማይዲ ዒዚ ጫርቁ ዓሰ ዔርዜቶዋ ዔያቶም ኬኤዜኔ።

28 ዩያሮ ሳውሌ ዔያቶና ዋላ ማዒ ዩሩሳላሜይዳ ሃንቲ ሃንቲ ጎዳ ሱንፆና ጫርቁ ኬኤዜኔ፤

29 ጊሪኬ ዓጮ ሙኡጮ ጌሰታ ዓይሁደ ዓሰና ዋላ ጌሰቲ ማርማዛ፡ ዔያታ ጋዓንቴ ዒዛ ዋዳኒ ማሌኔ።

30 ኪሪሰቶሴ ጉሙርቃዞንሢያ ዩያ ዔራፆ ቁሳሪያ ዓጮ ዒዛ ዔኪ ዓኣዲ ዩካፓ ጭርሴሴ ዓጮ ዓኣዳንዳጉዲ ዳኬኔ።

9:23 2ቆሮ. 11:32-33።

31 ዲማና ዪሁዳ ዓጫ፥ ጌሊላና ሳማሪያ ዓጮናይዳ ቢያ ዓኣ ሺኢጲያ ማኣሮ ዓሳ ሃውሾ ዴንቁ ዶዴኔ፤ ሃሣ ጎዳ ቦንቺ ቦንቺ ዓያና ጌኤሺናኣ ዶዳ ዶዳ ፓይዶና ሚርጌኔ።

ጳዊሮሴ ሊዳና ዲዮጴ ጌይንታ ዓጮናይዳ

32 ጳዊሮሴ ዓጮ ሃንቲቤቃ፥ ሊዳይዳ ናንጋ ኪሪሰቶሴ ጉሙርቃዞንሢ ኮራ ዓኣዳኔ።

33 ዲኢካ ዲዚ ሳሊ ሌዔ ጉቤ ላሂ ናንጋ ዔኒያ ጌይንታ ዎቦ ዓሲ ዴንቁኔ።

34 ጳዊሮሴ ዬያ ዓሢ፡- «ዔኒያ! ዬሱስ ኪሪሰቶሴ ኔና ፓሣንዳኔ፤ ዔቁ ኔኤኮ ዜዶ ማሃ» ጋዓዛ፥ ዲዚ ኔጉዎዎ ዔቁኔ።

35 ሊዳና ሳሮናማ ጌይንታ ዓጮናይዳ ናንጋ ዓሳ ቢያ ዬያ ዛጋዎ ጎዳ ጉሙርቁኔ።

36 ዲማና ዲዮጴ ዓጮይዳ ፃቢታ ጌይንታ ፔቴ ኪሪሰቶሴ ጉሙርቃሰኪና ዓኣኔ፤ ዲዞ ሱንፆኮ ቡሊፃ ጌሪኬ ሙኡቺና «ዶርቃ» ጌይሢ ማዓዛ ዬና ጌይፃ «ጌንፆ» ጌይሢኬ፤ ዲዛ ኮሺ ባኣዚ ማዲሢና ሃሣ ጌንሣ ማንቆ ዓሶም ሚርጌና ዔኤቢ ዲንጊሢና ዔርቴ ላኣሊኬ።

37 ዲማና ዲዛ ሃይቁም፥ ዓሳ ዲዞ ሱኡዲ ማሰካዎ ሹጮና ማዠና ማኣሮ ዑፃ ዓኣ ቤዘይዳ ኬሲ ላይሢኔ።

38 ሊዳ ጌይንታ ቤዘላ ዲዮጴኮ ዑኬ ማዔያታሢር ዲዮጴይዳ ዓኣ ኪሪሰቶሴ ጉሙርቃ ዓሳ ጳዊሮሴ ሊዳይዳ ዓኣሢ ዎይዚ፡- «ኔጉዎዎ ዑኬ ኑ ኮራ ሙኬ» ጌዒ ዲዛም ኪኢታ ላምዎ ዓሲ ዳኬኔ።

39 ዬያሮ ጳዊሮሴ ዔኤሊያ ሙኬዞንሢና ዎላ ሙኬኔ፤ ዲኢካ ዲዚ ሄላዛ ሹጮና ማዠና ማኣሮ ዑፃ ዓኣ ቤዘ ዔያታ ዲዛ ዔኪ ኬሴኔ፤ ዬማና ዓኒንሢ ሃይቁ ላኣላ ቢያ ዲዛኮ ዓጫ ዔቃዎ ዬኤኪ ዬኤኪ ዶርቃ ዔያቶና ዎላ ሹምፔና ዓኣዎ ሲኬ ማኣዓሢንታ ዓፒሎዎ ዳቂ ዳቂ ቤኤዘንታኔ።

40 ጳዊሮሴ ጋዓንቲ ቢያሢ ካሮ ባንሢ ኬሲጋፓ ጉምዓቲ ሺኢቃዎ ሌዞ ባንሢ ዛጌ፡- «ፃቢታ ዔቁ!» ጋዓዛ፥ ዲዛ ዓኣፖ ቡሌኔ፤ ዲዛኣ ሃሣ ዲዛ ዴንቃዎ ዔቁ ዴዔኔ።

41 ዲዚ ዲዛኮ ኩጮ ዓርቁ ዔቁሳዎ፥ ዓኒንሢ ሃይቁ ላኣሎንታ ኪሪሰቶሴ ጉሙርቃ ዓሶንታ ዔኤሊ ዳቂሺ ዲዞ ዔያቶ ቤርታ ዔቁሴኔ።

42 ዬይ ባካ ዲዮጴ ዓጮይዳ ቢያ ዔርቴሢር ሚርጌ ዓሳ ጎዳ ጉሙርቁኔ።

43 ጳዊሮሴ ዲማና ሲሞኦኔ ጌይንታ ጎሮ ጉኡዓ ዓሲሰኬያና ዎላ ሚርጌ ኬሊ ዲዮጴይዳ ዴዔኔ።

10

ጳጳርሴና ቆርኔሌዎሴና

1 ቁሳሪያ ዓጮይዳ ናንጋ ቆርኔሌዎሴና ጌይንታ ፔቲ ዓሲ ዓኣኔ፤
ዒዚያ «ዒፃሊያ ፖኦሊሶ» ጌይንታ ፖኦሊሶኮ ጭቶ ዓሶ ዓይሣ
ሱኡጌኬ፤

2 ዒዚ ፔ ማኣሮ ዓሶና ዎላ ዓይሁዶ ዎጎ ጎይያ ጸኦሲ ካኣሽካያና
ዒገጫያ፣ ማንቆ ዓሶዎ ሚርጌና ማኣዳያ ሃሣ ጸኦሲ ቢያ ዎዴ
ሺኢቃያኮ።

3 ፔቲ ከሊ ማሢ ዶንቦልሳ ዎዴ ጉዴያ ማዓኣና ጸኦሲኮ ከኢታንቻ
ዒዛ ኮራ ጌሊ፡- «ቆርኔሌዎሴ!» ጌዒ ዒዛ ዔኤሊያ ጸኦሲ ዒዛዎ
ፔጋሲ ዳዌኔ።

4 ዒዚ ጊዥ ጌዒ ከኢታንቻሢ ሳንሢ ዛጋያ ዲቃቲሢና፡-
«ጎዳሢያ! ዓይጎዳይ?» ጋዓዛ፣ ከኢታንቻሢ ዒዛዎ፡- «ኔኤኮ
ሺኢጲያና ማንቆ ዓሶ ኔ ማኣዳ ማኣዲያ ጸኦሲ ቤርታ ጳዴኔ፤

5 ሃሢ ኔ ኮራፓ ዓሲ ዒዮጴ ዓጮ ዳኪጋፓ ጳጳርሴ ጌይንታ
ሲሞኦኔ ዔኤሊሴ፤

6 ዒዚ ሃሢ ባዘ ዓጮይዳ ዓኣ፣ ጎሮ ጉኡዓ ሲሞኦኔ ማኣራ
ሸኦቹዎይዳ ዓኣኔ» ጌዔኔ።

7 ዬያ ዒዛዎ ከኤዜ ከኢታንቻሢ ዒዛይዳፓ ዲማዲ ዓኣዳዛ
ቆርኔሌዎሴ ዒዛዎ ላምያ ማዳ ማዳሰከንሢና ጉሙርቁንቲ ማዳ
ፔቲ ጸኦሲ ጉሙርቃ ፖኦሊሴሰኬያ ዔኤሊ፣

8 ማዔ ባኮ ቢያ ዔያቶም ከኤዜሢኮ ጊንፃ ዒዮጴ ዓጮ ዳኬኔ።

9 ዚሬሎ ዔያታ ዓኣዲ ካታሞኮ ዑካኣና ዓባ ሳዛ ሄሌም ጳጳርሴ
ዒዚ ቤርታ ሺኢቃ ሹጮና ማዦና ማኣሮኮ ዑያ ከሰኬኔ።

10 ዬማና ዒዛ ናይዴም ሙኡዚ ሙዓኒ ኮዔኔ፤ ሮኦሪ ሙዎ ሙዓ
ዒዛዎ ገኢጊንታ ጎይሣ ዓኣንቴ ጸኦሲ ዒዛዎ ፔጋሲ ዳዎ ባኣዚ ዒዚ
ዛጌኔ።

11 ዬና ዒ ዛጌ ባከላ ያዲኬ፡- ጫሪጎጫ ቡሊንቴም ያይዶ ዛላ
ዓርቁንቲ ዓፒላ ማላ ባኣዚ ሳያ ኬዴኔ።

12 ዬና ጊዳይዳ ዲማ ዲማ ዳካንታ ዴኤፒ ቦንጎታ ሃሣ ካፒያኣ
ዓኣኔ።

13 ዓካሪ ዒማና፡- «ጳጳርሴ! ዔቂ ሃያ ሹኪ ሹኪ ሙዔ» ጋዓ
ዑኡሲ ዒዛዎ ዎይዚንቴኔ።

14 ጳጳርሴ ጋዓንቴ፡- «ጎዳሢያ፣ ዬይ ማዓዓኬ! ሙዒንቴዎ ቁፆ
ማዔ፣ ዒኢቲ ባኣዚ ሙዒ ታ ቤቁባኣሴ» ጌዔኔ።

15 ላሚ ሃሣ፡- «ጸኦሲ ጌኤሺ ማሄ ባኮ ኔኤኒ ዒኢቲያኬ ጋዓንዳያ
ኮይሱዎሴ» ጋዓ ዑኡሲ ዎይዚንቴኔ።

16 ዬና ሃይሢ ማይንቲ ዒዛሞ ጴዳሰካፓ ዓፒሎጉዳ ባኩላ ቤዘማና ሌካ ጫሪንጮ ዔውቴኔ።

17 ጴዳርሴ ዬና ያኦሲ ዒዛ ዳዌ ባኮኮ ቡሊዓ «ዓይጎ ናንዳይ?» ጌዒ ጌዒ ፔ ማሊዎና ማሊ ሜታዳንቲ፥ ቆርኔሌዎሴ ዳኬ ዓሶንሢ ሲሞኦኔኮ ማኦር ያኦጪ ያኦጪ ዲሮ ካራ ዔቃዎ።

18 ዔኤሊንቲ፡- «ጴዳርሴ ጌይንታ ሲሞኦኔ ሸኦቹሞና ዓኣሢ ሃካዳ?» ጌዒ ያኦጪ።

19 ጴዳርሴ ያኦሲ ዒዛ ፔጋሲ ዳዌ ባኩሎ ዛሎ ማሊዎይዳ ዓኣንቴ ዓያና ጌኤሺ ዒዛሞ፡- «ሃይሾ፥ ኔና ሃይሦ ዓሲ ኮዓኔ፤

20 ዔያቶ ዳኪሢ ታናታሢሮ ዓልቱሞ ኬዲፓፓ ዔያቶና ሞላ ዓኣዳ» ሂዚ ጌዔኔ።

21 ጴዳርሴያ ዓኣ ቤዛፓ ኬዲ ዓሶንሢ ባንሢ ሙካዎ፡- «ዒንሢ ኮዓሢ ሃይሾ፥ ታናኬ፤ ዒንሢ ዓይጋ ሙኬይ?» ጌዒ ያኦጪ።

22 ዔያታ፡- «ኑኡኒ ሙኬሢ ጻኤቶ ፖኦሊሶኮ ሱኡጋሢ፥ ቆርኔሌዎሴ ኮራፓኬ፤ ዒዚያ ዓይሁዳ ዓሳ ቢያ ዒዛ ቦንቻያ ሃሃ ያኦሲ ካኣሽካያ ኮሺ ዓሲኬ። ኔና ዒዚ ፔ ማኦሪ ዔኤሊሲ ኔ ጋዓ ባኮ ሞይዘንዳጉዲ ያኦሲ ከኢታንቻ ዒዛሞ ኬኤዘኔ» ጌዔኔ።

23 ዬካፓ ጴዳርሴ ዔያቶ ማኦሪ ጌልዚ ሸኦቹንሢ ሞይሣዎ ጉቴሎ ዔቂ ዬንሢ ሙኬዘንሢና ሞላ ዓኣዳኔ፤ ዒዳይዳ ዓኣ ከሪሰቶሴ ጉሙርቃ ዓሶይዳፓ ፔቴ ፔቴ ዓሲያ ዒዛና ሞላ ዓኣዳኔ።

24 ዚሬሎ ዔያታ ቂሳሪያ ሙካንቴ ቆርኔሌዎሴ ፔኤኮ ዒጊኖና ዑኬ ላጌ ማዔ ዓሶሞ ዔኤሊ ጴዳርሴ ካፓኔ።

25 ጴዳርሴ ጌሊ ቆርኔሌዎሴና ካኣማዛ ቆርኔሌዎሴ ዒዛኮ ቶኮ ዳማ ሂርኪ ጌዒ ቦንቻ ዔኤሊሢ ዔኤሌኔ።

26 ጴዳርሴ ጋዓንቴ፡- «ዔቂ! ታኣ ኔጉዲ ዓሲሞይ!» ጌዒ ዒዛ ዔቂሴኔ።

27 ጴዳርሴ ቆርኔሌዎሴና ሞላ ጌሰቲ ጌሰቲ ጋሮ ጌላዎ ሚርጌ ቡኪንቲ ዓኣ ዓሲ ዳንቄኔ።

28 ዬካፓ ዬያ ዓሶሞ፡- «ዓይሁዳ ዓሳ ዓይሁዳ ማዒባኣ ዜርዎና ሞላ ፔቴ ማዒ ሃሃ ሞሊኮ ማኦሪ ጌላኒያ ኑ ካኣኸ ሞፓ ዓይሁሞኣሢ ዒንሢ ዒንሢ ቶኦኪና ዓራኔ፤ ጋዓንቴ ያናኣ ታኣኒ ጌኤሽኪባኣ፥ ዒኣቲ ዓሲኬ ጎዑሞጉዲ ያኦሲ ታና ፔጋሲ ዳዌኔ።

29 ዬያሮ ታኣሞ ዒንሢ ዓሶ ዳኬ ሞዶና ፔቴታዎ ዓልቱሞ ታ ሙኬኔ፤ ዓካሪ ዓይጎሮ ዒንሢ ታና ዔኤሌቶሞ ታ ዔራኒ ኮዓኔ» ጌዔኔ።

30 ዲሞና ቆርኔሌዎሴ፡- «ሃኖ የይዳሳ ከሌ ሃይማ ዎዴ፡ ማሢ ደንቦልሳ ዎዴ ማዳኣና ታኣኒ ታ ማኣራ የኦሲ ሺኢቃንቴ ዓኣፒዳ ዲዲካ ቦኦሬ ዓፒላ ማኣዔ ዓሲ ታ ዔራዋንቴ ታ ቤርታ ዔቃየ፡

31 «ቆርኔሌዎሴ! የኦሲ ኔኤኮ ሺኢጲያ ዋይዘኔ፤ ሃሃ ማንቆ ዓሳም ኔ ዒንገ ዒንገያዎ ኔኤኮ ዔኬኔ፤

32 ዓካሪ ዒዮጴ ዓጮ ከኢታ ዓሲ ዳኪጋፓ ጳዲሮሴ ጌይንታ ሲሞኦኔ ዔኤሌሊሴ፤ ሃሢ ዒዚ ባዘ ዓጫ ዓኣ ጎሮ ጉኡዓሢ፡ ሲሞኦኔ ማኣራ ሸኦቸሞይዳ ዓኣኔ» ታኣም ጌዔሢሮ፡

33 ቤዘና ከኢቶ ዓሳንሢ ታ ኔ ኮራ ዳኬኔ፤ ኔኤኒያ ሃሢ ሙከሢ ቃራኬ፤ ዓካሪ የኦሲ ኔና ኬኤዘንዳጉዲ ዓይሢ ባኮ ቢያ ዋይዘኒ ኑኦኒ ቢያሢ የኦሲ ቤርታ ሃይካ ቡኬኔ» ሂዚ ጌዔኔ፡፡

ጳዲሮሴ ጌሰቴ ጌኤዘ

34 ጳዲሮሴ ዔያቶም ከኤዛዎ፡- «ጎኔና የኦሲ ዓሲ ዓሲዳፓ ዲማሱዋኣሢና ፔቴያ ባሼ ማሂ ዛጉዋኣሢ ታ ዔሬኔ፤

35 ዓይጎ ዓጪ ዓሲ ማዔቶዎ የኦሲ ዒጊጫያ ሃሃ ጎኑም ባኣዚ ማዲያ ማዔ ዓሢ፡ ዔያ የኦሲ ናሽካኔ፡፡

36 የኦሲ ዒሰራዔኤሌ ዳሮም ቃኣሎ ዳኬሢ ዔርቴያኬ፤ ኮዦ ሃይሳ ዩሱሰ ኪሪሰቶሴ ዛሎና ሙከሢያ ዔያቶምኬ፤ ጋዓንቴ ዩሱሰ ኪሪሰቶሴ ቢያሢኮ ጎዳኬ፡፡

37 ዮሃኒሴ ዋኣያና ማሰኪያ ከኤዜ ዎዳፓ ዓርቃየ፡ ጌሊላ ዓጫፓ ዴንዲ ዩሁዳ ዓጮ ቢያይዳ ማዔ ባኮ ዒንሢ ዔራኔ፡፡

38 ሃሃ የኦሲ ናዚሬቶ ዩሱሴ ዓያኖ ጌኤዦና ደኦሬሢንታ ዎልቄያ ዒዛም ዒንጌሢ ዒንሢ ዔራኔ፤ የኦሲ ዒዛና ዎላ ማዔሢሮ ዒዚ ኮሺ ባኣዚ ማዲ ማዲ ፑርቶ ዓያኖና ዓርቂንቴ ዓሳዎ ፓሢ ፓሢ ሃንቴኔ፡፡

39 «ዩሁዳ ካታም ኮይሎና ዩሩሳላሜ ካታሞናይዳ ዒዚ ማዴ ባኮኮ ቢያ ኑኦኒ ማርካኬ፤ ዔያታ ጋዓንቴ ዒዛ ሚሢዳ ሱጲ ዎዴኔ፡፡

40 የኦሲ ዒዛ ሃይሣሳ ከሎና ሃይባፓ ዔቃንዳጉዲና ዓሳማኣ ዒ ጴዳንዳጉዲ ማሄኔ፡፡

41 ዒዚ ጴዴሢ ቢያ ዓሲሞቱዋንቴ ሃይባፓ ዔቄሢኮ ጊንፃ ዒዛና ዎላ ሙዒ ዑሽኬ፡ የኦሲ ቤርታዲ ደኦሬ፡ ኑና ዒዛኮ ማርካንሢምኬ፡፡

42 ሃያ ባኮ ዳሮም ኑ ከኤዘንዳጉዲ፡ ሸምፖና ዓኣ ዓሳና ሃይቄ ዓሳናይዳ ዒ ዎጋንዳያ ማዒያ ሃሃ ዔያ የኦሲ ማሊ ጌሢያ ማዔሢያ ኑ ማርካዳንዳጉዲ ኑና ዓይሢኔ፡፡

10:34 ላሚ. ዎማ 10:17፡፡

43 ዒዛና ጉሙርቃዞንሢኮም ቢያ ዒዛኮ ሱንጾና ጎማ ዓቶም ጌይንታንዳሢ ጾኑሲ ማሊያ ኬኤዛ ዓሳ ዒዛ ዛሎ ማርካዴኔ» ጌዔኔ።

ዓይሁዴ ማዒባኣ ዜርጾኮ ዓያኖ ጌኤዡ ዔኪዖ

44 ጳዒርሴ ዬያ ኬኤዛኣና ቃኣሎ ዋይዜ ዓሶ ቢያሢዳ ዓያና ጌኤሺ ኬዴኔ።

45 ጳዒርሴና ዋላ ሙኬ፥ ኪሪሰቶሴ ጉሙርቃ ዓይሁዴ ዓሳ ዓይሁዴ ማዒባኣ ዜርጾም ዓያኖ ጌኤዡ ዒንጊጻ ላኣሊንቴሢ ዛጋጾ ዲቃቲ ሄርሼኔ።

46 ዓይሁዴ ማዒባኣ ዜርጾም ዓያኖ ጌኤዡ ዒንጊንቴያታሢ ዔያታ ዔሬሢ፥ ዓይሁዴ ማዒባኣ ዜርጻ ዲማ ዲማ ዳንጋና ጌሰታንቴ ሃሃ ጾኑሲ ጋላቲ ጋላቲ ቦንቻንቴ ዔያታ ዋይዜሢርኬ።

47 ዩማና ጳዒርሴ፡- «ሃኣታ ዓሳ ኑጉዲ ዓያና ጌኤሺ ዔኬኔ፤ ዓካሪ ዋኣጾና ዔያታ ማሰቱዋጉዲ ጾኑኒ ዔያቶ ላኣጋይ?» ጌዔኔ።

48 ዬያር ዔያታ ዬሱሰ ኪሪሰቶሴ ሱንጾና ዋኣጾ ማሰታንዳጉዲ ዓይሢኔ፤ ዬካፓ ጳዒርሴ ዔያቶና ዋላ ዳካ ኬሊ ዴዓንዳጉዲ ዔያታ ዒዛ ሺኣቄኔ።

11

ጳዒርሴ ዓይሁዴ ማዒባኣ ዓሶ ማኣሪ ዓይጋ ጌሌቶዋ ኬኤዜሢ

1 ዓይሁዴ ማዒባኣ ዓሳ ጾኑሲ ቃኣሎ ዋይዜ ዔኬሢ ዪሁዳ ዓጮይዳ ዓኣ ዳኪንቴዞንሢኮንታ ሃንጎ ኪሪሰቶሴ ጉሙርቃ ዓሶንታ ዋይዜኔ።

2 ጳዒርሴ ዬሩሳላሜ ጊንሣ ማዒ ዓኣዴ ዋዶና ዓቲንቶ ቤርቶ ቲቁንቲ፻ ፒዜኬ ጋዓ፥ ዓይሁዴታ፻ ኪሪሰቶሴ ጉሙርቃ ዓሶ ዛላፓ ማዔ ዓሳ ዒዛ፡-

3 «ዓይጎር ኔ ዓቲንቶ ቤርቶ ቲቁንቲባኣ ዓሶ ማኣሪ ጌሊ ዔያቶና ዋላ ሙዔይ?» ጌዒ ፓሴኔ።

4 ጳዒርሴ ጋዓንቴ ሄዚ ጌዒ ቢያ ባኮ ፓይዲ ፓይዲ ኬኤዚሢ ዓርቄኔ።

5 «ታኣኒ ዒዶጴ ካታማ ሺኢጲሢዳ ዓኣ፻ ጾኑሲ ታኣም ፔጋሲ ዳዋ ባኣዚ ዛጌኔ፤ ታ ዛጌሢ ፑኡፒ ዓፒላ ማላ ባኣዚ ያይዶ ዛሎ ዓርቁንቲ ጫሪንጫፓ ኬዲ ታ ባንሢ ሙካንቴኬ፤

6 ዬኖ ባኬሎ ኮሺ ታ ዛጋዛ ዲማ ዲማ ቆልሞ፥ ካይዚ ቦ፻ ዳካንታ ዴኤፒንታ፥ ካፒያ ጌዳ ዓኣንቴ ታ ዛጌኔ፤

7 ዒማና ጳዒርሴ! ዔቁ ሹኪ ሹኪ ሙዔ፥ ጋዓ ዑኡሲ ታ ዋይዛ፻፥

8 «ይይ ማዓዓኬ ጎዳሢየ! ሙዒንቴዋ ዒኢቴ ባኣዚ ታ ሙዒ ቤቁባኣሴ» ጌዔኔ።

9 ሃሣ ላሚሢና ዬና ዑኡዜላ «የኦሲ ጌኤሺ ማሃሢ ኔ ዒኢቴያኮ ጋዓኒ ኮይሱዋሴ» ጌዒ ጫሪንጫፓ ታኣም ከኤዜኔ።

10 ዬና ሃይሢ ማይንቴ ያዲ ማዔሰካፓ ዬና ዓፒሎ ማላ ባከላ ጉቤ ሌካ ጫሪንጫ ዔውቴኔ።

11 ዓማና ቁሳሪያይዳፓ ታ ባንሢ ዳኮና ሃይሃ ዓሲ ኑ ዓኣ ማኣር ሙኪ ሄሌኔ።

12 ዓያና ጌኤሺ ታኣኒ ፔቴታዎ ዓልቴሢ ባኣያና ዔያቶና ዋላ ዓኣዳንዳጉዲ ታኣም ከኤዜኔ፤ ሃንሢ ላሆ ኪሪሰቶሴ ጉሙርቃ ዓሶንሢ ታኣና ዋላ ዓኣኔ፤ ዔያቶንታ ዋላ ኑ ቆርኔሌዋሴ ማኣሪ ዓኣዲ ጌሌኔ።

13 ዒዚያ ያኦሲ ኪኢታንቻ ዒዛም ጴጴም ዒ ዛጌሢና፡- «ዒየጴ ዓጮ ዓሲ ዳኪ ጴጴርሴ ጌይንታ ሲሞኦኔ ዔኤሊሴ፤

14 ዒዚ ኔኤና ኔ ማኣር ዓሶና ቢያ ዒንሢ ዳቃንዳ ቃኣላ ኔኤም ከኤዛንዳኔ» ጌዔሢ ዒ ኑም ከኤዜኔ።

15 ዬያር ታኣኒ ዔያቶም ከኤዚያ ዓርቁ ዋዶና ዓያና ጌኤዛ ቤርታ ኑ ዑፃ ከዴሢጉዲ ዔያቶ ዑፃኣ ከዴኔ።

16 ዬማና «የሃኒሴ ዋኣሢና ማሰኬኔ፤ ዒንሢ ጋዓንቴ ዓያና ጌኤሺና ማሰታንዳኔ» ጌዒ ጎዳ ከኤዜ ቃኣላ ታኣም ጳቄኔ።

17 ኑኡኒ ጎዳ ዬሱሰ ኪሪሰቶሴ ጉሙርቁ ዋዶና ያኦሲ ኑም ዒንጌ ዒንጊያ ዔያቶማኣ ዒንጊንቴያታቴ ሃዳዎ ያኦሲ ታ ላኣጋኒ ዋልቁ ታኣኮ ዓኣ?» ጌዔኔ።

18 ዔያታ ዬያ ዋይዛዎ ጎዎንዶ ጎይሢ ባይዚ ዚቴየ ጌዔኔ፤ ዬካፓ ዔያታ፡- «ዓካሪ፥ ያኦሲ ዓይሁዴ ማዒባኣ ዓሳ ዳቃንዳጉዲ ጎሞ ዔያቶም ዓቶም ጌዔኔ» ጌዒ ያኦሲ ጋላቴኔ።

ዓንጾኪያይዳ ዓኣ ሺኢጲያ ማኣር

19 ዒሰጸፓኖሴ ሹጮና ዳይንቴ ሃይቁ ዋዶና ዔቁ ዒፃ ዳውሲያ ዛሎና ላኣሊንቴ ዴንዴ ኪሪሰቶሴ ጉሙርቁ ዓሳ ዴንዲ ፒንቁ፥ ቆጲርሴና ዓንጾኪያ ዓጮ ሄላንዳኣና ዓኣዳዎ ያኦሲኮ ቃኣሎ ዓይሁዴ ዓሲዳፓ ዓታዛ ማሌ ዓሲም ከኤዚባኣሴ።

20 ማዔቶዋ ቆጲርሴና ቁሪና ዓጮናይዳፓ ሙኪ ፔቴ ፔቴ ኪሪሰቶሴ ጉሙርቁ ዓሳ ዓንጾኪያ ዓኣዳዎ ዓይሁዴ ማዒባኣ ዓሶማኣ * ዓይሱዋዎ ጎዳ ዬሱሴ ዛሎ ኮዠ ሃይሶ ከኤዜኔ።

11:16 ዳኪ. ማዳ 1:5። 11:19 ዳኪ. ማዳ 8:1-4። * 11:20 ዓይሁዴ ማዒባኣ ዓሶ፡- ጋዓዛ ፔቴ ፔቴ ማፃኣፓ «ጊሪከ ዓጮ ሙኡጮ ጌሰታ ዴር» ጋዓኔ።

21 ጎዳ ዔያቶ ማአዳሢሮ ሚርጌ ዓሲ ኪሪሰቶሴ ጉሙርቁ ጎዳ ባንሢ ማዔ።

22 ዩሩሳላሜይዳ ዓአ ሸኢጲያ ማአሮ ዓሳ ዩያ ዋይዜሢሮ ባርናባሴ ዓንጾኪያ ዳኬ።

23 ዒዚያ ዓአዲ ጾኦሲ ኮሹሞና ዒንጋ ዒንጊያ ዳሮሞ ዋሚይዳ ዒንጌቶዋ ዛጋዛ ሚርጌ ዒዛ ዋዛሴ፤ ቢያሢ ጉቤ ዒናፓ ደዲ ጎዳሞ ጉሙርቁንታያ ማዒ ናንጋንዳጉዲ ዒ ዘሬ።

24 ዒዚያ ዓያና ጌኤሽ ኩሙሢ ዋልቁና ዒዛይዳ ማዳያ ሃሣ ሚርጌና ጾኦሲ ጉሙርቁ ኮሽ ዓሲኬ። ሚርጌ ዓሲያ ጎዳ ባንሢ ማዔ።

25 ዩካፓ ባርናባሴ ሳውሌ ኮዒኒ ጭሴሴ ጎጾ ዓጮ ዓአዲ፤

26 ዒዛ ዳንቃያ ዓንጾኪያ ዔኪ ዒዛ ሙኬ። ፔቴ ለዔ ኩሙሢ ዔያታ ዒኢካ ዓአ ኪሪሰቶሴ ጉሙርቁ ዓሶና ዋላ ፔቴ ማዒ ሚርጌ ዓሲ ዔርዜ፤ ኪሪሰቶሴ ጉሙርቁ ዓሳ ፔቴ ጌዒ ዓንጾኪያይዳ «ዓማኖ ዓሶ» ጌይንቴ።

27 ዒማና ፔቴ ፔቴ ጾኦሲ ማሊያ ኬኤዛዞንሢ ዩሩሳላሜይዳፓ ዓንጾኪያ ዳንዴ፤

28 ዔያቶይዳፓ ፔቴሢ ዓጋቦሴ ጎጾሢ ዔቁ ዓጮ ቢያይዳ ዳኤፒ ናይዚ ኬሰካንዳሢ ዓያና ጌኤሽ ማሊሴም ኬኤዛዛ፤ ዩይ ናያ ሮሜ ዓጮ ካኣቲ ቁላውዳዎሴ ዋደና ማዔ።

29 ዩያሮ ኪሪሰቶሴ ጉሙርቁ ዓሳ ቢያ ፔቴ ፔቴሢ ፔ ዳንዳዔሢፕዴያ ሚኢሽ ኬሲ ዩሁዳ ዓጮይዳ ዓአ ኪሪሰቶሴ ጉሙርቁ ዓሶም ማአደ ዳካኒ ማሌ።

30 ዩካፓ ሚኢሽ ዔያታ ኬሲ ባርናባሴና ሳውሌና ዑፃ ዳኬ።

12

ዓማኖ ዓሶኮ ዳኤፓ ዳውሲንቲያ

1 ዓማኖ ካኣቲ ሄሮዲሴ ፔቴ ፔቴ ኪሪሰቶሴ ጉሙርቁ ዓማኖ ዓሶ ዳውሲሢ ዓርቁ፤

2 ዮሃንሴኮ ቶይዲ ያይቆኦቤ ጩንቻ ዓፓሮና ዒዚ ቲቁሲ ዋዲሽ።

3 ዩይ ባካ ዓይሁዳ ዓሶ ዋዛሴሢ ዛጋጾ ጳዒሮሴያ ሃሣ ዓርቁሴ። ዩይ ማዔሢ ዓይሁዳ ዓሶኮ ዑሣ ዓአዲያ ጌዒ ላኣደ ሙዒ ቦንቾ ኬሎናኬ።

4 ጳዒሮሴ ዒዚ ዓርቁሴሰካፓ ቱኡሲ ማአሪዳ ቱኬ፤ ዓይሁደ ዓሶኮ ዑሣ ዓአዲያ ቦንቾ ኬሎኮ ጊንፃፓ ዳሮ ቤርቶ ሸኢሻንዳያ

11:28 ዳኪ. ማዳ 21:10።

ሄላንዳኣና ያይዶ ያይዶ ማዒ ፔቴና ዒዛ ያይዶ ዓሲ ካፓንዳጉዲ ካፓ ዓሶ ዓይሣኔ።

5 ዩያር ጳጳርሴ ቱኡዞ ማኣርይዳ ቱኡቲ ካፓ ዓሶና ካፒንቴኔ፤ ሺኢጲያ ማኣር ዓሳ ጋዓንቴ ዒዛ ጋይቴ ዶዲ ያኦሲ ሺኢቃኔ።

ያኦሲኮ ኪኢታንቻ ቱኡዞ ማኣራፓ ጳጳርሴ ኬሴሣ

6 ሄርዲሴ ዳር ቤርቶ ጳጳርሴ ሺኢሻኒ ማሌ ዋንቴሎ ጳጳርሴ ላምዖ ካኒ ቢራታና ቱኡቲ ላምዖ ካፓ ዓሲኮ ባኣካ ላሂ ዓኣኔ፤ ዓቴ ማሌ ካፓዞንሣ ቱኡዞ ማኣርኮ ካር ካፓኔ።

7 ዩማና ያኦሲኮ ኪኢታንቻ ሙኪ ጳጳዳ፣ ቱኡዞ ማኣርይዳ ጳጳርሴ ዓኣ ጋራ ፖራ ፖዔኔ፤ ዩካፓ ያኦሲኮ ኪኢታንቻሣ ጳጳርሴኮ ቱቴሎ ባዒ ጳጳቻ፡- «ዑኬና ዔቄ!» ጋዓዛ፣ ካኖ ቢራታ ዒዛኮ ኩጫፓ ኬዴኔ።

8 ጊንሣ ያኦሲኮ ኪኢታንቻሣ፡- «ቃልሾ ኔኤኮ ቱኡቴ፤ ዱርዞዋ ኔኤኮ ዓኣሢንቴ» ጌዔኔ። ጳጳርሴያ ዓይሣንቴሣጉዲ ማዳኔ፤ ሃሣ ጊንሣ ያኦሲኮ ኪኢታንቻሣ፡- «ዓፒሎ ኔኤኮ ማይንቴታ ጊንዖ ሙኬ» ጌዔኔ።

9 ዩያር ጳጳርሴ ኬሰካዖ ያኦሲኮ ኪኢታንቻሣ ጊንዖ ዓኣዳኣና ዒዛም ዓውቲ ማሌያፓዓቴም ዩይ ማዲንታ ባካ ቢያ ጎኔ ባኣዚ ማላባኣሴ።

10 ቤርታሳሣና ላምዓሳ ቤዞናይዳ ካፓ ዓሶና ያኦኪ ካታም ዳንዳ ዓንጎና ዎዲንቴ ካር ሄላዛ ዓሲ ካኣሙዋንቴ ካራ ጉሪ ዔያቶም ቡሊንቴም ዔያታ ኬሰኪ ፔቴ ሉኡጋ ጎይሣ ጊዴና ቲቂ ዓኣዳኣና ዒዚ ዔሩዋንቴ ያኦሲኮ ኪኢታንቻሣ ጳጳርሴይዳፓ ዱማዲ ዓኣዳኔ።

11 ዩካፓ ጳጳርሴኮ ዒና ማዓዛ፡- «ያኦሲ ፔኤኮ ኪኢታንቻሣ ዳኪ ታና ሄርዲሴና ዓይሁዳ ዓሳ ካፓ ባኮናይዳፓ ቢያ ዳቂሼያ ማዔሣ፤ ዓካሪ ታ ጎኔ ዔሬኔ» ጌዔኔ።

12 ዩካፓ ዒዚ ሚርጌ ዓሳ ፔቴሞና ቡከንቴ ሺኢቃ ማይራሞ ጎዖዞ ማኣሪ ዓኣዳኔ፤ ዩና ማይራማ ማርቆሴ ጌይንታ ዮሃኒሴኮ ዒንዶኬ።

13 ጳጳርሴ ዒኣካ ሄላዖ ማርሾ ካርይዳ ዔቄ፡- «ማኣሪ ዓሲዮ!» ጋዓዛ፣ ሮዳ ጌይንታ ዉዱሮ ናይሰኬና ያናታቴያ ዔራራ ማርሾ ካር ሙኬኔ።

14 ናዔላ ጳጳርሴ ዑኡሲ ማዔሣ ዔራራ ሚርጌ ዎዛፓ ዔቄያና ማርሾ ካር ቡሉዋዖ ሃሺ ጳሽኪ ጋር ጌሊ፡- «ጳጳርሴ ካራ ዔቄ ዓኣኔ!» ጌዒ ኬኤዜኔ።

12:4 ኬሲ. ማፃ 12:1-27::

15 ዔያታ ጋዓንቴ፡- «ኔ ዣዣኣሽካኔ!» ጋዓዛ፡ ዒዛ፡- «ጎኔ ዒዛከ» ጌዒ ደዲሺ ከኤዛዛ፡ ዔያታ ገንሣ፡- «ሂዳቶ፡ ዒዛኮ ዔኤዣ ርንዳኔ» ጌዔ።

16 ጳዒርሴ ዒማና ዔኤሊያ ሃሾ ዒፃዛ፡ ዔያታ ካር ቡላፖ ዒዛ ዛጊ ሚርጌ ዲቃቲ ሄርሼኔ።

17 ዒዚ ጋዓንቴ ዔያታ ዚቲዮ ጋዓንዳጉዲ ኩቻ ዳዎ፡ ፆኦሲ ዒዛ ቱኡዘ ማኣራጋ ዎይቲ ከሴቶዎ ዔያቶም ከኤዜኔ። ዩካጋ፡- «ሃያ ባኮ ያይቆኑቤና ሃንጎ ኪሪሰቶሴ ጉሙርቃዘንሢማኣ ከኤዙዎቴ» ጌዒ ዔያቶይዳጋ ዲማዲ ሜሌ ቤሲ ዴንዴ።

18 ዚር ጉቴሎ፡- «ጳዒርሴ ዎካ ባይቄይ?» ጌዒ ካጋ ዓሳ ሴካ ሃንጋ ጳሽከኔ።

19 ሄርዲሴ ዒዛ ኮዒሲ ባሺንታፖ ዩኖ ከሎና ካጋ ዓሳ ፆኦጩሢኮ ገንፃ ዔያቶ ዎዳንዳጉዲ ዓይሣኔ፤ ዩካጋ ሄርዲሴ ዩሁዳይዳጋ ቂሳሪያ ዴንዲ ዴዔ።

ካኣቲ ሄርዲሴኮ ሃይቦ

20 ሄርዲሴ ሂርሴና ሲዶና ዓጮ ዓሶናይዳ ኮሺ ዳጋይ፤ ዩያር ዔያታ ፔቱሞና ሙካፖ ካኣቲኮ ላጌ ማዔ፡ ቢላሰፆሴ ጌይንታሢ ዔያቶም ካኣቲ ቃይሻንዳጉዲ ሺኣቂ ዔኤዒሴሢኮ ገንፃ ካኣቲና ቡካኒ ዔያታ ፆኦጩኔ፤ ዩያ ዔያታ ማዳሢ ዔያቶኮ ዓጮ ዓሳ ሙፆንዶ ባኣዚ ዴንቃሢ ዩያ ካኣቲ ዓጫጋ ማዔሢርኩ።

21 ካኣቲ ጌኤዘ ዎይዛጊ ጌሢ ከሎና ካኣቱሞ ዓፒሎ ፔኤኮ ማኣዒ፡ ካኣቱሞ ያይቶይዳ ዴዒ ዴርሞ ከኤዜኔ።

22 ዴራኣ፡- «ሃይ ፆኦሲ ዑኡሲ ማዓንዳጋዓቲም ዓሲ ዑኡሲቱዎሴ» ጌዒ ጌዒ ዒላቲኔ።

23 ዒማና ሄርዲሴ ፆኦሲም ቦንቾ ዒንገባኣሢር ቤዘማና ፆኦሲ ኪኢታንቻ ፑርታ ደርፖ ዒዛይዳ ዓጋዛ ዒዚ ዛልቂ ሃይቄ።

24 ፆኦሲኮ ቃኣላ ጋዓንቴ ቢያ ዎዴ ሚርጌና ዳልገ ዳልገ ዴንዴ።

25 ባርናባሴና ሳውሌና ፔኤኮ ማዳ ኩንሢ ዩሩሳላሚይዳጋ ዓንፆኪያ ማዓ፡ ማርቆሴ ጌይንታ ዮሃኒሴያ ዔያቶና ዎላ ዔኪ ሙከኔ።

13

ዓያና ጌኤሺ ባርናባሴና ሳውሌና ደኦሪ ማዳም ዳኪሢ

1 ዓንፆኪያይዳ ዓኣ ኪሪሰቶሴ ጉሙርቃ ዓሶ ባኣካ ፆኦሲ ማሊሢ ከኤዛያና ኪሪሰቶሴ ጉሙርቃ ዓሶ ዔርዛ ዓሲያ ዓኣኔ፤ ዩያታ፡- «ባርናባሴ፡ ካርፃሢ ጌይንታ ሲሞኦኔ፡ ቄሬና ዓጮ ዓሢ ሉኪዮሴ፡

ዓጮኮ ያይዳሳ ቤዞ ዎይሣ ሄሮዲሴንታ * ዎሊ ኮሺ ናሽካ ሚናሄና ሳውሌናኬ።»

2 ዩንሣ ሙኡዚ ሃሺ ሺኢጲሣ ሺኢቃንቴ ሃሣ ያኦሲ ካኦሽካንቴ ዓያና ጌኤሺ፡- «ታኣኒ ዶኦሬ ማዶም ባርናባሴና ሳውሌና ታኦም ዲማሲ ከሱዎቴ» ጌዔኔ።

3 ዔያታ ላሚ ሃሣ ሙዎ ሃሺ ሺኢቆ ሺኢጲዎ ሺኢቁ፣ ኩጮ ዔያቶ ዑፃ ጌሢሰካፓ ዔያቶ ዳኬኔ።

ባርናባሴና ሳውሌና ቆጲሮሴ ዓጮይዳ

4 ባርናባሴና ሳውሌና ዓያና ጌኤሺ ዔያቶ ዳኬም ሴሌውቁያ ጌይንታ ዓጮ ዓኣዲ፣ ዩካፓ ዎኦዎ ካኦሚሎና ዎኦዎ ሳዛ ዓኣ ቆጲሮሴ ዓኣዳኔ።

5 ሲልማና ዔያታ ሄላዎ ዓይሁዶ ዓሶኮ ቡኪንቶ ቤዛ ያኦሲ ቃኣላ ከኤዜኔ፤ ዮሃኒሴ ጌይንታ ማርቆሴያ ዔያቶና ዎላ ማዒ ዔያቶ ማኣዳኔ።

6 ቆጲሮሴኮ ጳፑጋዓ ቤዞ ዳንዲ ዔያታ ሄላዎ፣ ባሪዬሱሴ ጌይንታ ፔቴ ዓይሁዳ ዓሲ ዠይሰኬያ ዳንቁኔ፤ ዒዚያ ሉኡዙዎና ያኦሲ ማላሣ ከኤዛኔ ጋዓ ዓሲከ።

7 ዒዚ ሴርጊዮስ ጳውሎሴ ጌይንታ ኮሺ ጫዎ ማዒ ዓጪ ዎይሣሰኬያኮ ላጌኬ፤ ዩይ ዎይሣ ዓሣ ባርናባሴና ሳውሌና ዔኤሊሲ ያኦሲ ቃኣላ ዎይዛኒ ኮዔኔ።

8 ጋዓንቴ ጌሪሴ ሙኡጮና «ዔሊማሴ» ጌይንታ ዠዎኦሣ፣ ባሪዬሱሴ ዩይ ዓጮ ዎይሣሣ ኪሪሰቶሴ ጉሙርቁዎጉዲ ላኣኒ ባርናባሴና ሳውሌና ከኤዛ ባኮ ዒዲ ማኬኔ።

9 ሳውሌ ጌይንታ ጳውሎሴ ጋዓንቴ ዓያና ጌኤሺ ኩሙሣ ዎልቁና ዒዛይዳ ሙኬም ዩያ ዓሣ ኮሺ ዛጋዎ፡-

10 «ሃይ ኔ ፃላሄ ናዓሣ፣ ጎኡም ቢያኮ ሞርኬ ማዔሣ፣ ጌሺሣና ፑርቱዎና ኔ ጊዳ ኩሚሣ ሃይ! ፒዜ ያኦሲ ጎይዎ ዎቢሶ ኔ ሃሻዓዳ?

11 ሃሣ ሃይሾ ኔና ያኦሲ ኩቺ ጳርቃንዳኔ፤ ዓኣፒ ባይቁያ ኔ ማዓንዳኔ፤ ያኦሲ ጌዔ ዎዳ ሄላንዳኣና ዓሶኮ ፖዎ ኔ ዛጋዓኬ» ጋዓዛ፣ ቤዞማና ዓኣፓ ዒዛኮ ሻኣራቲ ዲሚ ባይቁም፣ ኩጮ ዒዛኮ ዓርቂ ዔኪ ዒዛ ዓኣዳንዳ ዓሲ ኮይላ ዒዛኮ ዒ ኮይሣ ዓርቁኔ።

12 ዓጮ ዎይሣሣ ማዔ ባኮ ቢያ ዛጋዎ ኪሪሰቶሴ ጉሙርቁኔ፤ ጎዳ ዛሎ ዎይዜ ባኮርዎ ቢያ ዲቃቲ ሄርሼኔ።

ባርናባሴና ጳውሎሴና ጲሲዲያ ዓጮይዳ

* 13:1 ዓጮኮ ያይዳሳ ቤዞ ዎይሣ ሄሮዲሴንታ፡- ዩያ ካኣቲኮ ሰንፃ «ዓንተጳሴ» ጌይንታያ ጌሊላ ዓጮ ዎይሣያከ።

13 ዩካፓ ጳውሎስና ዲዛኮ ላጎንሢና ዋኦያ ካኣሚሎና ጳፑይዳፓ ጲንፒሊያ ዓጫ ዓኣ ጴርጌ ዓኣጳጳ፤ ዮሃኒሴ ጌይንታ ማርቆስ ጋዓንቴ ዔያቶይዳፓ ዲማዲ ጊንሣ ዬሩሳላሜ ማዒ ዓኣጳጳ።

14 ዔያታ ጋዓንቴ ጴርጌይዳፓ ዔቁ ጲሲዲያ ዓጮይዳ ዓኣ ዓንጾኪያ ዓኣጳጳ፤ ዓይሁድኮ ሃውሾ ከሎና ዔያቶኮ ቡከንቶ ቤዞ ጌሊ ዴዔ።

15 ዒማና ዋጎ ማፃኣፖና ጾኦሲ ማሊያ ከኤዛ ዓሶናኮ ማፃኣፓፓ ናባቢንቴሢኮ ጊንፃ ዓይሁድ ዓሶኮ ቡከንቶ ቤዞ ሱኡጋ፡- «ዒሾንሢዮቴ! ዴሮ ደዲሻ ቃኣላ ዒንሢኮ ዓኣቶ ዴሮም ከኤዙዋቴ» ጌዒ ዓሲ ዔያቶም ዳከኔ።

16 ዬያሮ ጳውሎስ ዔቃፆ ዴሮ ባንሢ ኩቺና ጳዊ ጳዊ ሃዚ ጌዔ፡- «ዒሰራዔኤሌ ዓሶንታ ሃሣ ዒንሢ ጾኦሲ ዒጊጫ፣ ዓይሁዴ ማዒባኣ ዴራ! ዋይዙዋቴ፤

17 ሃያ ዒሰራዔኤሌ ዴሮኮ ጾኦዛሢ ኦኡኮ ቤርታዳ ዓድንሢ ደኦሪ፣ ጊብፄ ዓጮይዳ ዔያታ ዓኣ ዋድና ዳልጊ ዴሬ ዔያቶ ማሂ ዒዛኮ ጳኤፖ ዋልቆና ዬሮ ዓጫፓ ዔያቶ ከሴኔ።

18 ጾይዲታሚ ለዔ ማዓንዲያ ዓሲ ናንጉዋ ዳውሎይዳ ጊቢ ዳንዳዒሢና ተ ዔያቶ ዒ ማኣጳጳ፤

19 ዩካፓ ካኣናኔ ዓጮይዳ ላንካይ ካኣቶ ባይዚ፣ ዔያቶኮ ዓጮ ዔያቶ ዳካልሴኔ፤

20 ዩካፓ ሃሣ ጾይዳ ፄኤታና ደንጊታሚ ለዔ ማዓንዲያ ጾኦሲ ማሊያ ከኤዛ ሳሙዔኤሌ ዋድ ሄላንዳኣና ሱኡጌ ዔያቶ ዋይሣንዳጉዲ ማሂ።።»

21 «ዩካፓ ሄሊሲ ካኣቲ ዔያቶም ካኣታሳንዳጉዲ ጾኦሲ ዔያታ ሺኢቃዛ፣ ጾኦሲ ዔያቶም ቢኢኒያሜ ፃጳፓ ማዔ ቂሴ ናኣዚ ሳኣጾኦሌ ጾይዲታሚ ለዔ ካኣታሴ።

22 ጾኦሲ ሳኣጾኦሌ ካኣቲማፓ ከይሴስካፓ ዳውቴ ዔያቶም ካኣታሴ፤ ጾኦሲ ዳውቴ ዛሎ ማርካዳፆ ሲናፓ ታ ዒዛ ናሽካያ፣ ታኣኮ ማሊያ ኩንሣ፣ ዒሴዬ ናኣዚ ዳውቴ ታ ዴንቁኔ» ጌዔ።

23 ዬያ ዓሢ ዜርፆይዳፓ ጾኦሲ ዒንጌ ሃጊ ማዓንዳ ዋዘጉዴያ ዒሰራዔኤሌ ዓሶ ዳቁሻ፣ ዬሱሴ ዔኪ ሙከኔ።

24 ዬሱሴ ማዶ ዓርቃንዳሢኮ ቤርታ ዒሰራዔኤሌ ዓሳ ጎሞ ፔኤኮ ቡኡፂ ዋኣሢና ማሰታንዳጉዲ ዮሃኒሴ ከኤዜኔ።

13:17 ከሲ. ማፃ 1:7፤ 12:51። † 13:18 ጊቢ ዳንዳዒሢና፡- ጋዓዞ ፔቴ ፔቴ ማፃኣፓ «ሚጠንጉ ደዲ ካፒሢና» ጋዔ። 13:18 ፓይ. ማፃ 14:34፤ ላሚ. ዋግ 1:31። 13:20 ሱኡጎ. ማፃ 2:16፤ 1ጎሙ. 3:20። 13:21 1ጎሙ. 8:5፤ 10:21። 13:22 1ጎሙ. 13:14፤ 16:12፤ ዓይኤ. 89:20። 13:24 ማር. 1:4፤ ሉቃ. 3:3።

25 የሃኒሴ ፔ ማዳ ኩርሳኒ ዑኪ ዓኣዮ፡- ታና ዒንሢ ያናኬ ጋዓይ? ታኣኒ ሜሲሄቱዋሴ፤ ጋዓንቴ ዒዛኮ ዱርዘ ቱኮ ሱዞ ቡላኒ ታኣም ኮይሱዋያ፡ ታኣኮ ጊንዖ ሜሌ ሙካንዳኔ፤ ጌዔኔ።

26 «ዒንሢ ዓብራሃሜ ዜርፃፓ ሸይንቴ ዒሸንሢንታ ያኦሲ ዒጊጫዘንሢ ሲያ! ሃይ ዳቂንቶ ቃኣላ ዳኪንቴሢ ኑምኬ።

27 ጋዓንቴ ዬሩሳላሜይዳ ናንጋ ዓሶና ዔያቶኮ ሱኡጎና ዬሱሴ ዓሲ ዳቂሻያ ማዔሢ ዔሪባኣሴ፤ ሃሣ ዓይሁዶ ዓሶኮ ሃውሾ ኬሎና ሲያ ናባቢንታ፡ ያኦሲ ማሊያ ኬኤዛ ዓሶኮ ማፃኣፖ ቃኣላኣ ዔያቶም ጌሊባኣሴ፤ ያዲ ማዔቴያ ያኦሲ ማሊያ ኬኤዛ ዓሳ ጌዔ ጎይዖ ዒዛ ዑፃ ፑርታ ዋጌ ዔያታ ዋጌኔ።

28 ሃይቢም ዒዛ ሄሊሳ ዳቢንቴ ዔያታ ዒዛይዳ ዳንቁባኣዖ ዔያቶም ዒዛ ዋዳጎዳጉዲ ጰላዖሴ ዔያታ ሸኢቁኔ።

29 ዒዛ ዛሎ ፃኣፒንቴ ባኮ ሲያ ዔያታ ኩንሄሢኮ ጊንዖ ፑርቲሴ ዓሶ ሱዖ ሚፃፓ ኬይሲ ዒዛ ዔያታ ዱኡኬኔ፤

30 ጋዓንቴ ያኦሲ ዒዛ ሃይባፓ ዔቁሴኔ።

31 ጌሊላይዳፓ ዬሩሳላሜ ዒዛና ዋላ ሙኬዘንሢማኣ ሚርጌ ኬሊ ዒዚ ጰዴኔ፤ ዬያታ ሃሢ ዳርኮ ቤርቶይዳ ዒዛኮ ማርኮንሢኬ።

32 ኦኡኒ ሃሢ ዒንሢም ዔኪ ሙኬሢ ያኦሲ ኑ ዓድንሢም ሃጊ ማዓንዳ ዋዛ ማሃ ዒንጌ ኮዡ ሃይሶኬ።

33 ዋይቲ ጌዔቶ ያኦሲ ዬሱሴ ሃይባፓ ዔቁሲያና ዬያ ዋዛ ኑና ዔያቶኮ ናኣቶም ኩንሄኔ። ዬይያ፡- ዓይኑም ማፃኣፖ ዓይሢ ላምዖይዳ፡

ኔ ታኣኮ ናዓሢኬ፤ ታ ኔኤኮ ሃኖ ዓዶ ማዔኔ፤

ጌይንቴ ፃኣፒንቴሢ ጉዳያኬ።

34 ዒዚ ዋዑዋጉዲ ያኦሲ ዒዛ ሃይባፓ ዔቁሴሢ ዔርዛኒ፡- ዳውቱም ዒንጊንቴ ሃጊ ማዓንዳ ዋዛሢ፡ ያኦሲም ዲማዴያ ሃሣ ጉሙርቁንታያ ማዔሢ ታ ዒንሢም ዒንጋንዳኔ፤ ጌዒ ኬኤዘኔ።

35 «ሃሣ ሜሌ ቤሰካ ዓይኑም ማፃኣፖይዳ፡-

ኔኤም ጉሙርቁንቴ ማዳሢ ዱኡፓ ኔ ዋዒሲንዱዋሴ፤

ጋዓኔ።

36 ጋዓንቴ ዳውቲ ፔኤኮ ናንጎ ዋዶይዳ ማዳ ያኦሲ ማሊያጉዲ ኩንሄሰካፓ ሃይቁ፡ ፔኤኮ ዓድንሢና ዋላ ዱኡቲ ዋዔኔ።

13:25 ማቲ. 3:11፤ ማር. 1:7፤ ሉቃ. 3:16፤ ዮሃ. 1:20፤27። 13:28 ማቲ. 27:22-23፤ ማር. 15:13-14፤ ሉቃ. 23:21-23፤ ዮሃ. 19:15። 13:29 ማቲ. 27:57-61፤ ማር. 15:42-47፤ ሉቃ. 23:50-56፤ ዮሃ. 19:38-42። 13:31 ዳኪ. ማዳ 1:3። 13:33 ዓይኑ. 2:7። 13:34 ዒሲ. 55:3። 13:35 ዓይኑ. 16:10።

37 ያኦሲ ሃይባፓ ዔቁሴሢ ጋዓንቴ ዎዒባኣሴ።

38 ዓካሪ ዒሽንሢኦፕቴ! ዒንሢሢሞ ከኤዚንቴሢ። ጎሞ ቢያ ዒንሢኮ ዓቶም ጋዓኒ ዳንዳዓሢ ዩሱሴኬ፤ ሙሴ ዔርዜ ዎጋ ጎሜ ዓይሉሞፓ ቢያ ዒንሢ ከሳኒ ዳንዳዐብሴ ጋዓያኬ።

39 ዩሱሴ ጉሙርቃ ዓሲ ቢያ ጎሜ ዓይሉሞፓ ከሰካኔ።

40 ዩያሮ ያኦሲ ማሊያ ከኤዘ ዓሶ ዘሎና ሂዚ ጌይንቴሢ ዒንሢዳ ሄሉዎጉዲ ዒንሢና ዔሩዎቴ፤

41 ሩዒንሢ ሃይ ቦሃ ዓሳ!

ዘጉዎቴ፥ ዲቃቴ ሄርሹዎቴ፥ ባይቁዎቴ!

ዓይጎሮ ጌዔቶ ያኦኒያ ዒንሢሢሞ ከኤዜቶ ዒንሢ ጉሙርቃኦ፥ ማዳ ዒንሢ ዎደና ታ ማዳንዳኔ። »

42 ዩካፓ ጳውሎሴና ባርናባሴና ዓይሁዳ ዓሶኮ ቡኪንቶ ቤዘፓ ከሰካኣና ዩሮ ዔያታ ከኤዜዜሎ ሙካ ዔያቶኮ ሃውሾ ከሎና ላሚ ዔያቶም ከኤዘንዳጉዲ ዓሳ ጳውሎሴንሢ ሺኢቄኔ።

43 ዓይሁዳ ዓሶኮ ቡኪንታ ላኣሊንታዛ ሚርጌ ዓይሁዳ ዓሲና ሜሌ ዓሲታያ ዓይሁዳ ካኣዣ ጌሌ ዓሳ ጳውሎሴና ባርናባሴና ጊንያ ዓኣዳኔ፤ ጳውሎሴንሢ ዓሶ ያኦሲ ባኮ ዔርዚ ሃሃ ያኦሲኮ ኮሹሞ ዒንጊያና ዶዲ ዓሳ ናንጋንዳጉዲ ላቴ ከኤዜኔ።

44 ላምዓሳ ዓይሁዳ ዓሶኮ ሃውሾ ከሎና ካታማ ናንጋ ዓሶይዳፓ ዳካ ዓሲ ዓታዛ፥ ሃንጎ ዓሳ ቢያ ያኦሲ ቃኣሎ ዎይዘኒ ሙኪ ቡኬኔ።

45 ዓይሁዳ ዓሳ ዳሮኮ ሚርጉሞ ዘጋያ ዒናፓ ቁኢሪ፥ ጳውሎሴኮ ሃይሶዎ ማኪ ዒዛ ጫሽኬኔ።

46 ጳውሎሴና ባርናባሴና ጋዓንቴ፦ «ቤርታዲ ያኦሲ ቃኣላ ዒንሢሢሞ ከኤዚንታኒ ኮይሳኔ፤ ዒንሢ ዔይዔ ጌዒ፥ ናንጊና ናንጊ ኑም ኮይሱብሴ ጌዔቶ ዓካሪ ኑኦኒ ሃሺ ዓይሁዳ ማዒባኣ ዓሶ ባንሢ ዓኣዳንዳኔ።

47 ዓይጎሮ ጌዔቶ፦

ፈጫ ጉቤ ኔ ዘሎና ዳቃንዳጉዲ ሜሌ ዳሮም

ፖዒ ታ ኔና ማሄኔ፥ ጌዒ ጎዳ ዓይሢሢሮኬ» ጌዒ ጫርቂ ዔያቶም ከኤዜኔ።

48 ዓይሁዳ ማዒባኣ ዓሳ ዩያ ዎይዘያ ዎዛዳኔ፤ ያኦሲ ቃኣሎም ዔያታ ቦንቹኔ፤ ናንጊና ናንጎም ዶኦሪንቴዘንሢ ቢያ ዒማና ኪሪሰቶሴ ጉሙርቄኔ።

49 ጎዳኮዎ ቃኣላ ዩሮ ዓጮ ቢያ ሄሌኔ።

50 ዓይሁደኮ ሱኡጋ ጋዓንቴ ዓይሁደ ካኣዡ ካኣሸካ ዖርጎጮ ላኣሎና ካታሞኮ ፑኡፖ ፑኡፖ ዓሶ ፔ ባንሢ ማሂ ጳውሎሴና ባርናባሴና ዒዲንቴ ዳውሲንታንዳጉዲ ማዲ ዓጮፓ ዔያቶ ኬሴኔ።

51 ዒማና ጳውሎሴና ባርናባሴና ዒንሢና ባዴዔ ጋዓ ማርካ ዔያቶም ማዓንዳጉዲ ቶኮ ሲላሎ ፒዲ ዒቆኒዮ ዓጮ ዓኣዴኔ።

52 ኪሪሰቶሴ ጉሙርቃ ዓሳ ኮሺ ዎዛዲ ሃሃ ዓያና ጌኤሺያ ኩሙሢ ዎልቄና ዔያቶይዳ ማዲያ ማዔኔ።

14

ጳውሎሴና ባርናባሴና ዒቆኒዮይዳ

1 ዓንጾኪያይዳ ዔያታ ማዴ ጎይጾ ሃሃ ዒቆኒዮ ዓጮይዳ ጳውሎሴና ባርናባሴና ዓይሁደ ዓሶኮ ቡኪንቶ ቤዞ ጌሊ፣ ዒኣካ ዴኤፒ ዎልቄና ዔያታ ጾኦሲ ባኮ ኬኤዜሢሮ ሚርጌ ዓይሁደ ዓሲና ጌሪኮ ዓሲና ኪሪሰቶሴ ጉሙርቄኔ።

2 ኪሪሰቶሴ ጉሙርቄዎ ዒዳ ዓይሁደ ዓሳ ዓይሁደ ማዒባኣ ዓሶ ዴማና ዞሪ ኪሪሰቶሴ ጉሙርቄ ዓሶ ዒፃንዳጉዲ ማሄኔ።

3 ጳውሎሴና ባርናባሴና ጋዓንቴ ጎዳ ዛሎ ጮርቂ ኬኤዚ ኬኤዚ ዒኣካ ሚርጌ ዎዴ ዴዔኔ፤ ጎዳኣ ዔያቶም ዲቃሢ ባኣዚና ጾኦሲ ዎልቄና ማዲንታ ዓኪ ባኣዚ ማዲንዳ ቢታንቶ ዒንጊ ዒዛኮ ኮሹሞና ዒንጊንቴ ቃኣላ ጎኔ ማዔሢ ፔጋሴኔ።

4 ካታሞይዳ ናንጋ ዓሳ ጋዓንቴ ላምጾ ቤሲ ፓቂንቴ ዛላ ዓይሁደ ዓሶና፣ ዛላ ሃሃ ዳከንቴዞንሢኮ ዎላ ማዔኔ።

5 ዓይሁደ ማዒባኣ ዓሶና ዓይሁደ ዓሶና ሃሃ ዔያቶኮ ሱኡጎና ዎላ ማዒ ጳውሎሴና ባርናባሴና ዔያታ ሜታሳኒ፣ ጊንሣ ሹቻ ዲዒያ ዎዲ ኮዔኔ።

6 ጳውሎሴና ባርናባሴና ዬያ ዔራጾ ሊቃጾኒያይዳ ሊሰዲራና ዴርቤና ጌይንታ ካታሞ ሃሃ ኮይሎይዳ ዓኣ ዓጮ ባንሢ ፑኒንቴ ዴንዴኔ።

7 ዒኣካ ኮዡ ሃይሶዎ ኬኤዜኔ።

ጳውሎሴና ባርናባሴና ሊሰዲራና ዴርቤናይዳ

8 ሊሰዲራይዳ ቶኪ ሲሌ፣ ፔቴ ዎሶ ዓሲሰኪያ ዓኣኔ፤ ዬይ ዓሢ ሾይንቴማፓ ዓርቃጾ ዎሶ ማዔሢሮ ቶኪና ሃንቴ ቤቂባኣሴ፤

9 ዬይ ዓሢ ጳውሎሴ ኬኤዛኣና ዴዒ ዎይዛንቴ፣ ጳውሎሴ ዓሢ ኮሺ ዛጋጾ ዓሢኮ ፔና ዳቂሻንዳ ጉሙርቂሢ ዓኣያ ማዔሢ ዴንቂ፣

13:51 ማቴ. 10:14፤ ማር. 6:11፤ ሉቃ. 9:5፤ 10:11።

10 ፔ ዑኡዞ ጰጊዲ፡- «ሌካ ኔኤሮ ዔቁ!» ጌዔስካፓ ዓሢ ለዓ ጌዒ ዔቁ ሃንቲሢ ሳርቁኔ።

11 ዓሳ ዬያ ጳውሎሴ ማዳ ባኮ ዛጋዖ ፔኤኮ ዑኡዞ ጰጊዲ ሊቃዖኒያ ዓጮ ሙኡጮና፡- «ካእሽኮ ዖኦዛ ዓሲ ማሎና ኑ ባንሢ ኬዴኔ!» ጋዓዖ።

12 ዔያታ ባርናባሴኮ ሱንዖ «ዲያ» ጌዔኔ፤ ጳውሎሴ ዔያቶም ባሽ ኬኤዛሢታሢሮ ዒዛ ዔያታ «ሄርማኔ» ጌዔኔ።

13 ዬማና ካታሞኮ ዙላ ዓኦ ዲያ ጌይንታ፡ ዓይሁዶ ዓሳኮ ጌኤኸ ማኦር ቁኤሳሢ ዚያ ጌማይና ቡኒና ካታሞኮ ጌሎ ካር ባንሢ ዔኪ ሙኪ ዴሮና ዎላ ማዒ ጳውሎሴና ባርናባሴናም ዒንጎ ባኦዚ ማሃ ሺኦሻኒ ኮዔኔ።

14 ጳውሎሴና ባርናባሴና ጋዓንቴ ዬያ ዎይዛዖ ዖዩ ዓፒሎ ፔኤኮ ዳርዚ፡ ዓላቲ ዒላቲ ዴር ባንሢ ጳሽኪ ሙኪ ሃዚ ጌዔኔ፡-

15 «ዒንሢ ሃይ ዓሳ፣ ዓይጎር ሃያይዳይ? ኑኤኒያ ዒንሢጉዲ ዓሲከ፤ ኑኤኒ ሃይካ ሙኪሢ ዒንሢ ሃያ ጉሪ ማዔ ካኦኸ ሃሽ፣ ሳዖንታ ጴኤፖ ዎኦዖ ባዛንታ ዬያቶኮ ጊዳ ዓኦ ባኮ ቢያ ማኸናንገናናንጋ ዖኦዛሢ ባንሢ ማዓንዳጉዲ ኮኸ ሃይሶ ኑ ዒንሢም ኬኤዛኒከ፤

16 ሃያኮ ቤርታ ሚናኦ ዎዶና ዴራ ፔ ሽኔ ጌዔ ጎይሢ ዓኦዳንዳጉዲ ዖኦሲ ዔያቶ ሃሽኔ፤

17 ያዲ ማዔቶዎ ዖኦሲ ኮሺ ማዳ ሃሹዎዖ ማዲያና ዒዚ ዓኦያ ማዒያ ማርካሴኔ። ዬያ ዒ ማርካሴሢ፡- ጫሪንጫፓ ዒርዚ ዒንሢም ዎርቁሲያና ሃኦካ ዒንሢም ካዖንዳጉዲ ቃራ ዎዴ ዒንጊያና፤ ሃሃ ዒንሢ ሙኡዚ ዴንቁ ሚርጌና ዎዛዳንዳጉዲያ ማሃያናኩ።»

18 ዳኪንቴዞንሢኮ ያዲ ጌዒ ኬኤዜያ ማዔቶዎ ዴራ ዔያቶም ዒንጋ ዒንጊያ ሺኦሹዎጉዲ ዔያታ ሃሺሴሢ ሚርጌ ሜቶናኩ።

19 ዓይሁዶ ዓሳ ጋዓንቴ ዓንዖኪያና ዒቆኒዮ ዓጮናይዳፓ ዒኦካ ሙኪ ዴር ፑርታ ማሊሲሢና ዔያቶ ባንሢ ማሄሰካፓ፣ ጳውሎሴ ዔያታ ሹቻ ዳዒ «ዎዴኔ» ጌዒ ጎቺ ካታማፓ ኬሴኔ።

20 ጋዓንቴ ከሪሰቶሴ ጉሙርቃ ዓሳ ሙኪ ዒዛኮ ዓጫ ዔቃዛ ጳውሎሴ ዔቁ ካታሞ ገንሣ ማዒ ጌሌኔ፤ ዬካፓ ዚር ጉቴሎ ባርናባሴና ዎላ ዴርቤ ዒዚ ዓኦዴኔ።

ጳውሎሴና ባርናባሴና ሶኦሪያይዳ ዓኦ ዓንዖኪያ ማዒያ

14:15 ኬሲ. ማ9 20:11፤ ዓይኑ. 146:6።

21 ጳውሎስና ባርናባስና ዳርቤይዳ ኮዥ ሃይሶ ኬኤዚ ሚርጌ ባሲ ኪሪሰቶስ ጉሙርቃንዳጉዲ ማሃኔ። ዩካፓ ሊሰዲራና ዲቆኒዮ ጊዳና ጌዲ ዓንጾኪያ ዓጮ ዳንዳኔ።

22 ዩያቶ ዓጮ ቢያሢዳ ኪሪሰቶስ ጉሙርቃ ዓሳ ጉሙርቂዎና ደዳንዳጉዲ ደዲሺ ደዲሺ ሃሣ ዘሪ ዘሪ፡- «ጾኦሲ ካኣቱሞይዳ ጌላኒ ኑና ሚርጌ ሜቶ ዔካንዳያ ኮይሳኔ» ጌዲ ጌዲ ዔርዜኔ።

23 ሃሣ ሺኢጲዎ ማኣርኮ ጨሚያ ዔያታ ደኦሪ፣ ሙኡዚ ሃሺ ሺኢቆ ሺኢጲዎ ሺኢቄሰካፓ ዔያታ ጉሙርቄ ጎዳሢም ሃዳርሲ ዔያቶ ዲንጌኔ።

24 ዩካፓ ጲሲዲያ ዓጮ ጊዳና ጌዲ ጲንፒሊያ ዓጮ ዳንዳኔ፤

25 ጴርጌይዳ ቃኣሎ ኬኤዜሰካፓ ዓፃሊያ ዓጮ ኬዳኔ፤

26 ዩካፓ ዔያታ ዋኣዎ ካኣሚሎ ቶጊ ሶኦሪያይዳ ዓኣ ዓንጾኪያ ጊንሣ ማዔኔ፤ ሶኦሪያ ጌይንታ ቤዜላ ዔያታ ማዴ ማዶኮ ቤርታዲ ዓይሢዎ ሃዳራ ዔያቶም ዲንጊንቴ ካታሜሎኬ።

27 ዲኢካ ዔያታ ሄላዎ ኪሪሰቶስ ጉሙርቃ ዓሳ ፔቴይዳ ቡኩሲ፣ ጾኦሲ ዔያቶና ዋላ ማዲ ማዴ ባኮ ቢያሢና ዓይሁዴ ማዲባኣ ዓሳ ኪሪሰቶስ ጉሙርቃንዳጉዲ ዋዲ ዔያቶም ካራ ቡሊንቴቴያ ዓሶም ኬኤዜኔ።

28 ኪሪሰቶስ ጉሙርቃ ዓሶና ዋላ ሚርጌ ዎዴ ዔያታ ዴዔኔ።

15

ዩሩሳሌሜይዳ ቡኮና ቡኪንቴ

1 ፔቴ ፔቴ ዓሳ ዓንጾኪያ ዓጮ ዳንዳ፡- «ሙሴ ዎጎ ጎይዎ ዓቲንቶ ቤርቶ ዲንሢ ተቁንቴባኣቶ ዳቃኒ ዳንዳዑዋሴ» ሂዚ ጌዲ ኪሪሰቶስ ጉሙርቃ ዓሶ ዔርዚሢሢ ዓርቄኔ።

2 ጳውሎስና ባርናባስና ጋዓንቴ ዬኖ ዛሎ ዓሶና ዋላ ኮሺ ማርሚኔ፤ ዩካፓ ጳውሎስና ባርናባስና ዓንጾኪያይዳ ዓኣ፣ ፔቴ ፔቴ ኪሪሰቶስ ጉሙርቃ ዓሲና ዋላ ማዲ ዩሩሳሌሜ ዓኣዲ ዬኖ ማሊዎ ዳኪንቴዞንሣኒና ጨሞናም ሺኢሻንዳጉዲ ጌይንቴኔ።

3 ዔያታ ሺኢጲዎ ማኣር ዓሳ ዔያቶ ዳኬም ዳንዳ ፒንቄና ሳማሪያ ዓጮ ጊዳና ዓኣዳዎ ዓይሁዴ ማዲባኣ ዓሶኮ ጾኦሲ ባንሢ ማዲዎ ዛሎ ኬኤዛዛ፣ ዬይ ሃይሳ ኪሪሰቶስ ጉሙርቃ ዓሶ ቢያ ዎዛሴኔ።

4 ዩካፓ ዩሩሳሌሜ ዔያታ ሄላዛ ሺኢጲዎ ማኣር ዓሶና ዳኪንቴዞንሣኒና ሃሣ ጨማኣ ዔያቶ ሾኦቺንሢ ዔኬኔ፤ ሃሣ ጾኦሲ ዔያቶና ዋላ ማዲ ማዴ ባኮ ቢያ ዔያቶም ኬኤዜኔ።

15:1 ለዌ. ዓኬ 12:3፤ ዳኪ. ማዶ 10:1-43።

5 ጋዓንቴ ፔርሴ ፃጳፓ ማዔ ፔቴ ፔቴ ኪሪሰቶሴ ጉሙርቃ ዓሳ ዔቃቃ፡- «ዓይሁዳ ማዒባኣ ዓሳ ዓቲንቶ ቤርቶ ቲቁንታንዳጉዲና ሙሴ ዔርዘ ዋጎ ካፓንዳጉዲ ዓይሣንዳያ ኮይሳኔ» ጌዔኔ።

6 ዬያር ዳኪንቴዞንሢኮና ጨሞና ዬኖ ዛሎ ዋላ ዘርታኒ ቡኬኔ፤

7 ዔያታ ሚርጌና ማርሜሢኮ ጊንፃ ጳዲሮሴ ዔቃቃ፡- «ታ ዒሾንሦ! ታ ሚሾንሦ! ዓይሁዳ ማዒባኣ ዓሳ ታ ዛሎና ኮዡ ሃይሶ ዋይዚ ኪሪሰቶሴ ጉሙርቃንዳጉዲ ሃያኮ ቤርታ ያኣሲ ታና ዒንሢሣ ባኣካፓ ዶኦሪሢሣ ዒንሢሣ ዔራኔ።

8 ዓሲኮ ዒና ዔራ ያኣሲ፣ ኦሞ ዓያኖ ጌኤዡ ዒንጌሢሣ-ዲ ዔያቶማኣ ዒንጊያና ዔያቶ ፔ ዓሲ ማሄሢ ዔርዘኔ።

9 ዔያታ ዒዛ ጉሙርቁሢሣ ጎሞ ዔያቶኮ ዒ ጌኤሾኔ፤ ዬያር ኦኡና ዔያቶና ባኣካ ፔቴታዖ ዲሙሞ ባኣሴ።

10 ዓካሪ ኦ ዓድንሢሣታዖ ሃሣ ኦኡኒያ ኬዳኒ ዳንዳዒባኣ ቃሞባር ኪሪሰቶሴ ጉሙርቃ ዓሳ ባቃኖይዳ ጌሢ «ያኣሲ ዋይታቴያ ኦ ዛጋንዳኔ» ዒንሢሣ ሃሣ ዓይጎር ጋዓይ?

11 ኦኡኒያ ዳቁሢ ጎኔና ዔያቶጉዲ ጎዳ ዬሱሴኮ ኮሹሞ ዒንጊያና ማዒሢ ኦ ጉሙርቃኔ» ጌዔኔ።

12 ዬማና ዴራ ባርናባሴና ጳውሎሴ ዛሎና ያኣሲ ዓይሁዳ ማዒባኣ ዓሳ ባኣካ ማዳ ዒዛ ዋልቆና ማዳንቴ ባኮንታ ዲቃሣ ባኮ ቢያ ዔያታ ኬኤዛኣና ዘቲ ጌይ ዔያቶሲ ዋይዛኔ።

13 ዔያታ ኬኤዚ ኩርሴሰካፓ ያይቆኣሴ፡- «ታ ዒሾንሦ! ታ ሚሾንሦ! ሂንዳ ዋይዙዋቴ፤

14 ያኣሲ ዓይሁዳ ማዒባኣ ዓሳ ባኣካፓ ፔኤሞ ማዓንዳ ዴሪ ዶኦሪያና ዔያቶሞ ዋማይዲ ማሌቶሞ ሲሞኦኔ ቤርታዲ ኬኤዘኔ።

15 ሃኖ ማሊያና ያኣሲ ማሊያ ኬኤዛ ዓሶኮ ቃኣሎና ዋሊ ማሊያኬ፤ ዬይያ፡-

16 ጌካፓ ታ ማዓንዳኔ፤

ዳውቴኮ ሻሂንቴ ማኣር ታ ማዡንዳኔ፤
ሻሂንቴ ላኣሊንቴ ባኮዋ ጊንሣ ታ ዶዲሺ ዔቁሳንዳኔ።

17 ዬያ ታ ማዳንዳሢ ሃንጎ ዓቲ ዓኣ ዓሶንታ
ታ ዓሶ ማዔ፣ ማሌ ዴራ ቢያ ታና ኮዓንዳጉዲኬ፤

18 ቤርታፓ ዓርቁ ዬያ ቢያ ፔጋሴ፣ ጎዳሢ ሂዚ ጋዓኔ» ጌይንቴ ፃኣፒንቴያኬ።

19 «ዬያር ታኣኮ ማሊያ ያኣሲ ባንሢ ማዓ ዓይሁዳ ማዒባኣ ዓሳ ኦኡኒ ሜታሲባኣቴ ኮሺኬ ጋዓያኬ።

20 ዬያይዳፓ ለሜሌ ካኣሺም ሹኪንቴ፣ ዒኢቴ ባኣዚ ሙዒፖቴ፤ ማቾ ሃሣ ዓኒ ማዒባኣ ዓሲና ላሃፖቴ፤ ሱጉሢ ሾኦቴ ባኣያ፣ ጨኡሊንቴ ሃይቄ ቆልሞ ሙዒፖቴ፤ ሱጉሢያ ዑሽኪፖቴ፣ ጌዒ ኑ ዔያቶም ፃኣፓንዳኔ።

21 ዓይጎሮ ጌዔቶ ሚናፓ ዓርቃዎ ሙሴ ዔርዜ ዎጋ ዓይሁደኮ ሃውሾ ኬሎና ዔያቶኮ ቡከንቶ ቤዛ ናባቢንታኔ፤ ሃሣ ቃኣላ ካታሞይዳ ቢያ ኬኤዚንታኔ» ሂዚ ጌዔኔ።

ዓይሁዳቱዎን ኪሪሰቶሴ ጉሙርቄ ዓሶም ፃኣፒንቴ ኪኢታ

22 ዬካፓ ዳከንቴዘንሢኮንታ ጨሞንታ ሸኢጲዎ ማኣሮ ዓሶ ቢያሢንታ ዎላ ማዒ ቡከንቴ ዓሶ ባኣካፓ ዳካ ዓሲ ደኦራዎ ጳውሎሴና ባርናባሴና ዎላ ዓንፃኪያ ዓጮ ዳካኒ ጌሰቴ ዔቁሴኔ፤ ዬያሮ ኪሪሰቶሴ ጉሙርቃ ዓሶ ባኣካ ዓሶ ዔኪ ዓኣዲሢና ኮሺ ሱንሢ ዓኣ፣ ቤርሲያኔ ጌይንታ ዪሁዳና ሲላሴና ዔያታ ደኦሬኔ።

23 ዬካፓ ፃኣፒንቴ ኪኢቶ ዔያቶ ዑፃ ዳኬኔ፤ ኪኢታ፡- «ኑኡኒ ዳከንቴዘንሢኮና ጨሞ ማዔ ዒንሢኮ ዒሾንሢ፣ ዓንፃኪያና ሶኦሪያናይዳ ሃሣ ኪልቁያይዳ ናንጋ ዓይሁዳ ማዒባኣ ኑ ዒሾንሢ ዒንሢ ኮሺዳ ኑ ጋዓኔ፤

24 ኑ ባኣኮይዳፓ ፔቴ ፔቴ ዓሲ ኑ ዔያቶ ዓይሢባኣንቴ ዒንሢ ኮራ ሙኪ ዒንሢም ኬኤዜ ቃኣሎና ሜታሲ፤ ሃሣ ዒንሢም ጎይሢ ባይዜሢ ኑ ዎይዜኔ፤

25 ዬያሮ ፔቴይዳ ቡከንቴ ኪኢታ ዓሲ ኑ ደኦሪሰካፓ ናሽከንታ ኑ ዒሾንሢ ባርናባሴና ጳውሎሴና ዎላ ዔያቶ ኑ ዒንሢ ባንሢ ዳካኒ ጌሰቴኔ።

26 ባርናባሴና ጳውሎሴና ኑ ጎዳሢ ዬሱሰ ኪሪሰቶሴ ዛሎሮ ፔ ሸምፓሢ ሚርጌ ሜቶም ዓኣሢ ዒንጌያኬ።

27 ኑ ጌሰቴ ሃይሶ ዳንጋና ቃሲ ዒንሢም ኬኤዛንዳጉዲ ዪሁዳና ሲላሴና ኑ ዳኬኔ።

28 ሃንሢ ፓይዲንቴ፣ ኮይሳ ባኮንሢፓ ዓታዛ ሜሌ ዴኤሢ ቃምባራ ኑ ዒንሢ ዑፃ ጌሡዋጉዲ ዓያሮ ጌኤዦና ኑኡናናም ኮሺ ማዒ ጴዳኔ፤ ዬንሢያ፡-

29 ሜሌ ካኣሺም ሹኪንቴ፣ ዒኢቴ ባኣዚ ሙዒፖቴ፤ ሱጉሢ ሾኦቴዎንቴ ጨኡሊንቴ ሃይቄ ቆልሞ ሙዒፖቴ፤ ሱጉሢያ ዑሽኪፖቴ፤ ማቾ ሃሣ ዓኒ ማዒባኣ ዓሲና ላሃፖቴ፤ ዬንሢ ባኮፓ ዒንሢ ካፒንቴቶ ኮሺ ባኣዚ ዒንሢ ማዳኔ፤ ዓካሪ ኮሺ ናንጉዎቴ» ሂዚ ጋዓያኬ።

15:20 ኬሲ. ማፃ 34:15-17፤ ሌዊ. ዓኬ 17:10-16፤ 18:6-23።

30 ዬካፓ ኪኢቶ ዓሶንሢ ዔያቶ ሳራሣያ ዓንጾኪያ ዓጮ ዴንዲ፥ ኪሪሰቶሴ ጉሙርቃ ዓሶ ቢያ ቡኩሲፓፓ ፃኣፒንቴ ኪኢቶ ዔያቶም ዒንጌኔ።

31 ኪሪሰቶሴ ጉሙርቃ ዓሳ ፃኣፒንቴ ኪኢቶ ናባባዖ ዳከንቴ፥ ደዲሻ ኪኢቶና ኮሺ ዋዛዴኔ።

32 ዪሁዳና ሲላሴና ጾኦሲ ማሊሢ ኬኤዛያታሢሮ ዒሾንሢ ማዔ ዓሶ ሚርጌ ቃኣላና ዘሪ ደዲሾኔ።

33 ዪሁዳና ሲላሴና ዒኢካ ዳካ ዋዴ ዴዔሰካፓ ኪሪሰቶሴ ጉሙርቃዞንሢ ዔያታ ሳራሢ ዔያቶ ዳኬ ዓሶ ባንሢ ማዒ ዴንዴኔ።
*

35 ጳውሎሴና ባርናባሴና ኪሪሰቶሴ ጉሙርቃ ማሌ ሚርጌ ዓሲና ዋላ ማዒ ጎዳኮ ቃኣሎ ዔርዚ ዔርዚ ሃሣ ኬኤዚ ኬኤዚ ሚርገባኣያ፥ ዳካ ዓገኒ ዓንጾኪያይዳ ዴዔኔ።

ጳውሎሴና ባርናባሴናኮ ዲማዲያ

36 ሚርገባኣያ፥ ዳካ ዓገኒኮ ጌንፃፓ ጳውሎሴ ባርናባሴ ኮራ፡- «ሃኒ ሙኬ፤ ሃያኮ ቤርታ ጎዳኮ ቃኣሎ ኑ ኬኤዜ ካታም ቢያይዳ ዓኣ ዒሾንሢንታ ሚሾንሢንታ ሃንቲ ሃንቲ ዔያታ ዋይቴቴያ ኑ ዛጎም» ጌዔኔ።

37 ዒማና ባርናባሴ ዮሃኒሴ ጌይንታ ማርቆሴ ዔያቶና ዋላ ዓኣዳንዳጉዲ ኮዔኔ።

38 ጳውሎሴ ጋዓንቴ ዬይ ዓሢ ዔያቶና ዋላ ዓኣዳንዳጉዲ ኮባባኣሴ፤ ዓይጎሮ ጌዔቶ ዒዚ ቤርታ ጳንፒሊያይዳ ዔያቶፓ ዲማዲ ዓቴሢሮና ሃሣ ማዶይዳ ዔያቶና ዋላ ዓኣዲባኣሢሮኬ።

39 ዬኖይዳፓ ዔቂያና ዔያቶ ባኣካ ፑኡፒ ማርማ ዔቃዛ፥ ዔያታ ዋሊፓ ዲማዴም ባርናባሴ ማርቆሴ ዔካዖ ዋኣያ ካኣሚሎና ቆጲሮሴ ዓኣዴኔ።

40 ጳውሎሴ ጋዓንቴ ሲላሴ ዶኦሬኔ፤ ኪሪሰቶሴ ጉሙርቃ ዓሳ ጎዳሢ ጳውሎሴንሢ ፔ ኮሹሞና ካፓንዳጉዲ ሺኢጲሢና ሃዳርሲ ዒንጌሰካፓ ዔያታ ዓኣዴኔ።

41 ዒማና ዔያታ ሺኢጲያ ማኣሮ ዓሶ ደዲሺ ደዲሺ ሶኦሪያና ኪልቂያ ጌይንታ ዓጮ ሃንቴኔ።

* 15:33 ጌቴ ጌቴ ሚናኣ ማፃኣፓ ፓይ. 34ይዳ «ሲላሴ ጋዓንቴ ዒኢካ ዓታኒ ኮዔኔ» ጋዓያ ቃሳኔ፤ ጋዓንቴ ዛሎ ማፃኣፖይዳ ፓይ. 34 ባኣሴ። 15:38 ዳኪ. ማዶ 13:13።

16

ጂሞቴዎሴኮ ጳውሎስና ሲላሴና ዎላ ማዓያ

1 ጳውሎስ ዳርቤና ሊሰጂራና ጌይንታ ዓጮ ዳንዳ፤ ሊሰጂራዳ ጂሞቴዎሴ ጌይንታ ኪሪሰቶሴ ጉሙርቃ ዓሲ ናንጋ፤ ዒንዳ ዒዛኮ ዓይሁዳ ፃጳፓታ? ኪሪሰቶሴ ጉሙርቃያኬ፤ ዓዳ ጋዓንቴ ዒዛኮ ዓይሁዳ ማዓባኣ ገሪኬ ዓጪ ዓሲኬ።

2 ሊሰጂራና ዒቆኒዮኔናይዳ ዓኣ ኪሪሰቶሴ ጉሙርቃ ዓሳ ጂሞቴዎሴ ሚርጌ ኮሺ ዓሲ ማዓሢ ማርካዳ።

3 ጳውሎስ ጂሞቴዎሴ ዔኪ ዓኣዳኒ ኮዔሢሮ ዓተንቶ ቤርቶ ተቋንታጉዳጉዲ ማሃ፤ ዬያ ዒ ማዳሢ ዬኖ ቤዘይዳ ዓኣ ዓይሁዳ ዓሰ ዛሎሮኬ፤ ዓይጎሮ ጌዔቶ ዔያታ ጂሞቴዎሴኮ ዓዳ ገሪኬ ዓሲ ማዓሢ ዔራያታሢሮኬ።

4 ጳውሎስና ሲላሴና ሚርጌ ካታሞ ተቋ ዓኣዳኣና ዬሩሳላሜይዳ ዓኣ ዳኪንቴዞንሢኮና ጪሞና ማሊ ቱኬ ባኮ ኪሪሰቶሴ ጉሙርቃ ዓሰሞ ኬኤዘኔ፤ ዔያታ ማዳይዳ ፔኤሻንዳጉዲያ ሃሃ ላቴ።

5 ዬያሮ ዲማ ዲማ ሺኢዲያ ማኣሮ ዓሳ ኪሪሰቶሴ ጉሙርቃያና ደዳ፤ ፓይዳኣ ዔያቶኮ ኬሎይዳ ኬሎይዳ ቃሲንቴ ዳንዳ።

ጳውሎስኮ ማቄደኒያ ዓጮ ዓኣዳንዳጉዲ ዓይሢንቲያ

6 ጳውሎስና ሲላሴና ዒሲያይዳ ቃኣሎ ኬኤዘዎጉዲ ዓያና ጌኤሺ ዔያቶ ላኣጌሢሮ ፒርጌና ጋላቴያ ዓጮ ጌዳና ተቋ ዔያታ ዳንዳ፤

7 ዬካፓ ዔያታ ሚሲያ ዓጮኮ ዛጳ ሄላያ ቢታኒያ ባንሢ ዓኣዳኒ ማሌ፤ ጋዓንቴ ዬሱሴኮ ዓያና ዒኢካ ዔያታ ዓኣዳንዳጉዲ ዓይሢባኣሴ።

8 ዬያሮ ዔያታ ሚሲያ ዓጮና ጌዒ ሚርዓዳ ዳንዳ።

9 ዓዘ ቤዘይዳ ዲሞና ፔቴ ማቄደኒያ ዓሲ ዔቂ ጳዳያ ጳውሎስ ኮራ፡- «ማቄደኒያ ባንሢ ፒንቂ ኑና ማኣዳ!» ጌዒ ጌዒ ዒዛ ሺኢቃያ ያኦሲ ፔጋሲ ጳውሎስም ዳዌ።

10 ጳውሎስ ዬያ ዛጌሰካፓ ዑኬና ማቄደኒያ ዓጮ ዓኣዳኒ ኑ ኮዔ፤ ዓይጎሮ ጌዔቶ ማቄደኒያ ዓጮ ዓሰሞ ኮኸ ሃይሶ ኬኤዘም ያኦሲ ኑና ዓይሢያ ማዓሢ ኑ ዔራሢሮኬ።

ሊዲያ ጎያዘኮ ኪሪሰቶሴ ጉሙርቃ

11 ሚርዓዳይዳፓ ዎኣያ ካኣሚሎ ቶጊ ዔዔቃ? ሳሞተራቄ ጌይንታ ዓጮ ኑ ዓኣዳ፤ ዘር ጉቴሎ ገንሣ ናጵሌ ኑ ዳንዳ።

12 ዩካፓ ሃሣኑ ዔቁ ፒልጲሲዮሴ ሄሌኔ፤ ፒልጲሲዮሴ ጌይንታዛ ማቋደኒያ ዓጮይዳ ዓኣ ካታሞይዳፓ ፔቴዛ ማዔያ ሃሣ ሮሜ ዓጮ ዓሳ ማዠፍ ካታማኬ፤ ዬኖ ካታሚሎይዳ ኦኡኒ ዳካ ኬሊ ዴዔኔ።

13 ዓይሁድ ዓሶኮ ሃውሾ ኬሎና ካታማፓ ኬሰኪ ዎርዚ ዓቺ ኦ ኬዴኔ፤ ዬና ቤዛ ኦ ኮራ ሺኢጲሢሢ ቤሲ ማሌኔ፤ ዒዛ ቤዛይዳ ኦ ዴዒ ዒኢካ ቡኪንጉ ዓኣ ላኣሎሞ ያኦሲ ቃኣሎ ኬኤዜኔ።

14 ኦ ኬኤዛ ባኮ ዎይዛ ላኣሎይዳፓ ፔቴዛ ቲያደርኔ ጌይንታ ካታሞይዳ ሾይንቴያ፡ ዞቄ ዓፒላ ኮርማያ፡ ሊዲያ ጎዎ ላኣሊሰኬኖኬ፤ ዒዛ ያኦሲ ካኣሸካ ላኣሊኬ፤ ጎዳሢ ዒዛኮ ዒኖ ቡሌያታሢረ ጳውሎሴ ኬኤዛ ቃኣሎ ዒዛ ዒናፓ ዎይዛኔ፤

15 ዒዛና ዒዛኮ ማኣራ ዓኣ ዓሶና ቢያ ዎኣዎና ማሰቴሰካፓ፡ «ጎዳሢ ታ ጉሙርቃያ ማዒያ ዒንሢ ጎኔኬ ጋዓያ ማዔቶ ታ ማኣራ ሙኪ ዴዐ-ዎቴ» ጌዒ ሚርጌና ሺኢቄኔ።

ጳውሎሴና ሲላሴናኮ ቱኡቲዎ

16 ፔቴ ኬሊ ያኦሲ ሺኢቆ ቤሲ ኦ ዴንዳንቴ ሎንሦ ባኣዚ ዠዎቶና ኬኤዛ፤ ፑርታ ዓያና ዓርቄ ፔቴ ማዳ ማዳ ዉዲሮ ናይሰኬና ጎይሢዳ ኦኡና ካኣሚኔ፤ ዬና ዉዲሮ ናዔላ ፔ ዠዎቶና ዒዛ ዎይሣ ዓሶሞ ሚርጌ ሚኢሼ ዴንቁሳያኬ።

17 ዒዛ ጳውሎሴና ኦኡናናኮ ጊንዎ ሃንቲ ሃንቲ፡- «ሃንሢ ዓሶንሢ፡ ዒንሢሞ ዳቁንቶ ጎይዎ ኬኤዛዞንሢ፡ ዴኤፖ ያኦዛሢኮ ማዳዞንሢኬ!» ጌዒ ጌዒ ዒላቴኔ።

18 ዬኖ ዒዛ ሚርጌ ኬሊ ማዳኔ፤ ጋፒንፃ ጳውሎሴ ዳጋዳዎ ጊንሢሞ ሺሪ ፑርቶ ዓያናሢሞ፡- «ጎዳ ዬሱሰ ኪሪሰቶሴ ሱንዎና ዒዛይዳፓ ኔ ኬሰካንዳጉዲ ታ ኔና ዓይሣኔ!» ጋዓዛ፡ ፑርቶ ዓያናሢያ ቤዘና ኬሰኬኔ።

19 ዒዛ ዎይሣ ዓሳ ዴንቁ ዔኪ ማኣዲንታ ባኮኮ ጎይዎ ባይቄያ ማዒሢ ዛፓዎ ዔያታ ጳውሎሴና ሲላሴና ዓርቄ፡ ጎቺ ጎቺ ዓሳ ቡኪንታ ቤዛ ኬሲ ካታሞ ዎይሣ ዓሶ ቤርቶ ሺኢሼኔ።

20 ዬካፓ ሮሜ ዓጮ ዎይሣ ዓሶ ቤርቶ ዔኪ ሙካዎ፡- «ሃንሢ ዓሶንሢ ዓይሁዴ ዓሲኬ፤ ሃሣ ካታሞይዳኣ ዔያታ ሚርጌ ዣሎ ዔቁሰሳኔ፤

21 ኦኡኒ ሮሜ ዓሳ ዔካኒና ማዳኒ ዓይሢንጉባኣ ባኣዚ ዔያታ ኬኤዛኔ» ጌዔኔ።

22 ዬያር ዴራ ዎሊ ዑፃ ማዒ ዎልቄና ዔያቶይዳ ዔቄኔ።

ዩካፓ ዎይሣ ዓሳ ጳውሎሴና ሲላሴናኮ ዓፒሎ ዑፃፓ ጉሲሳዎ ኮኦሎና ዓሳ ዔያቶ ጳርቃንዳጉዲ ዓይሣኔ።

23 ሚርጌና ዔያታ ጳርቁንቴሰካፓ ቱኡሲ ማኅሪ ጌልዚ ቱከ፥ ቱኡዞ ማኅሪ ካፓ ዓሢ ዔያቶ ዛጊ ካፓንዳጉዲ ዓይሢ።

24 ካፓ ዓሢ ዓይሢንቴሰካፓ ቱኡዞ ማኅሪኮ ጋርይዳ ዓኣ ሚሌ ቆልዓይዳ ጌልዚ ቶኮ ዔያቶኮ ዲፃና ኮሺ ዓይሢ ቱከ።

25 ሳዖኮ ዳንዲ ጊዲሚሺ ማዓንዳ ዎይይዳ ጳውሎሴና ሲላሴና ሺኢጲሢ ሺኢቁ ሺኢቁ ሃሣ ዓይኑሞዎ ዓይናዲ ዓይናዲ ያኦሲ ጋላታንቴ፤ ሃንጎ ቱኡቴ ዓሳ ዔያ ዔያቶኮ ዎይዛ።

26 ዓማና ዔርቲባኣንቴ ቱኡዞ ማኅሪኮ ፃጳ ሄሊ ዓጊሣ ዳኤፒ ሳዓ ዓጊፀሢ ዓጊፀዛ፤ ቱኡዞ ማኅሪ ካራ ቢያ ፔቴና ቡሊንቴ፤ ሃሣ ቢያ ቱኡቴ ዓሶ ቱኮና ካኖ ቢራታኣ ቡሊንቴ።

27 ቱኡዞ ማኅሪ ካፓ ዓሢ ጊንዓሰካፓ ጴጫ ቱኡዞ ማኅሪ ካራ ቡሊንቴ ዓኣሢ ዳንቃዎ ቱኡዞ ዓሳ ቶሊ ዳንዴያ ዒዛሞ ማላዛ ዓፓር ፔኤኮ ቱጊ ፔና ዎዳጊ ማሌ።

28 ጋዓንቴ ጳውሎሴ፡- «ኦኡኒ ቢያሢ ሃይካኬ! ዩያር ኔ ቶኦኮይዳ ፔቴ ባኣዚታዎ ማዲፕ!» ጌዒ ዒላቴ።

29 ዩማና ካፓ ዓሢ ፖዒ ዔኪ ጳሽኪ ጋር ጌላዎ፥ ጎጋይቂ ጎጋይቂ ጳውሎሴና ሲላሴናኮ ቶኮ ዳማ ባለቲና ሎኦሜ።

30 ዩካፓ ዔያቶ ዙሎ ኬሳዎ፡- «ታ ጎዳንሢዮ! ታ ዳቃኒ ዓይጎ ዎኦታንዳያ ኮይሳይ?» ጌዔ።

31 ዔያታ ዒዛሞ፡- «ጎዳ ዩሱሴ ጉሙርቁ፤ ኔናጎታ ኔ ማኅሪ ዓሶንታ ዳቃንዳ፤» ጌዔ።

32 ዩካፓ ጎዳሢኮ ቃኣሎ ዒዛና ዒዛኮ ማኅሪ ዓኣ ዓሶናሞ ቢያ ዔያታ ኬኤዜ።

33 ዩማና ቱኡዞ ማኅሪ ካፓ ዓሢ ዩኖ ዎንቶ ዲማ ፔ ማኅሪ ዔኪ ዓኣዲ ኪዎ ዔያቶኮ ማሰኬ፤ ዩማፓ ኔጉዎዎ ዒዛና ማኅሪ ዓሶና ቢያ ዎኣዎና ማሰቴ።

34 ቱኡዞ ማኅሪ ካፓ ዓሢ ጳውሎሴና ሲላሴና ፔ ማኅሪ ዔኪ ዓኣዲ ሙኡዚ ዔያቶሞ ዒንጌ፤ ማኅሪ ዓሶ ቢያሢና ዎላ ኪሪሰቶሴ ጉሙርቁሢሮዎ ዒ ዎዛዴ።

35 ሳዓ ካራዛ ዓጮ ዎይሣ ዓሳ፡- «ዩንሢ ዓሶንሢ ቡሊንቶንጎ» ጌዒ ፖኦሊሴሰኬንሢ ዳከ።

36 ቱኡዞ ማኅሪ ካፓሢያ፡- «ዒንሢ ቡሊንታንዳጉዲ ዓጮ ዎይሣ ዓሳ ዓሲ ዳኬሢሮ ዓካሪ ኬሰኪ ኮሺ ዓኣዲዎቴ» ጌዒ ጳውሎሴም ኬኤዜ።

37 ጳውሎሴ ጋዓንቴ፡- «ኦኡኒ ሮሜ ዓሲታንቴ ኔ ጊዳ ዎጉዎዎ ዓሳ ቡካ ቤዘይዳ ኦና ጳርቁ፥ ቱኡዞ ማኅሪ ኦና ዔያታ ቱከ። ሃሢ ጊንሣ

ቱኡዞ ማኣራፓ ዳሚና ኑ ከሰካንዳጉዲ ዎዲ ዔያታ ጌዔይ? ዩይ ማዕብሴ! ዔያታ ፔ ቶኦኪና ሙኪ ኑና ከሶንጎ!» ጌዔይ።

38 ፖኦሊሶንሢ ዩያ ዎይሣ ዓሶሞ ከኤዛዛ ዎይሣ ዓሳ ጳውሎሴና ሲላሴና ሮሜ ዓጪ ዓሲ ማዔሣ ዔራፖ ዒጊጨኑ።

39 ዩያሮ ዔያታ ሙኪ፡- «ኑ ዳቤኔ፤ ማኣሩዎቴ» ጌዔ፡ ቱኡዞ ማኣራፓ ዔያቶ ከሳፖ ካታማፓኣ ዔያታ ዳንዳንዳጉዲ ሺኦቄ።

40 ጳውሎሴና ሲላሴና ቱኡዞ ማኣራፓ ከሰኪ ሊዲያ ጎፖዞ ማኣሪ ጌሊ ዒኦካ ኪሪሰቶሴ ጉሙርቃ ዓሶ ዳንቂ፡ ዞሪ ዶዲሼሰካፓ ካታሞ ሃሺ ከሰኪ ዳንዳ።

17

ጳውሎሴንሢ ቴሰሎንቄይዳ

1 ጳውሎሴና ሲላሴና ዓንፒጳሊሴና ዓጳሎኒያ ጎፖ ዓጮ ጊዳና ቴሰሎንቄ ዓኣዳ፤ ዒኦካ ዓይሁዶ ዓሶኮ ቡኪንቲ ቤሲ ዓኣ።

2 ጳውሎሴ ቤርታፓ ዒዚ ዔራ ጎይፖና ዓይሁዶ ዓሶኮ ቡኪንቶ ቤዛ፡ ሃይሢ ማይንቲ ዓይሁዶ ዓሶኮ ሃውሾ ከሎና ከሎና ጳዲ ጌኤዦ ማፃኣፓፓ ዔኪ ዔኪ ዓሶና ዎላ ጌሰቴ።

3 ዓሚና ዒዚ ሜሲሃ ሜቶ ዔካንዳያ፤ ሃሣ ሃይቢፓኣ ዔቃንዳያ ኮይሳያ ማዔሞ ማዔሣ ፔጋሲ ከኤዚ ከኤዚ፡- «ሃይ ዒንሢሞ ታ ከኤዛ ዩሱሴ ዒ ሜሲሃኩ» ጌዒ ጌዒ ከኤዛ።

4 ዩያሮ ፔቴ ፔቴ ዓሳ ቃኣሎ ዒና ዔኪ ጳውሎሴና ሲላሴና ዎላ ማዔይ፤ ዩያጉዲ ፆኦሲ ካኣሸካ ሚርጌ ጊሪኬ ዓሲንታ ካታሞይዳ ዔርቴ ዲቢ ላኣሊንታ ቃኣሎ ዒና ዔኪ ዔያቶና ዎላ ማዔይ።

5 ዓይሁዶ ዓሳ ጋዓንቴ ቁኢሩሞና ማዶባኣ ፑርታ ዓሲ ጎይፖፓ ጎይፖፓ ቡኩሲ ጌኔ ማዳንዳጉዲ ማሄ። ካታሞይዳኣ ዣላ ዔቃንዳጉዲ ማሃ ሃሣ ጳውሎሴና ሲላሴና ዒያሶኔ ማኣራፓ ከሲ ዔኪ ዳሮ ቤርቶ ሺኦሻኒ ማኣሮ ካሮ ሃዒ ከኤሪ ጋሮ ጌላ።

6 ጋዓንቴ ጳውሎሴንሢ ኮዒ ዔያታ ባይዜሢሮ ዒያሶኔና ፔቴ ፔቴ ኪሪሰቶሴ ጉሙርቃ ዓሲ ካታሞ ዎይሣ ዓሶ ቤርቶ ሺኦሻኒ ጎቺ ጎቺ ዔኪ ዓኣዳ፡- «ሃንሢ ዓሶንሢ ዓጮ ቢያ ፑርቴሲ ሃሣ ሃይካ ሙኪ!»

7 ዒያሶኔያ ዔያቶ ሾኦቺንሢ ዔኪኔ፤ ዔያታ <ዩሱሴ ጌይንታ ሜሌ ካኣቲ ዓኣኔ> ጌይ ሮሜ ዓጮ ካኣቲኮ ዓይሢፖ ዓዲ ማካ። ጌይሢና ዒላቴ።

8 ዳሮንታ ካታሞ ዎይሣ ዓሶንታ ዩያ ዎይዞፖ ዲቃቲ ዒኔ ዲዳ።

9 ዩካፓ ዎይህ ዓሳ ዒያሶኔና ዒዛና ዎላ ዔኪ ሙኮና ዓሶንሢ ሚኢሼ ዓይሢሳዎ ሃሼኔ።

ጳውሎስንሢ በኤሪያ ዓጮይዳ

10 ኪሪሰቶሴ ጉሙርቃ ዓሳ ሳዓ ዲዲማኣና በኤሪያ ዓጮ ጳውሎሴና ሲላሴና ዑኩና ዓኣዳንዳጉዲ ዳካዛ፣ ዒኢካ ዔያታ ሄላዎ ዓይሁዶ ዓሶኮ ቡኪንቶ በዘ ጌሌኔ።

11 በኤሪያይዳ ዓኣ ዓይሁዶ ዓሳ ቴሰሎንቄይዳ ዓኣ ዓሶይዳፓ ፒዜ ማሊሢና ዓኣያ ማዔሢሮ ቃኣሎ ዋይዚ ዴኔፒ ዎዛና ዔቢ ቃኣሎኮዎ ጎኑዎ ዔራራ ቢያ ኬሊ ጌኤኮ ማዎኣፖ ዛጋኔ።

12 ዩያሮ ዔያቶይዳፓ ሚርጌሢ ያኦሲ ጉሙርቄኔ፤ ጌሪኬ ዓሶይዳፓኣ ሚርጌ ያርጎቹ ላኣሊ፤ ሃሣ ማሌ ሚርጌ ዓቴንቄያ ያኦሲ ጉሙርቄኔ።

13 ጋዓንቴ ቴሰሎንቄይዳ ዓኣ ዓይሁዶ ዓሳ ጳውሎስ በኤሪያይዳ ያኦሲ ቃኣሎ ኬኤዜሢ ዋይዛዎ ዒኢካ ሙኪ ዴሮ ፑርታ ማሊሢና ዔቄሲ ዛሎ ማገቴኔ።

14 ዒማና ኪሪሰቶሴ ጉሙርቃ ዓሳ ዑኩና ጳውሎስ ባዘ ዓጮ ዓኣዳንዳጉዲ ዳኬኔ፤ ሲላሴና ዒሞቴዎሴና ጋዓንቴ ዒኢካ ዓቴኔ።

15 ጳውሎስ ጎይያና ዓኣሢ ዓሳ ዒዛ ዓቴና ሄሊሴኔ፤ ዩና ዓሳ፡- «ሲላሴና ዒሞቴዎሴና ታ ኮራ ዑኮ ሙኮንጎ» ጋዓ ኪኢታ ጳውሎስ ኮራፓ ዔኪ በኤሪያ ማዔኔ።

ጳውሎስ ዓቴናይዳ

16 ጳውሎስ ዓቴናይዳ ዴዒ ሲላሴና ዒሞቴዎሴና ካፓንቴ ካታሚሎይዳ ማሌ ካኣሺ ባኣዚ ኩሚያ ማዔሢ ዛጋዎ ፔ ማሊያና ማሊ ሚታዳኔ።

17 ዩያሮ ዓይሁዶ ዓሶኮ ቡኪንቶ በዘይዳ፣ ዓይሁዶ ዓሶና ያኦሲ ካኣሽካ ጌሪኬ ዓሶና ሃሣ ቦኣኮ በዘይዳ ጴዳ ዓሶና ዎላ ፔ ማሊያ ኬኤዚ ኬኤዚ ጌሰቴኔ።

18 ዔፒቆሮሴ ሃሣ ዒሰቶኬ ዓሶ ጌይንታ ዔሮ ዓሶይዳፓ ዒዛ ኮራ ዓሲ ሙኪ ሙኪ ማርማኔ። ዔያታ ዒዛና ማርማዎ ፔቴ ፔቴ ዓሳ፡- «ሃይ ጌኤሲኮ ያጴ ዔራዎጎ ጌሰታ ዓሢ ዎዚ ጋዓኒ ኮዓይ?» ጋዓዛ፣ ሃንጎዎታ ገንሣ፡- «ዓኪ ማዔ ካኣሽኮ ያኣዛ ዛላ ኬኤዛያ ማላኔ» ጋዓኔ። ዩና ዔያቶ ጌይሴሢ ጳውሎስ ዩሱሴና ዒዛኮ ሃይባፓ ዔቄዎ ዛሎዎ ኬኤዜሢሢ።

19 ዩያሮ ጳውሎስ ዔያታ ዓሪዮሰፓጎሴ ጌይንታ ቡኪንቶ በዘ ዔኤሊ ዔኪ ሙካዎ፡- «ኔኤኒ ዔርዛ ዓኮ ባካ ዓይጎታቴያ ኑ ዔራኒ ዳንዳዓ?»

20 ፔቴ ፔቴ ዓኪ ማዕ ባኣዚ ኔ ኑሞ ከኤዘኔ፤ ዩያሮ ዩንሢ ባኪንሢ ዓይጎታቲያ ኑ ዔራሲ ኮዓኔ» ጌዔኔ።

21 ዩያ ዔያታ ጌዔሢ ዓቲናይዳ ናንጋ ዓሶንታ ዒኢካ ናንጋ ማሌ ዓጮ ዓሳኣ ቢያ ዓኪ ባኣዚ ከኤዚሢና ዋይዚሢና ዋዶ ፔኤኮ ዓኣሢ ኮዓሢሮከ።

22 ዩማና ጳውሎሴ ዓሪዮሰፓጎሴይዳ ቡኪንቴ ዓሶ ቤርታ ዔቃዮ፡- «ዓቲና ዓጪ ዓሲዮቴ! ሚርጌና ዒንሢ ካኣሺ ካኣሽካያ ማዔሢ ታ ዘጋኔ፤

23 ዋይቴይ ጌዔቶ ዒንሢኮ ካታሞ ታ ሃንቲ ሃንቲ ዒንሢኮ ካኣኩ ቤዞ ታ ዘጋኣና <ዔርቲባኣ ጆኦሲሞ> ጌይንቲ ጆኣፒንቴ፣ ሹቸና ኮሸና ዔኤቢ ዒንጎ ቤሲ ታ ዴንቄኔ፤ ዓካሪ፣ ታ ዒንሢሞ ከኤዚሢ ዩያ ዔርቲባኣንቴ ዒንሢ ካኣሽካ ጆኣዚሢ ዘሎከ።

24 ዒዚ ዓጮንታ ዓጮይዳ ዓኣ ባኮ ቢያ ማገፍሢከ፤ ሳዖና ጫሪንጮናኮዋ ጎዳከ፤ ዒዚ ዓሲ ኩቸና ማገፍንቴ ካኣሺ ማኣሪዳ ናንጉዋሴ።

25 ሸሞፔንታ ዑኡሲንታ ማሌ ባኮዋ ቢያ ዓሲሞ ዒንጋሢ ዒዛ ማዔሢሮ ፔቴታዖ ዒዛሞ ፓጩ ባኣዚ ባኣሴ፤ ዓሲ ማኣዶዋ ዒዛሞ ኮይሱዋሴ።

26 ዒዚ ዓሲ ዜርሢ ቢያ ፔቴ ዓሲዳፓ ማገፍኔ፤ ዩያኮ ቤርታ ዓሲ ናንጋንዳ ዋዶና ናንጋንዳ ቤዞዋ ማሊ ጊኢጊሺኔ።

27 ዩያ ዒ ማዳሢ ዓሲ ዒዛ ኮዓንዳጉዲና ዛጊ ኮዒ ዴንቃንዳጉዲከ፤ ያዲ ማዔቶዋ ጆኦሲ ኑና ቢያሢዳፓ ሃከኬ ጌይሢቲዋሴ።

28 ዓይጎሮ ጌዔቶ፡- <ሸሞፔና ኑ ዴዓሢ፣ ኑኡኒ ዓጊዒ ሃንታሢ ናንጊያ ኑ ናንጋሢ ዒዛናከ>

ዩይያ ዒንሢኮ ዓይናዳ ዓሳ፡- <ኑኡኒ ቢያሢ ዒዛ ናይከ> ጋዓሢ ጉዴያከ።

29 «ዓካሪ፣ ኑ ዒዛናይ ማዔቶ ጆኦሲ ዓሲ ዔራቶና ዓሲ ማሊሢና ዋርቄይዳፓ ሃሃ ቢራ ዓንጊና ሹቸናይዳፓ ኮሺንቴ ባኣዚ ማላኔ» ጌዒ ማላንዳያ ኑና ኮይሱዋሴ።

30 ዓሳ ቤርታ ዒዛ ዔሪባኣ ዋዶና ማዳ ባኮ ጆኦሲ ዛጊ ዓኣሢኔ፤ ሃሢ ጋዓንቴ ዓጮይዳ ዓኣ ዓሳ ቢያ ጎሜይዳፓ ማዓንዳጉዲ ዓይሢኔ።

31 ዒዚ ዶኦሬ ዓሢ ዘሎና ዓጮ ቢያይዳ ጎኑሞና ዋጋንዳ ከሊ ጌሢኔ፤ ዩያ ዒ ጎናሲ ዔርዜሢ ዩያ ዒዚ ዶኦሬሢ ሃይባፓ ዔቁሲያናከ» ጌዔኔ።

17:25 1ካኣቶ. ማ 8:27፤ ዒሲ. 42:5።

32 ዲማና «ሃይቢፓ ዔቁሢ» ጋዓዛ ዔይታ ዋይዛያ ፔቴ ፔቴ ዓሳ ዲዛ ቦሄኔ፤ ዛሎ ዓሳ ጋዓንቴ፡- «ሃኖ ባኮ ዛሎ ሜሌ ዓቢ ኔ ኬኤዛንቴ ኑ ዋይዛንዳኔ» ጌዔኔ።

33 ዩካፓ ጳውሎስ ቡኪንቶ ባኣካፓ ኬሰኪ ዓኣጳ።

34 ፔቴ ፔቴ ዓሳ ጋዓንቴ ዲዛና ዋላ ማዒ ኪሪሰቶስ ጉሙርቄኔ፤ ዬኖ ኪሪሰቶስ ጉሙርቄ ዓሶ ባኣኮይዳ ዓሪኖሰፓጎሴ ቡኪንቶ ቤዛ ዋጎ ዋጋያ ማዔ፣ ዲኖኒሲኖስ ጌይንታ ዓሲና ዴማሪሶ ጌይንታ ፔቴ ላኣሊሰኩኖና ሃሣ ሜሌ ዓሲያ ዓኣኔ።

18

ጳውሎስ ቆሮንቶስ ዓጮይዳ

1 ዩካፓ ጳውሎስ ዓቴናይዳፓ ዔቁ ቆሮንቶስ ዓኣጳ፡

2 ዓኣካ ጳንጻሴ ጌይንታ ዓጪዳ ሾይንቴ ዓቁላ ጌይንታ ፔቴ ዓሲ ዴንቄኔ። ዩማና ዓቁላ ፔኤኮ ማቾ ጲሪሰቁላ ጌይንታዞና ዋላ ዒፃሊያ ዓጮይዳፓ ሃጊ ሙሙካኔ፤ ዓይጎር ጌዔቶ ሮሜ ዓጮ ካኣቲ ቁላውዶስ ዓይሁዶ ዓሳ ቢያ ሮሜ ዓጪፓ ኬሰካንዳጉዲ ዓይሣሢሮኬ፤ ዬያሮ ጳውሎስ ዔይቶ ኮራ ዓኣጳ ዔይቶና ዋላ ዔርቲኔ።

3 ዒዛኮ ማዳ ዓዳ ዔይቶ ጎይያ ዓፒላና ማኲ ማኣሮ ሲኪሢታሢሮ ዔይቶና ዋላ ዴዒ ዬኖ ማዳ ማዳ።

4 ሃሣ ዓይሁዴ ዓሶኮ ሃውሾ ኬሎና ኬሎና ዔይቶኮ ቡኪንቶ ቤዛ ዓኣጳ ዓኣጳ ሃይሴ ኬኤዚ ዓይሁዴ ዓሶንታ ጌሪኬ ዓሶንታ ዒ ኬኤዛ ባኮ ጉሙርቆንዳጉዲ ዶዲሺ ኬኤዛኔ።

5 ሲላሴና ፃሞቴዎሴና ሜቁዶኒያይዳፓ ዬዓዛ ጳውሎስ ቢያ ዋዶ፡- «ዬሶሴ ሜሲሄኬ» ጌዒ ዓይሁዶ ዓሶሞ ማርካዲ ማርካዲ ሃሣ ዔይቶ ዔርዛኔ።

6 ጋዓንቴ ዓይሁዶ ዓሳ ዲዛ ማኪ ጫሽካዛ ፔኤኮ ቶኮ ፒፂ፡- «ማይ ዓካሪ ዒንሢ ፑርታና ዋጊንቴቴ ዒንሢ ዳቢንቴናኬ! ታና ጾኦሲሳ ባኣዚ ባኣሴ፤ ሃካፓ ዓካሪ ታ ዓይሁዴ ማዒባኣ ዓሶ ባንሢ ዓኣጳንዳኔ» ጌዔኔ።

7 ዬያይዲ ዔይቶይዳፓ ዲማዲ ቲቶሰ ዒኖሰጻሴ ጌይንታ ዓሲሰኬያ ማኣሪ ዴንዴኔ፤ ዬይ ዓሢ ጾኦሲ ካኣሽካያ ሃሣ ማኣራ ዒዛኮ ዓይሁዶ ዓሶኮ ቡኪንቶ ቤዛኮ ኮራኔ።

8 ዩማና ዓይሁዶ ዓሶኮ ቡኪንቶ ቤዛ ሱኡጌ፣ ቁሪሰጸሴ ጌይንታሰኬይ ፔ ማኣሮ ዓሶ ቢያሢና ዋላ ጎዳ ጉሙርቄኔ፤ ሃሣ ሚርጌ ቆሮንቶስ ዓጮ ዓሲያኣ ጳውሎስ ኬኤዛሢ ዋይዚ ጎዳ ጉሙርቄ ዋኣጾናኣ ማሰቴኔ።

9 ጎዳሢያ ጳውሎስም ደሞና፡- «ዲጊጩጊ፣ ከከኤዜ፤ ዘቲ ጌቢ፣፤

10 ዳይጎር ጌዔቶ ታኣኒ ኔኤና ዋላኬ፤ ሃኖ ካታሜሎይዳ ታኣኮ ሚርጌ ዓሲ ዓኣኔ፤ ኔ ጊዳ ፑርታ ባኣዚ ማዳንዳ ዓሲ ፔቲታ፣ ባኣሴ» ጋዓያ ፔጋሲ ደቄ።።

11 ዩያሮ ጳውሎስ ያኦሲ ቃኣሎ ዳሮም ከኤዚ ከኤዚ ፔቲ ለዔና ሲላና ዲኣካ ዳዔ።።

12 ጋሊዮሴ ዓካይያ ጎፆ ዓጮይዳ ዋይሣያ ማዔ ዋዶና ዓይሁዶ ዓሳ ፔቲሞና ጳውሎስይዳ ፑርታ ማሊሢና ዔቁ፣ ዋጎ ዋጋ ዓሶ ኮራ ዲዛ ዔኪ ዓኣዳ፡፡

13 «ሃይ ዓሢ ዋጋ ዓይሁዋ ጎይሢና ዓሳ ያኦሲ ካኣሽካንዳጉዲ ዓሶ ደቢሻኔ» ጌዔ።።

14 ዲማና ጳውሎስ ማሂ ከኤዛኒ ጊኢጊንቲ ዓኣንቲ፣ ጋሊዮሴ ዓይሁዶ ዓሶም፡- «ዲንሢ ዓይሁዶ ዓሳ! ዲንሢዳ ዋንዳ ፑኡፒ ጌኔ ባኣዚ ማዳንቲቲ ዲንሢኮ ጌኤዞ ታ ዋይዛንዳያታንቲ።

15 ሃሢ ጌይንቲ ባኣዚና ዔኤቢኮ ሱንሢና ሃሣ ዲንሢኮ ዋጌ ዛላ ዲንሢ ሞኦታቲ ዩይ ዲንሢ ሜቶኬ፤ ታኣኒ ሃያ ባኮይዳ ዋጋኒ ኮዑዋሴ» ጌዔ።።

16 ያዲ ጌዔሰካፓ ዋጎ ዋጎ ቤዛፓ «ከሰኩዋቲ» ጌይ ዔያቶ ከሴ።።

17 ዩማና ቢያሢ ዓይሁዶ ዓሶ ቡኪንቶ ቤዞኮ ሱኡጋሢ፣ ሶሰቲንሲኔ ዓርቂ ዋጎ ዋጋ ዓሶ ቤርታ ጳርቄ፤ ዩይ ባካ ቢያ ማዳንታኣና ጋሊዮሴ ዔኤቢ ዓቲኔ ጎዑዋሴ።።

ጳውሎስኮ ዓንጻሪያ ማዲያ

18 ጳውሎስ ኪሪሰቶሴ ጉሙርቃ ዓሶና ዋላ ሚርጌ ከሊ ቆሮንቶሴይዳ ዳዔሰካፓ ዔያቶ «ኮሺ ደዑዋቲ» ጌዲ ዋኣ፣ ካኣሚሎና ሶኦሪያ ዓኣዳ፤ ዲማና ጲሪሰቂላና ዓቂላና ዲዛና ዋላ ዓኣዳ፤ ዲዞኮ ናኣቢ ዓኣሢሮ ዳንዳንዳሢኮ ቤርታ ኪንኪሪያ ጌይንታ ቤሲዳ ቶኦኮ ፔኤኮ ጉኡሌ።። *

19 ዩካፓ ዳንዲ ዔያታ ዔፕሶኔ ዓጮ ሄላፆ ጲሪሰቂላና ዓቂላና ዲኣካ ሃሺ ፔኤሮ ዓይሁዶ ዓሶኮ ቡኪንቶ ቤዞ ጌሊ ዓይሁዳ ዓሶም ሃይሶ ከኤዛ።።

20 ሚርጌ ዋዳ ዔያቶና ዋላ ዳዓንዳጉዲ ዓሳ ዲዛ ሺኢቄንቲ ዲዚ ዔኤዲባኣሴ።።

* **18:18** ቶኦኮ ፔኤኮ ጉኡሌ፡- ጋዓዛ ዓይሁዳ ዓሶ ዳምቦና ናኣቢንቲ ናኣቦ ካፒ ከንሢያ ማዲያ ዔርዛኒ ማዳንታያኬ። **18:18** ፓይ. ማፃ 6:18።

21 ጋባንቴ፡- «የኦሲ ጌዔቴ ሜሌ ዓቢ ዒንሣ ኮራ ታ ማዒ ሙካንዳ፤» ጋባዎ፡ ዔፕሶን ዓጮይዳፓ ዋኦፓ ካኦሚሎና ዓኣዳ፤።

22 ዒዚ ቁሳሪያ ሄላዎ፡ ዩካፓ ዩሩሳላሜ ዓኣዲ ሺኢጲያ ማኦር ዓሶ «ኮሺዳ» ጌዔሰካፓ ማዒ ዓንፃኪያ ዓኣዳ፤።

23 ዒኢካ ዳካ ዴዔሰካፓ ጋላቴያና ፒርጊያ ዓጮናይዳ ፔቴ ቤዛፓ ሜሌ ቤሲ ሃንቴ ሃንቴ ኪሪሰቶሴ ጉሙርቃ ዓሶ ዶዲሼን።።

ዓጲሎሴ ዔፕሶንና ቆርንቶሴ ዓጮናይዳ

24 ዒሰኪንዲሪያ ዓጪ ዓሲ ፔቴ ዓጲሎሴ ጎዎ ዓይሁዴ ዓሲሰኬይ ዔፕሶን ዓጮ ሙኬን፤ ዒዚ ጌኤዠ ማፃኦፖ ኮሺ ዔራያ ሃሣ ጌሰቶ ጎይሣ ዔሪ ጌሰታ ዓሲኬ።።

25 ዩይ ዓሣ ጎዳ ዛሎ ኮሺ ዔራያና ዓያናና ዒናፓ ማዳኒ ማላያ ማዒ ዩሱሴ ዛሎ ፒዜ ኬኤዚ ኬኤዚ ዔርዛን። ያዲ ማዔቶዋ ዒዚ ባሽ ዔራሣ ዮሃኒሴኮ ዋኦፓ ማሰኪያ ዛሎ ሌሊኬ።።

26 ዩማና ዒዚ ጫርቁ ዓይሁዶ ዓሶኮ ቡኪንቶ ቤዛ ኬኤዚሣ ዓርቁን፤ ጋባንቴ ጲሪሰቁላና ዓቁላና ዒዛሲ ዋይዛዎ ዒዛ ዔያታ ፔ ማኦሪ ዔኪ ዓኣዲ፡፡ ያኦሲ ጎይዎ ዛሎ ቤርታኦሰካፓ ባሽ ቡሉ ዒዛም ኬኤዜን።።

27 ዓጲሎሴ ዓካይያ ዓኣዳኒ ጋዓዛ ኪሪሰቶሴ ጉሙርቃ ዓሳ ዒዛ ማሊዎ «ቃራኬ» ጌዔን፤ ዓካይያይዳ ዓኣ ኪሪሰቶሴ ጉሙርቃ ዓሳ ቃራሲ ሸኦቺንሣ ዒዛ ዔካንዳጉዲ ኪኢታ ዔያቶም ዳኬን።። ዒኢካ ዒዚ ሄላዎ ያኦሲኮ ኮሹሞ ዛሎና ኪሪሰቶሴ ጉሙርቃያ ማዔ ዓሶም ዴኤፒ ማኦዶ ማዔን።።

28 ዋይቴ ጌዔቶ ዩሱሴ ሜሲሄ ማዔሣ ጌኤዠ ማፃኦፓይዳፓ ዔኪ ማርካሲ ማርካሲ፡ ዴር ቢያሣ ቤርታ ሚርጌና ማርሚ ዓይሁዶ ዓሶ ላሣያናኬ።።

19

ጳውሎሴ ዔፕሶንይዳ

1 ዓጲሎሴ ቆርንቶሴይዳ ዓኣ ዋዶና ጳውሎሴ ኬዶ ዛሎ ዓጮና ጌዒ ዔፕሶን ዓኣዲ ሄላ፡ ዒኢካ ዳካ ኪሪሰቶሴ ጉሙርቃ ዓሲ ዴንቃዎ፡-

2 «ኪሪሰቶሴ ዒንሣ ጉሙርቁ ጎናሲ ዔካኣና ዓያና ጌኤሺ ዒንሣ ዔኪያ?» ጌዒ ያኦጮን።። ዔያታ ማሃዎ፡- «ኦኡኒ ዔኪባኣሴ፤ ሃሣ ዓያና ጌኤሺ ዓኣሣያ ኦ ዋይዚ ቤቁባኣሴ» ጌዔን።።

3 ጳውሎስ:- «ሂዳዎ ዋዚጉዳ ዋኣሂ ማሰቲሂዳይ ቢንሂ ማሰቲሂ?» ዔያቶ ኮራ ጋዓዛ፥ ዔያታ:- «የሂሊሴ ኬኤዜ ዋኣዎ ማሰቲዎናኬ» ጌዔኔ።

4 ጳውሎስ ገንህ:- «የሂሊሴኮ ማሰኪዎ ጎሞ ቡኡዲዎ ዔርዛያ ማዔኔ፤ ዩማና ዴሮሞ ቢዚ ኬኤዛዎ ታኣኮ ገንፃፓ ሙካሂ ጉሙርቁዋቴ» ጌዒ ጌዒኬ፤ ያዲ ጌይንቴሂያ ዩሱሴኬ» ጌዔኔ።

5 ዩያ ዔያታ ዋይዛዎ ጎዳ ዩሱሴ ሱንዎና ዋኣዎ ማሰቲኔ።

6 ጳውሎስያ ዔያቶ ዑፃ ኩጮ ጌህዛ ዓያና ጌኤሺ ዔያቶ ዑፃ ኬዴም፥ ዴማ ዴማ ዳንጋና ዔያታ ጌሰቲኔ፤ ያኣሲ ማሊሂያ ዔያታ ኬኤዚሂ ዓርቄኔ።

7 ዩንሂ ዓሰንሂኮ ፓይዳ ታጳ ላምዎ ማዓያኬ።

8 ዒማና ጳውሎስ ዓይሁዶ ዓሶኮ ቡኪንቶ ቤዞ ዓኣዲ ሃይህ ዓገሊጉዴያ ያኣሲ ካኣቱሞ ዛሎ ማርሚሂና ሃህ ዴሮሞ ቡሊ ኬኤዚ ኬኤዚ ጫርቁ ዔርዜኔ።

9 ፔቴ ፔቴ ዓሳ ጋዓንቴ ዒናፓ ዒዲሂና ጎዳሂኮ ጎይዎ ዴሮ ቤርታ ጫሽኪ ጫሽኪ «ኑ ዒዛ ጉሙርቃዓ» ጋዓዛ ዔያቶ ዒ ሃሺ ዴንዳዎ፥ ኪሪሰቶሴ ጉሙርቃዘንሂ ሌሊ ዔኪ ዓኣዲ ዲራናሴ ጌይንታ፥ ዓሶ ዔርዘ ዳላጎ ማኣሮይዳ ቢያ ኬሊ ዔርዛኔ።

10 ጳውሎስ ላምዎ ሌዔ ጉዴያ ዒዚ ጎይዎ ዒኣካ ማዳኔ፤ ዒማና ዒሲያ ዓጮይዳ ናንጋ ዓይሁዶ ዓሶንታ ዓይሁዴ ማዒባኣ ዓሶንታ ቢያ ጎዳኮ ቃኣሎ ዋይዛኒ ዳንዳዔኔ።

ጳውሎስ ዛሎና ማዲንቴ ባኮ

11 ኮሺ ዲቃህ፥ ፔ ዋልቄና ማዲንታ ዓኪ ባኣዚ ጳውሎስ ዛሎና ያኣሲ ማዳኔ።

12 ዩያይዳፓ ዔቄያና ጳውሎስኮ ዑዎ ሄሌ ዓፒሎንታ ማኣዓሂንታ ዓሳ ዔኪ ዔኪ ሃርገንቴ ዓሶ ዑዎ ካንህዛ ዶርዓሂዳፓ ዓሳ ዳቃኔ፤ ሃህ ፑርቶ ዓያናኣ ዓሶይዳፓ ኬሰካኔ።

13 ፑርቶ ዓያና ዓሶይዳፓ ኬሲ ኬሲ ሃንታ ፔቴ ፔቴ ዓይሁዶ ዓሳ፡- «ጳውሎስ ኬኤዛ፥ ዩሱሴ ሱንዎና ቢንሂ ኬሰካንዳጉዳ ኑ ቢንሂ ዓይህኔ» ጌዒ ጌዒ ፑርቶ ዓያና ዓሶፓ ኬሳኒ ማሌኔ።

14 ዩኖ ማዳሂ ዓይሁዶ ቄኤሶኮ ሱኡጋሂ፥ ዓሰቁዋ ጎዎሂኮ ለንካይ ናይሰኬንሂኬ።

15 ጋዓንቴ ፑርቶ ዓያናሂ፡- «ዩሱሴ ታ ዔራኔ! ጳውሎስ ዛሎዋ ታ ዔራኔ! ሃይ ቢንሂ ዎናንሂዳዎ?» ዔያቶ ኮራ ጌዔኔ።

19:4 ማቴ. 3:11፤ ማር. 1:4፤7-8፤ ሉቃ. 3:4፤ 16፤ ዮሃ. 1:26-27።

16 ዲማና ፑርቶ ዲያና ዳርቁ ዳሢ ኮኦሚ ጨኩሊ ዳርቁ ዳርቁ ዲያቶ ባሽኔ፤ ዩካፓ ዲያታ ሱጉቲ፣ ኪፃዲ ሃሃ ዳፒላኦ ዲያቶኮ ዳርቁም ጋራፓ ጳሽኪ ኬሰኪ ዳንዴ።

17 ዩይ ባካ ዔፕሶኔይዳ ናንጋ፣ ዳይሁዴ ማዲባኣ ዳሶና ዳይሁዴ ዳሶናም ዋይዚንቴሢሮ ቢያሢ ዲጊጩኔ፤ ጎዳ ዩሱሴኮዋ ሱንፃ ሚርጌና ቦንቸንቴያ ማዔ።

18 ኪሪሰቶሴ ጉሙርቃ ዳሶይዳፓ ሚርጌሢ ፑርቶ ማዶ ፔኤኮ ፔጌና ቡኡፂ ቡኡፂ ሙካኔ።

19 ሚርጌ ማርሻ ማርሻ ዳሳ ፔኤኮ ማርሻሢ ማፃኦፖ ቡኩሲ ዴር ቤርታ ታሚና ሚቹኔ፤ ዩያ ማፃኦፖኮ ሚኦሻ ዶንጊታሚ ሺያ ሱቹ ቢራ ማዳያኬ።

20 ዩያይዲ ጎዳሢኮ ቃኦላ ሚርጌና ዳልጊ ዳልጊ ሃሃ ባሺ ባሺ ዴንዴ።

ዔፕሶኔይዳ ዔቁ ዣላሢ

21 ዩይ ቢያ ማዔሢኮ ጊንፃ ጳውሎሴ ማቁደኒያና ዳካይያ ዳጮ ጊዴና ጌዲ ዩሩሳላሚ ዳኦዲጊ ፔ ማሊሢና ማላያ፡- «ዲኦካ ታ ሄሌሰካፓ ሮሜ ዳጮ ዳኦዲንዲያ ኮይሳኔ» ጌዔ።

22 ዩያሮ ዲዛና ዋላ ማዳ ዳሶይዳፓ ላምፖንሢ፣ ፃሞቴዎሴና ዔራሰፖሴና ማቁደኒያ ዳጮ ዳኪ ዲዚ ፔኤሮ ዲሲያይዳ ዳካ ኬሊ ዴዔ።

23 ዩማና ጎዳሢ ጎይፖ ዛሎና ዔፕሶኔይዳ ዴኤፒ ዣላ ዔቁ።

24 ፔቴ ዲሚዲሮሴ ጌይንታ ሚኦሺ ዲዳሰኬይ ዳርፆሚሴ ጌይንታ ሺኢጲፖ ማኦሮ ማላ ባኦዚ ቢራ ዳንጊና ዲይ ማዢ ማዢ ቢሮ ዲዳ ዳሶም ሚርጌ ባኦዚ ዴንቁሳኔ።

25 ዩይ ዳሢ ዩያቶ፣ ቢሮ ዲዳ ዳሶና ዲያቶጉዴያ ማዶ ማዳ ማሌ ዳሶ ቡኩሳፖ፡- «ዳሲዮቴ! ኑኡኒ ቆሎ ዴንቃሢ ሃሮ ማዶና ማዔሢ ዲንሢ ዔራኔ፤

26 ሃይ ጳውሎሴ ጎፖሢ ሩሲ ኩቸና ማዢንቴ ማላሢ ካኦሽኮ ባኦዚቴዎሴ» ጌዲ ጌዲ ዔፕሶኔ ዳጮይዳ ሌሊቱዎንቴ ዳካ ዳጪ ሌሊ ዳታዛ ዲሲያ ዳጮ ቢያይዳ ዋኦዴ ዳሲ ዲዚ ጎኔኬ ጌይሲ፤ ሃሃ ኪሪሰቶሴ ጉሙርቃንዳጉዲ ማሄቶዎ ዲንሢ ዲንሢ ቶኦኪና ዛጌሢና ዋይዜሢና ጉዲኬ።

27 ዩያ ዛሎና ሃይ ኑኡኮ ማዳ ቦሂንታንዳኔ ጌይሢኬ፤ ሃሃ ዩያ ሌሊቱዎንቴ ዲሲያና ዳጮ ቢያሢናይዳ ዳኦ ዳሳ ቢያ ካኦሽካ፣ ዴኤፖ ዳርፆሚሴ ሺኢጲፖ ማኦራላ ጉሪ ማዲ ዳታኒኬ፤ ዲዞኮ ዴኤፑማኦ ማይ ጋፓኒኬ» ጌዔ።

28 ዓሳ ዬያ ዋይዞያ ዳጋዲ፡- «ዔፕሶኔይዳ ዓኣ ዓርፃሚሴ ሺኢጲያ ማኣራ ዳኤፕኩ!» ጌዒ ጌዒ ዒላቴኔ።

29 ካታሚላ ዬያ ዣላሢዳፓ ዔቁያና ካራ ባይዜኔ፤ ዳራ ሚቁደኒያ ዓጮ ሸይንቲ ማዔ ላምዖ ጳውሎሴኮ ላጎንሢ፤ ጋይዮሴና ዓሪሰፂሮኮሴና ዓርቂ ጎቺ ጎቺ ዳራ ቡኪንታ ቤዞ ዔኪ ጳሽኬኔ።

30 ጳውሎሴ ዬማና ዳሮ ባንሢ ዓኣዳኒ ኮዔንቴ ኪሪሰቶሴ ጉሙርቃ ዓሳ ዒዛ ላኣጌኔ።

31 ዒሲያ ዓጮይዳ ዓኣ ዋይሢ ዓሳይዳፓ ፔቴ ፔቴ ዒዛ ናሽካዞንሢ ጳውሎሴ ኮራ ዓሲ ዳኪ፡- «ኔኤኒ ዓሳ ቡኪንታ ቤዞ ዓኣዲ፣ ዒኢካ ኔ ጳዲዋጉዲ» ጌዒ ዒዛ ሺኢቁኔ።

32 ዒማና ዳሮ ባኣኮይዳ ዳኤፕ ዣላ ዓኣሢሮ ባሽሢ ዓይጎሮ ቡኪንቶቴያ ፔቴታዖ ዔሩዋሴ፤ ዬያይዳፓ ዔቁያና ፔቴ ዓሲ ፔቴ ባኣዚ ጌዒ ዒላታዞ፣ ሚሊሢ ሚሊ ባኣዚ ጌዒ ጌዒ ዒላታኔ።

33 ፔቴ ፔቴ ዓይሁዶ ዓሳ ዒሰኪንዲሬ ጌይንታ ዓሢ ዔቁ ጌሰታንዳጉዲ ሂዖሢጉዲ ዋኦቲ ዳሮ ቤርቶ ሺኢሽኔ፤ ዛሎ ዓሳ ሃሃ ዒዚ ኮሺ ማርማንዳጉዲ ዒዛ ዞሬኔ፤ ዬያሮ ዒሰኪንዲሬ ዳራ ዘቲ ጋዓንዳጉዲ ኩቺና ቤኤዛዖ ጌኤዞ ማሃንዳ ጌኤሲ ጌሰታኒ ጊኢጊንቴኔ።

34 ጋዓንቴ ዒሰኪንዲሬ ዓይሁዳ ዓሲ ማዔሢ ዳራ ዔራዖ፡- «ዔፕሶኔይዳ ዓኣ ዓርፃሚሴ ዳኤፕኩ!» ጌዒ ቢያሢ ፔቴ ዑኡሲና ሚርጌ ኔጊ ዒላቴኔ።

35 ጋፕንዖይዳ ካታሞኮ ፃኣፓሢ ዳሮ ዘቲ ጌይሳዖ፡- «ዔፕሶኔ ዓጪ ዓሲዮቴ! ዔፕሶኔ ካታሞይዳ ናንጋ ዓሳ ዳኤፖ ዓርፃሚሴ ጌይንታ ሺኢጲያ ማኣራሎና ጫሪንጫፓ ኬዳ ዒዞኮ ማላሢና ካፓያ ማዔሢ ቢያሢ ዔራያኬ።

36 ዬያ ዔሩዋሴ ጋዓንዳይ ዖኣኒያ ባኣሢሮ ዘቲዮ ዒንሢ ጋዓንዳጉዲና ሩኡሪ ፑርታ ባኣዚ ማዲሢዳፓ ዒንሢ ካፒንታንዳያ ኮይሳኔ።

37 ጌኤዣ ሺኢጲያ ማኣሮ ቡሪባኣ ዓሲና ኦኡኮ ካኣሽኮ ዖኣዞ ጫሽኪባኣ ዓሲ ሃይካ ዒንሢ ጉሪ ዔኪ ሙኬኔ።

38 ዲሚፂሮሴንታ ዒዛና ዋላ ዓኣ ቢሮ ዲዓ ዓሳ ኬኤዞ ባኣዚ ዓኣቶ ጌኤዞ ዛጊ ዋጊንታኒ ሚሊ ኬሊ ዓኣኔ፤ ሃሃ ዬኖ ዛሎና ቢታንታ ዓኣ ዓሳኣ ዓኣኔ፤ ዒኢካ ዔያታ ሞኦቶንጎ።

39 ሚሊ ዒንሢ ኮዓ ባኣዚ ዓኣታቶ ዳሞቤና ጌሰቲ ዋጋንዳጉዲ ጌይንቴ ዓሳና ዛጊንታንዳኔ።

40 ሃያ ማዲንቴ ባኮ ዛሎና (ዔያታ ዣላሢ ዔቁሲሴኔ) ጌይ ኦና ዖኣጪሱዋጉዲ ኦና ዒጊቻኔ፤ ሃይ ዣላሢና ፑርቶ ባካ ዓይጎ ዛላና

ዔቄይ? ጌይ ኑና የኦጮናቶ፣ ማሂ ኑ ኬኤዘንዳ ባአዚ ባአሴ»
ጌዔኔ።

41 ያዲ ጌዔሰካፓ ቡኪንቶ ላአሌኔ።

20

ጳውሎሴኮ ማቄደኒያና ጌሪኬ ዓጮና ዓአዲያ

1 ዣላሢ ዘቲ ጌዔሰካፓ ጳውሎሴ ኪሪሰቶሴ ጉሙርቃ ዓሶ ፔቲይዳ ዔኤሊሲ ዘሮ ቃአላና ዶዲሺ፡- «ኮሺ ዳዑዋቲ» ጌዔ ማቄደኒያ ዓአዲኔ።

2 ዒዚ ጌዴና ዓአዲ ቤዘይዳ ዓአ ኪሪሰቶሴ ጉሙርቃ ዓሶ ማርጌና ዘሪ ዶዲሺ ዶዲሺ ጌሪኬ ዓጮ ዓአዲኔ።

3 ዒኢካ ዒዚ ሃይሃ ዓገኒ ዳዒ፣ ዩካፓ ዋአያ ካአሚሎና ሶኦሪያ ዓጮ ዓአዲኒ ማሌኔ፤ ጋዓንቴ ዓይሁዶ ዓሳ ዒዛይዳ ፑርታ ማሊሢ ማሊሢ ዒ ዔሬ ዋዶና ማቄደኒያ ዓጮ ጌዴና ዓአዲኒ ጌዔኔ።

4 ጳዲሮሴ ናአዚ ሱሲ ጎሃሢ ቤኤሪያይዳ፣ ዓሪሰዲሮኮሴና ሲኮንዶሴና ቲሰሎንቄይዳ፣ ጋይዮሴ ዳርቤይዳ፣ ቲከቆሴና ዲርፕሞሴና ዒሲያ ዓጮ፣ ሃሃ ዲሞቲዎሴያ ዒዛና ዋላ ዓአዲኔ።

5 ዔያታ ቤርታዲ፣ ቤሪ ዓአዲ ዲርዓዳይዳ ኑና ካፔኔ።

6 ኑኢኒ ጋዓንቴ ላአዶ ሙዒ ቦንቾ ኬሎኮ ጊንፃ ፕልጲሲዮሴይዳ፣ ዋአያ ካአሚሎና ዶንጎ ኬሊ ሃንቲ፣ ዔያታ ዓአ ቤዘ ዲርዓዳ ሄሊ ዒኢካ ላንካይ ኬሊ ኑ ዳዔኔ።

ጳውሎሴ ጋፒንሢ ዲርዓዳ ዓጮ ዘጌሢ

7 ቁዳሜ ዋንቲ ወዴ ባንሢ ካራኒ ዑካእና * ካሃ ሙዒኒ ሃሃ ጎዳ ካዋሢያ ሙዒኒ ፔቲይዳ ኑ ቡኪንቴኔ፤ ጳውሎሴ ዘሮ ጉቲሎ ዓአዲኒ ጌዔያ ማዔሢሮ ቡኪንቴ ዓሶም ሃይሴ ኬኤዘን፣ ሃይሶ ሳዖኮ ዳንዲ ጌዲሚሺ ሄላንዳእና የዶሲ ጌሰቴኔ።

8 ኑኢኒ ቡኪንቴ፣ ኩቦጉዲ ዋሊ ዑፃ ዑፃ ማዢንቴ ማአሮይዳ ማርጌ ፖዒ ዓአኔ።

9 ዔውዲኮሴ ጌይንታ ፔቲ ዳጌሰኬያ ኬኤዖኮ ፑልቶ ካራ ዳዒ ዓአንቴ ጳውሎሴ ጌኤዘ የዶሴሢሮ ዳጌ ናዓሢ ጊንዓ ዓርቃዛ ጊንዒቤቃ ጊንዓሢ ባሺም ዋሊኮ ዑፃ ዑፃ ማዢና ማአሮኮ ሃይሃሳሢዳ፣ ኬዲ ሎአሜኔ፤ ዩካፓ ዓሳ ዔቄሳእና ናማ ሃይቄያኬ።

10 ጋዓንቴ ጳውሎሴ ሎፓ ኬዲ ሂርኪ ጌይ፣ ናማ ኮንቂ ዓርቃዖ፡- «ናማ ሺምፔና ዓአኔ፤ ዲቃቲፖቴ» ጌዔኔ።

* 20:7 ቁዳሜ ዋንቲ ወዴ ባንሢ ካራኒ ዑካእና፡- ጌይንቴዛ ቃልሾ ኬሎኮ ቤርታሳ ኬሎ ጌይዖኬ።

11 ዩካፓ ጳውሎስ ገንሣ ዑያ ኩቦ ማኣር ኬስኪ፡ ጎዳ ካዋሢና ካሦና ኪሪስቶስ ጉሙርቃ ዓሶና ዋላ ሙዔ። ሳዓ ካራንዳያ ሄላንዳኣና ዓሶና ዋላ ጌስታያ ዴንዴ።

12 ዓሳ ሃይቁያ ዳቁ፡ ዴጌ ናዓሢ ማኣሪ ዔኪ ዓኣዴ፤ ሃሣ ኮሺያ ዶዴ።

ጳውሎስ ከ ዲሮዓዳይዳፓ ሚሊዲ ዓኣዲያ

13 ኑኑኒ ጳውሎስ ዔኪ ዓኣዲኒ ማሌሢሮ ቤርታዲ ዋኣያ ካኣሚሎና ዓሶሳ ኑ ዴንዴ፤ ዬያ ኑ ማዴሢ ጳውሎስ ዓሶሳ ዴንዲ ሄላንዳኣና ቶኪና ዓኣዲኒ ኮዔሢሮና ሃሣ ኑ ዬያይዳንዳጉዲ ኑና ዒ ዓይሤሢሮኬ።

14 ዩካፓ ዒዛና ኑ ዓሶሳይዳ ካኣማያ፡ ዋኣያ ካኣሚሎ ዒዛ ቶጊሲ ዔኪ ሚሊዲ ዓጮ ዋላ ኑ ዓኣዴ።

15 ዩካፓ ዚሮ ጉቴሎ ዔቂ ኪዮሴ ጌይንታ ዓጮኮ ቤርቶ ዛላ ዓኣ ቤዞ ኑ ሄሌ፤ ላማሳ ኬሎ ሳሞኔ ፒንቃያ ጉቴና ሚሊዲ ኑ ሄሌ።

16 ጳውሎስ ዒሲያይዳ ዋዶ ጉሪ ኩርሱዋጉዲ ጌዒ ዔፕሶኔ ዓጮኮ ኮርሳ ዓኣዲኒ ኮዔ፤ ዓይጎሮ ጌዔቶ ዓይሁዶ ዓሶኮ ጳንዴቆስዴ ጌይንታ ቦንቾ ኬሎ ዋይቴቴያ ዩሩሳላሜ ሄላኒ ዒ ማሌሢሮኬ።

ጳውሎስ ዔፕሶኔ ሺኢዲያ ማኣር ጨሞሞ ኬኤዜ ዔልቃሞ

17 ጳውሎስ ሚሊዲዳፓ ዔፕሶኔ ከኢታ ዳኪ፡ ሺኢዲያ ማኣርኮ ጨሞ ዔኤሊሴ፤

18 ዩካፓ ዔያታ ዒዛ ኮራ ሙካዛ ዒዚ ዔያቶሞ ኬኤዛያ፡ «ዒሲያ ዓጮ ታ ጌሌ ኬላፓ ዓርቂ ቢያ ኬሊ ዒንሢና ዋላ ታኣኒ ዋይቲ ናንጌያታቴያ ዒንሢ ዔራ፤

19 ዓይሁዶ ዓሳ ታ ጊዳ ፑርቶ ማዳ ዛሎና ሜታ ታና ሄሌታቴያ ጉቤ ዒናፓ ማዔ ሸሌዑሞና ሃሣ ሚርጌ ዓቢሢና ታ ጎዳሢሞ ታ ማዴ።

20 ዓሳ ቡካ ቤዘይዳ ማሞ ዒንሢኮ ማኣራ ማኣራ ታ ዒንሢ ዔርዛ ዋዶና ዒንሢሞ ኮይሳ ባኣዚ ቢያ ታ ኬኤዜ፤ ፔቴታያ ዓይሴ ባኣዚ ባኣሴ።

21 ዓይሁዶ ዓሶ ማዔቶዋ ዓይሁዴ ማዒባኣ ዓሳ ጎሞ ቡኡዲ ያኣሲ ባንሢ ሙካንዳጉዲና ሃሣ ጎዳ ዩሱስ ኪሪስቶስ ጉሙርቃንዳጉዲ ዔያቶሞ ታ ላቴ።

22 ሃሢያ ታ ዒኢካ ሄላዛ ታ ጊዳ ዓይጌ ማዲንታንዳቴያ ታ ዔሩዋያ፡ ዓያና ጌኤሺሞ ዓይሢንቲ ዩሩሳላሜ ታ ዓኣዴ።

23 ጋዓንቲ ታ ዔራሢ ታኣኒ ዴንዳ ካታሞይዳ ቢያ ቴኤሲና ሜቶና ታና ሄላንዳሢ ዓያና ጌኤሺ ታኣሞ ላቲ ኬኤዜማ ሌሊኬ።

24 ታኣኒ ጋዓንቴ ታኣኮ ማዳ ኩንሢንቴ ሃሣ ጎዳ ዩሱሴ ታኣም ዒንገ ማዳ ታ ማዳንቴ ሃይቁቴያ ሜታ ባኣሴ፤ ታኣኮ ማዳ ያኦሲ ፔ ኮሹሞና ታኣም ዒንገ ኮዠ ሃይሶ ኬኤዚሢኮ።

25 «ሃኖ ሄላንዳኣና ዒንሢሢ ሲያሢ ባኣካ ታ ሃንቴ ሃንቴ ያኦሲኮ ካኣቱሞ ዛሎ ኬኤዚኤ፤ ሃይካፓ ሴካ ጋዓንቴ ዒንሢሢ ፔቴ ዓሲታያ ታኣኮ ዓኣፖ ካሮ ማሊ ዛገንዲሞኣሢ ታ ዔራሬ።

26 ዓካሪ ዒንሢሢ ፔቴ ዓሲታያ ባይቁቶ ታና ያኦጪሳ ባኣዚ ባኣያ ማዓሢ ሃኖ ታ ዒንሢሢ ኬኤዚኤ።

27 ዓይጎሮ ጌዔቶ ያኦሲኮ ማሊያ ሲያ ዒንሢሢ ታ ኬኤዚያፓዓቴሞ ፔቴታያ ታ ዓይሴ ባኣዚ ባኣሴ።

28 ዓያኖ ጌኤዠ ቆልሞኮ ሄንቃ ዓሲ ማሃ ዒንሢሢ ደኦሬኤ፤ ዓካሪ ዒንሢሢ ቶኣኮና ዒንሢሢ ሄንቃ ቆልሞ ዛሎናሮ ዒንሢሢ ኮሺ ዔሩሞቴ፤ ጎዳ ፔ ሱጉያና ሻንቁ ፔኤሞ ማሃ፡ ሺኢጲያ ማኣሮ ዓሶ ሄንቁሞቴ።

29 ታኣኒ ዓኣዳሰካፓ ቆልሞሞ ሚጪንቴሞያ፡ ያኣዮጉዴ ዓሲ ዒንሢሢ ባኣኮ ጌላንዳሢ ታ ዔራሬ።

30 ዩያጉዲ ሃሣ ዒንሢሢ ባኣካፓ ፔቴ ፔቴ ዓሲ ዔቁ ኪሪሰቶሴ ጉሙርቃ ሚርጌ ዓሶ ፔ ባንሢ ማሃኒ ሞሶ ማዔ ዔርዚሢ ዔርዘንዳኤ።

31 ዩያሮ ዒንሢሢ ፔቴ ፔቴሢ ታኣኒ ሃይሃ ሌዔ ሞንቴና ሮኦሪና ዓቢሢና ዩኤኪ ዩኤኪ ዛሪያ ማዔሢ ጳቂሢ ጳቂሢ ደዲሞቴ።

32 «ሃሢ ታኣኒ ያኦሲ ዒንሢሢ ካፓንዳጉዲ ዒዛሞ ዓኣሢ ዒንጋኤ፤ ዒንሢሢ ያኦሲኮ ዳኤፖ ኮሹሞ ዛሎ ኬኤዛ፡ ኪኢቶ ጳቂሢሞቴ፤ ዩይ ኪኢታ ዒንሢሢ ማኣዳንዳኤ፤ ሃሣ ያኦሲ ዓሶ ማዒያና ዒንሢሢ ማዔ ባኮ ዒንሢሢ ማዒንጋንዳኤ።

33 ታኣኒ ያኦኮ ቢራኣ ማዖሞ ሞርቁ፤ ሃሣ ማኣያሞ ዛገ ሱኡካዲ ባኣሴ።

34 ታ ኩቸና ማዲ ማዲ ታናንታ ታ ላጎንታ ታኣኒ ማኣዳሢ ዒንሢሢ ዒንሢሢ ቶኣኪና ዔራሬ።

35 «ዔዔካያይዳፓ ባሺ ዒንጋያ ዓንጂንቴያኬ» ጋዓ፡ ጎዳ ዩሱሴኮ ቃኣሎ ጳቂሢ ጳቂሢ ኑ ኩቻ ኑ ማዲ ማዲ ላቢንቴ ዓሶ ማኣዳንዳያ ኮይሳሢ ሚርጌ ጎይሢና ታ ዒንሢሢ ዳቁኤ» ጌዔ።

36 ዩካፓ ጳውሎሴ ሲያሢና ሞላ ጉሞዓቴ ያኦሲ ሺኢቁኤ፤

37 ዓማና ሲያሢ ዩኤካያ፡ ጳውሎሴ ኮንቁ ኮንቁ ሄርቁኤ።

38 ፔቶ ዔያቶ ኮሺ ያዩሴዛ፡ «ሃካፓ ሴካ ታኣኮ ዒንሢሢ ዓኣፖ ካሮ ዛገንዲሞሴ» ዒዚ ጌዔዞኬ። ዩካፓ ዳንዲ ሞኣያ ካኣሚሎ ሄላንዳኣና ዒዛ ዔያታ ጎይሣ ዓኣሣኤ።

21

ጳውሎስኮ ዩሩሳሌሜ ዓኣዲያ

1 ዔያቶይዳፓ ኑ ዲማዳሣኒኮ ጊንፃ ዋኣፃ ካኣሚሎ ቶጊ ዔዔቃፃ ቆሴ ጌይንጎ፥ ዋኣሣ ሳዛይዳ ዓኣ ዓጪ ኑ ዓኣዳኔ፤ ዩካፓ ዚሮ ጉቴሎ ዋኣፃ ሳዛ ዓኣ ሩዴ ጌይንጎ ዓጪ ኑ ሄሊ፥ ዒኢካፓ ጳፂራ ካጎሞ ኑ ዴንዴ።

2 ዒዛ ቤዘይዳፓ ፒንቄ ዓጮ ዓኣዳ ዋኣሣ ካኣሚሎ ዴንቃፃ ዒዛ ቶጊ ጊንሣ ኑ ዓኣዲያ ዓርቄ።

3 ዋኣፃ ሳዛይዳ ዓኣ ቆጶሮሴ ዓጮ ሻውሎ ዛሎይዳ ሃሺ፥ ሶኦሪያ ዓጮ ኑ ዓኣዲቤቃ ባዘ ዓጮ ዓኣ ፂሮሴ ኑ ዴንዴ፤ ዓይጎሮ ጌዔቶ ዋኣፃ ካኣሚላ ጫኣጊንቴ ባኮ ዒኢካ ኬይሳንዳፃ ኮይሳሣሮኬ።

4 ዒዛ ቤዘይዳ ኪሪሰቶሴ ጉሙርቃ ዓሶ ኮዒ ኑ ዴንቃፃ፥ ዔያቶና ዋላ ላንካይ ኬሊ ዴዔ። ዔያታኣ ዓያና ጌኤሺ ዔያቶሞ ኬኤዛዘ ጳውሎስሞ፡- «ዩሩሳሌሜ ዴንዲፓ» ጌይ ኬኤዘ።

5 ዒኢካ ኑ ዴዓ ዋዳ ጋፔሞ ዔያቶይዳፓ ኑ ዲማዲ ሃንቲያ ዓርቃዘ፥ ቢያሣ ፔኤኮ ላኣሎና ናኣቶና ዋላ ማዒ ካጎሞኮ ዙሎ ሄላንዳኣና ኑና ጎይሣና ዓኣሣ ባዘ ዓጮ ኑና ሄሊሴሞ፥ ዒኢካ ጉሞዓቲ ያኦሲ ኑ ሺኢቄሰካፓ ዋሊ ኑ ሳራሣ ዲማዳ።

6 ዩካፓ ኑኡኒ ዋኣፃ ካኣሚሎ ቶጊ ዴንዳዛ ዔያታ ፔ ማኣሮ ባንሣ ማዔ።

7 ፂሮሴይዳፓ ዒቂ ባዘ ጊዴና ሃንቲያ ኑ ኩርሰሰካፓ ጳፂሎማይሴ ጌይንጎ ዓጮ ሄሊ፥ ዒኢካ ኪሪሰቶሴ ጉሙርቃ ዓሶና ዋላ ካኣሚ ዋሊ «ኮሺዳ?» ጌዔሰካፓ ዔያቶና ዋላ ፔቴ ኬሊ ኑ ፔኤቄ።

8 ዚሮ ጉቴሎ ዒኢካፓ ኬሰኪ ቂሳሪያ ዓጮ ዓኣዲ፥ ዒኢካ ያኦሲ ማኣራ ማዳንዳጉዲ ዶኦሪንቴ ላንካዎ ዲያቆኖንሣዳፓ * ፔቴሣ ማዔ፥ ኮዥ ሃይሶ ኬኤዛ፥ ፒልጶሴ ማኣሪ ጌላፃ ዒዛና ዋላ ኑ ዴዔ።

9 ዒዛኮ ያኦሲ ማላሣ ኬኤዛ፥ ያይዳ ዉዲሮ ናይ ዓኣ።

10 ሚርጌ ኬሊ ዒኢካ ኑ ዴዔሰካፓ ዓጋሶሴ ጌይንጎ ያኦሲ ማላሣ ኬኤዛሰኬይ ዩሁዳ ዓጫፓ ሙኬ።

11 ዩይ ዓሣ ኑ ባንሣ ሙካፃ ጳውሎስኮ ቃልሾ ዔኪ ፔኤኮ ኩጮና ቶኮና ቱኪ፡- «ዓያና ጌኤሺ ሃሮ ቃልሼሎኮ ዓዶ

* 21:8 ዲያቆኖ፡- ጌይንጎ ዓሳ ሺኢጲያ ማኣሮይዳ ዎይሣ ዓሶ ዴማ ማዒ ዴማ ማዶ ማዳ ዓሲኬ፤ ዩና ዓሳ ሚና ዎዶና ባሼ ሺኢጲያ ማኣሮይዳ ዜኤሮ ዒንዶና ሜታዳ ዓሶናሞ ኮይሳ ባኣዚ ዒንጊ ዒንጊ ቶኦኮ ዛጋያኬ። 21:8 ዳኪ. ማዶ 6:5፤ 8:5።

ዩሩሳሌም ደባዳ ዓኣ፡ ዓይሁድ ዓሳ ሃይማይዲ ቱኪ ዓይሁዳ ማዒባኣ ዓሰም ዒንጋንዳኔ ጋዓኔ» ጌዔኔ።

12 ዬያ ኩኩኒ ዋይዘያ ኩናንታ ዒኢካ ዓኣ ዓይሁድ ዓሰንታ ጳውሎሴ ዩሩሳሌም ዳንዲዋጉዲ ሸኢቁኔ።

13 ጳውሎሴ ጋዓንቴ፡- «ሃያይዲ ዩኤኪ ዩኤኪ ዓይጎር ዒንሢ ታኣኮ ዒኖ ዲኡዛይ? ታኣኒ ጎዳ ዩሱሴ ሱንፆ ዛሎር ዩሩሳሌም ደባ ቱኡቲሢር ሌሊቱዋንቴ ሃይቃኒያ ገኢገንቴያኩ» ጌዒ ማሃኔ።

14 ኑ ዘራ ዘር ዒ ዔኮ ዒፃዛ፡- «ማይ ፆኦሲ ማላሢ ማፖንጎ» ጌዒ ኑ ሃሼኔ።

15 ዒኢካ ኩኩኒ ዳካ ከሊ ዳዔሰካፓ ኩኩኮ ዓኣ ማሆ ኑ ገኢገሺ ዩሩሳሌም ዓኣዳኔ።

16 ቁሳሪያይዳ ዓኣ፡ ፔቴ ፔቴ ኪሪሰቶሴ ጉሙርቃ ዓሳ ኩኩ ሙኪ፡ ሚናሶኔ ጌይንታሢ ማኣራ ኑ ዳዓንዳጉዲ ዒዛ ማኣር ኩና ዳዌኔ። ዩይ ዓሢ ቤርታዲ ኪሪሰቶሴ ጉሙርቁያ፡ ቆጲርሴ ዓጮይዳ ሸይንቴ ዓሲኩ።

ጳውሎሴ ዩሩሳሌም ደባዳ ያይቆኦቤ ዛጌሢ

17 ዩሩሳሌም ኑ ሄላዛ ኪሪሰቶሴ ጉሙርቃ ዓሳ ዋዛና ኩና ሸኣቸንሢ ዔኩኔ።

18 ዚር ጉቴሎ ጳውሎሴ ኩኩና ዋላ ያይቆኦቤ ኮራ ዓኣዳኔ፤ ዒኢካ ሸኢጲያ ማኣርኮ ጨማ ዓኣኔ።

19 ጳውሎሴ ቢያሢ «ኮሺዳ?» ጌዔሰካፓ ዒዛ ዛሎና ዓይሁዳ ማዒባኣ ዓሰ ባኣካ ፆኦሲ ማዳ ባኮ ቢያ ፓይዲ ፓይዲ ከኤዜኔ።

20 ዬያ ዋይዜ ዋዶና ቢያሢ ፆኦሲ ጋላታፆ ጳውሎሴም፡- «ዒሻሢ! ሚርጌ ሸያና ፓይዲንታ፡ ኪሪሰቶሴ ጉሙርቃ ዓሲ ዓይሁድ ዓሰ ባኣካ ዓኣያ ማዔሢና ሃሢ ቢያሢ ሙሴ ዔርዜ ዋጎ ዓርቁ ካፓያ ማዔሢ ኔኤኒ ዔራኔ፤

21 ኔኤኒ ዓይሁዳ ማዒባኣ ዓሰ ባኣኮይዳ ናንጋ፡ ዓይሁድ ዓሰ ቢያ ሩኣቶኮ ዒንሢኮ ዓቲንቶ ቤርቶ ቲቁፖቴ፤ ሃሢ ዋጎዋ ኩንሢፖቴ ጌዒሢና ሙሴ ዔርዜ ዋጎ ዓሳ ሃሻንዳጉዲ ማሃኔ ጌይንቴሢ ኑ ዋይዜኔ።

22 ማይ ዋዳቴ ኮሸካንዳይ? ሙኪያ ኔኤኮ ዔያታ ጎኔና ዋይዘንዳኔ፤

23 ዬያር ኩኩኒ ጋዓ ባኮ ማዳ፤ ኑ ባኣኮይዳ ናኣቢ ዓኣ ፆይዶ ዓሲ ዓኣኔ።

21:21 ዳኪ. ማዳ 11:28። 21:23 ፓይ. ማፃ 6:13-21።

24 ዔያቶ ዔኪጋፓ ዔያቶና ዎላ ማዒ ኔና ጌኤሹ፤ ቶኦኮ ጋፓድ ዔያታ ጉኡሊንታንዳጉዲ ጌኤዡ ማኣሮም ዒንገንታ ማኢሾ ዔያቶም ጨጌ፤ ዩያ ኔ ማዳቶ ኔ ዑዳ ጌሰቲንታ ጌኤዛ ጉሪ ማዔሢና ኔኤኒያ ኔ ቶኦኪና ሙሴ ዔርዜ ዎጎ ኩንሣያ ማዔሢ ሲያሢ ዔራንዳ።

25 ኪሪሰቶሴ ጉሙርቃ፡ ዓይሁዴ ማዒባኣ ዓሶ ዛሎ ጋዓንቴ ለማሌ ካኣሺም ሹኪንቴ፡ ዒኢቲ ባኣዚ ሙዒፖቴ፤ ሱጉሢያ ዑሽኪፖቴ፤ ሱጉሢ ሾኦቲ ባኣንቴ ጨኡሊንቲ ሃይቄ ቆልም ሙዒፖቴ፤ ማሻ ሃሣ ዓኒ ማዒባኣያና ላሃሢና ዩያጉዴ ባኣዚ ማዲፖቴ፤ ጋዓያ፡ ኦኡኒ ዎላ ጌሰቲ ዔቂሴ ኪኢታ ዔያቶም ኦ ዳኪኔ» ጌዔ።

26 ዩካፓ ጳውሎሴ ዓሶንሢ ዔኪ ዚሮ ጉቴሎ ዔያቶና ዎላ ዑዳ ጌኤሾ ዎጎ ኩንሢ፤ ጌኤሽኪንቶ ኬላ ዎኣዒ ማዓቴያ ሃሣ ፔቴ ፔቴ ዓሶ ዛሎ ያኦሲም ዒንጎ ባካ ዒንገንታሢ ዓይዲታቴያ ዔርዛኒ ጌኤዡ ማኣሪ ዒ ጌሌ።

ጳውሎሴ ጌኤዡ ማኣሪ ዓርቂንቴሢ

27 ላንካዎ ኬላ ጋፓኒ ዑካዛ ዒሲያ ዓጮይዳፓ ሙኬ ዓይሁድ ዓሳ ጳውሎሴ ጌኤዡ ማኣሪ ዓኣንቴ ዛጋዖ፡ ዴሪ ሲያ ዒዛይዳ ፑርታ ማሊሢና ዔቃንዳጉዲ ማሃ ዒዛ ዓርቂ፤

28 ዩካፓ ዔያታ፡- «ዒሰራዔኤሌ ዓሲዮቴ! ኦና ዓልቁዎቴ፤ ኦኡኮ ዴሮንታ ሙሴ ዔርዜ ዎጎንታ ሃሣ ሃያ ጌኤዡ ማኣሮም ጨሽኪ ጨሽኪ ዓጮ ሲያይዳ ዓኣ ዴሮ ሲያ ዔርዛሢ ሃያ ዓሢኬ፤ ዩይ ዒዛም ገዶ ዒፄም ዓይሁዴ ማዒባኣ ዓሶ ጌኤዡ ማኣሪ ጌልዚ ሃያ ያኦሲም ዳማዳ ሴዘዎ ዒኢሳሣሢ ዒዛኬ» ጌዒ ጌዒ ዒላቴ።

29 ዩኖ ዔያቶ ጌይሴሢ ዩያኮ ሴርታ ዔፕሶኔ ዓጮይዳ ሾይንቴ ዒሮፒሞሴ ጎዖሢ ጳውሎሴና ዎላ ካታሞይዳ ዓኣንቴ ዔያታ ዛጌሢሮ ዒዚ ዩያ ዔኪ ጌኤዡ ማኣሪ ጌሌያ ማሌሢሮኬ።

30 ዩያሮ ካታማ ሲያ ዎኦቶንዶ ጎይሢ ባይዜ፤ ዩማና ዴራ ሲያ ፔቱዎና ጳሽኪ ጳሽኪ ሙካዖ ጳውሎሴ ዓርቂ ጎቺ ጌኤዡ ማኣራፓ ኬሲ፡ ጌኤዡ ማኣሮኮዎ ካሮ ዑኬና ዎዳ።

31 ዓሳ ጳውሎሴ ዎዳኒ ማላዛ፡- «ዩሩሳላሜ ካታማ ዎኦቶንዶ ጎይሢ ባይዜ» ጋዓ ኪኢታ ሮማ ዓጮኮ ፖኦሊሶ ዓይሣሢም ዎይዘንቴ።

32 ዩያሮ ዒዚ ዒዛኮ ካፓ ዓሶና ፄኤቶ ፖኦሊሶ ዓይሣ ዓሶዎ ፔኤና ዎላ ዔኪ ዑኬና ጳሽኪ ጳሽኪ ዓሶ ባንሢ ዴንዴ፤ ዓሳ ዩያ

21:25 ዳኪ. ማዳ 15:29። 21:29 ዳኪ. ማዳ 20:4።

ሮሜ ዓጮ ፖኦሊሶ ዓይሣሢንታ ኮራ ካፓ ዓሶዋ ዳንቃያ ጳውሎስ ጳርቂያ ሃሺኔ።

33 ሮሜ ዓጮ ፖኦሊሶ ዓይሣሢ ጳውሎስ ዓርቂ ላምዎ ካኒ ቢራታና ቱኪንታንዳጉዲ ዓይሢኔ። ዩካፓ ዒዚ ዖናታቴያ ሃሣ ዓይጎ ማዳቴያ ዔራሲ ዖኦጮኔ።

34 ዒማና ዴራ ዴማ ዴማ ባአዚ ጋዓያ ሃሣ ዒላታያ ማዔሢሮ ፖኦሊሶ ዓይሣሢ ፒዜ ጌኤዛ ዎናታቴያ ዔራሲ ዳንዳዒባአሴ፤ ዩያሮ ዔያታ ፖኦሊሳ ዓአ ቤዞ ጳውሎስ ዔውታንዳጉዲ ዓይሢኔ።

35 ጳውሎስ ኬኤሎ ዑዖ ኬሰካዛ ዴራ ቢያ ሚርጌና ዳጋ ዔቂሲ ፑርታ ባአዚ ማዳኒ ኮዔሢሮ ፖኦሊሳ ኬዲ ዔኪ ዒዛ ዓአዴኔ።

36 ዴራ ዒማና፡- «ዒዛ ዎዎዲዎቴ» ጌዒ ጌዒ ዒላቲና ዒዛኮ ጊንዖ ዓአዴኔ።

ጳውሎስ ጌኤዛ ማሃኒ ጌሰቴ ጌኤሲ

37 ፖኦሊሳ ፔኤኮ ዓአ ቤዞ ዒዛ ዔኪ ጌልዛኒ ዑካኦና ጳውሎስ ሮሜ ዓጮ ፖኦሊሶ ዓይሣሢ ኮራ፡- «ፔቴ ባአዚ ታ ኔኤም ኬኤዛንዳጉዲ ኔ ዓይሣንዳ?» ጌዒ ዖኦጮዛ፡ ዒዚያ ማሃዖ፡- «ኔኤኒ ጊሪኬ ዓጪ ሙኡቸ ዔራ?»

38 ሃሢ ዑኩ ካኦቲም ዎይዞ ዒፃ ዴሮዎ ፑርቲሲ ሃሣ ዓሲ ዎዳ ዖይዶ ሺያ ዓሲያ ዔኪ ዓሲ ናንጉዎ ዳውሎ ፑኒንቴ፡ ጊብፄ ዓጮ ዓሢ ኔናቲዎዓዳ?» ጌዔኔ።

39 ጳውሎስ፡- «ታኦኒ ኪልቂያይዳ ኮሺ ዔርቲያ ማዔ፡ ፄርሴስ ካታሚሎይዳ ሾይንቴ ዓይሁዴ ዓሲኬ፤ ሃዳራ ታኦኒ ዴሮም ኬኤዞም ጌዔቲራ» ጌዔኔ።

40 ዩካፓ ዒዚ ኬኤዛንዳጉዲ ዓይሣዛ ጳውሎስ ኬኤሎይዳ ዔቂ ዴራ ዚቲዮ ጋዓንዳጉዲ ኩቸና ዳዌም ዴራ ዚቲዮ ጌዔሰካፓ ዒብሬ ዓሶ ሙኡቸና ሂዚ ጌዒ ኬኤዚሢ ዓርቂኔ።

22

1 «ታ ዒሾንሦ፡ ታ ዓዶንሦ፤ ሃይሾ ሃሢ ታ ዒንሢም ኬኤዛ ባኮ ዎይዙዎቴ» ጋዓዛ፡

2 ዒዚ ዒብሬ ዓሶ ሙኡጮና ጌሰታሢ ዓሳ ዎይዛዖ ዎንዳሰካፓ ባሺ ዚቲዮ ጌዔኔ፤ ዩካፓ ጳውሎስ ፔኤኮ ጌኤዞ ጌሰታዖ ሂዚ ጌዔኔ፡-

3 «ታኦኒ ኪልቂያይዳ ዓአ ፄርሴስ ካታሞይዳ ሾይንቴያ ዓይሁዴ ዓሲኬ፤ ታኦኒ ዲጩሢያ ሃኖ ዩሩሳላሜ ካታሞይዳኬ። ዓዶንሢ

ዎጎ ኮሺ ታኣኒ ዔሪ ዓዳ ሃሢ ዒንሢ ማዳ ጎይፆ ዒናፓ ናሽኪ ፆኦሲም ታ ማዳያኬ፤ ታና ዔርዜሢ ጌማሊያሌ ጎሆሢኬ።

4 ሃኖ፣ ጎዳ ጎይፆ ሃንታ ዓሶ ቢያ ታ ዳውሳያኬ፣ ዛሎ ታ ዎዲያ ዎዳኔ፤ ዓቲንቆንታ ላኣሎንታ ዓርቂ ዓርቂ ቱኡዞ ማኣራ ታ ቱኡሳኔ።

5 ዬይ ጎኔ ማዒፆ ቄኤሶኮ ቢያ ሱኡጋሢና ዎጎ ዎጋ ዓሳ ቢያ ታኣም ማርካዳንዳኔ። ዬያ ሌሊቱዎንቴ ዳማሰቆይዳ ዓኣ ዬኖጉዳ ዓሶ ቱኪ ዬሩሳላሜ ዔኪ ሙኪ ሜታሳኒ ዳንዳዒሳ ፆኣፒንቴ ኪኢታ ዳማሰቆይዳ ዓኣ ቢቶ ዓሶም ዒንጋኒ ታ ዔኬሢያ ቄኤሶ ቢያኮ ሱኡጋሢንታ ዬያቶ ዎጎ ዎጋ ዓሶንታፓኬ።

ጳውሎሴ ኪሪሰቶሴ ባንሢ ማዒ ጎይፆ ኬኤዜሢ
(ዳኪ. ማዶ 9:1-19፤ 26:12-18)

6 «ዬያይዲ ዔኪ ታኣኒ ዳማሰቆ ዳንዲ ካታዎኮ ዑካኣና ዓባ ሳዛ ጫርጌ ዎደይዳ ታ ዔሩዎንቴ ዳኤፒ ዓኣፒዳ ዴካ ፖዒ ታ ኮይላ ፖዔ።

7 ዓማና ታኣኒ ቶጊ ዓኣዳ ባካፓ ሳዓ ሎኦሚ ሳውሌ! ሳውሌ! ኔ ታና ዓይጋ ዳውሳይ? ጋዓ ዑኡሲ ዎይዜ።

8 ታኣኒ ሳዳሢዮ! ኔ ፆናዳይ? ጌዔ፤ ዒዚያ ማሃፆ ታኣኒ ኔ ታና ዳውሳ ናዚሬቶ ዬሱሴኬ» ጌዔ።

9 ታኣና ዎላ ዓኣ ዓሳ ፖፆ ዛጌያፓዓቱም ዒዚ ታኣና ዎላ ጌሰታኣና ዎዚ ጌዔቴያ ዑኡዞ ዔያታ ዎይዚባኣሴ።

10 ታኣኒያ ሳዳሢዮ! ታ ዓይጎ ዎደንደይ? ጋዓዛ፣ ጎዳሢ ታኣም ኬኤዛፆ ሃሢ ዔቂጋፓ ዳማሰቆ ዓኣዳ፤ ኔ ማዳንዳ ባካ ቢያ ዒኢካ ኔኤም ኬኤዚንታንዳኔ» ጌዔ።

11 ዓኣፓ ታኣኮ ፖዓ ዴኬሢሮ ዛጋኒ ዳንዳዒባኣያ ማዓዛ ታኣና ዎላ ዓኣ ዓሳ ኩጮ ታኣኮ ዓርቂ ጎቺ ታና ዳማሰቆ ሄሊሴ።

12 «ዒኢካ ሃናኒያ ጌይንታ ፔቴ ዓሲሰኬይ ዓኣኔ፤ ዬይ ዓሢ ዳማሰቆይዳ ዓኣ ዓይሁደ ዓሳ ቢያ ዒዛ ጋላታያ፣ ሙሴ ዔርዜ ዎጎዎ ቦንቻ ዓሲኬ።

13 ዒዚ ታ ኮራ ሙኪ ዓጫ ዔቃ፡- ሳሻሢዮ ሳውሌ! ዓኣፓ ኔኤኮ ገንሣ ዛጎንጎ» ጋዓዛ፣ ዬማና ኔጉዎፆ ዓኣፓ ታኣኮ ዛጌም ዒዛኣ ታ ዳንቄ።

14 ዒዚ ታኣም ኦ ዓደንሢ ፆኦዛሢ ኔ ዒዛኮ ማሊፆ ዔራንዳጉዲ፣ ዒላሢ ኔ ዛጋንዳጉዲና ዑኡዞዎ ኔ ዒዛኮ ዎይዛንዳጉዲ ቤርታዲ ኔና ዒ ደኦሬ።

22:3 ዳኪ. ማዶ 5:34-39። 22:5 ዳኪ. ማዶ 8:3፤ 26:9-11።

15 ዬያ ዒዚ ማዳሢ ነ ዛጌ ባኮና ዋይዜ ባኮናኮ ዓሲ ቢያ ቤርቲዳ ዒዛኮ ነ ማርካ ማዓንዳጉዲኬ።

16 ሂዳዎ ሃሢ ነ ዓይጎር ናጋይ? ዔቂጋጋ ዋእዎ ማሰቲ፤ ጎዳ ሸኢቁ ጎሞይዳጋኣ ማሰቲ ጌኤሸኬ ጌዔኔ።

17 «ዬካጋ ዬሩሳላሜ ማዒ ታ ሙኪ ጌኤዦ ማኣርይዳ ሸኢቃኣና ያኦሲ ፔጋሲ ዳዌ ባኣዚ ታ ዛጌኔ።

18 ዬማና ጎዳሢ ታኣም ጴዲ ነኤኒ ታ ዛሎና ኬኤዛ ማርካቶ ነኤኮ ዔያታ ዔኪንዲዋኣሢሮ ኔጉዋዎ ሩኡሪና ዬሩሳላሜይዳጋ ኬሰኬ!» ጌዔኔ።

19 ታኣኒያ ጎዳሢዮ! ዓይሁዴ ዓሶኮ ቡኪንቶ ቤዞ ዓኣዲ ዓኣዲ ኔና ጉሙርቃ ዓሶ ቢያ ታ ቱኬሢና ጳርቁሢ ዔያታ ፔ ቶኦኪና ዔራኔ።

20 ነኤኮ ማርካ ማዔ ዒሰዲጋኖሴ ዋዶዋኣና፣ ታኣኒያ ታ ቶኦኪና ዋዶ ዓሶ ዓጫ ዔቂ ዔያቶና ዋላ ዋዲያ ቃራኬ ጌዔኔ፤ ዓፒሎዋ ታ ዔያቶኮ ካፔኔ፤

21 ጎዳሢ ጊንሢ ሃኬ ዓኣ፣ ዓይሁዴ ማዒባኣ ዜርዎ ባንሢ ታ ኔና ዳካንዳሢሮ ዔቂ ዴንዴ» ታኣም ጌዔኔ።

ጳውሎሴ ሮሜ ዓጪ ዓሲ ማዒያ ፔጋሲ ኬኤዜሢ

22 ዬያ ሄላንዳኣና ዴራ ቢያ ጳውሎሴኮ ጌኤዞ ዋይዛኔ፤ ዬማጋ ዓሳ ዑኡዞ ዴጊዲ፡- «ሃያጉዴ ዓሲ ሳዖይዳጋ ባይቆም! ሃያጉዴ ዓሲ ሸምጉና ናንጋኒያ ኮይሱዋሴ!» ጌዒ ጌዒ ዒላቲኔ።

23 ዒማና ዔያታ ዒላቲ ዒላቲ ማኣዓሢ ፔኤኮ ኬሲ ዠጊ ዠጊ ዓጪያ ሳዓጋ ዔኪ ዔኪ ጫሪንጮ ባንሢ ላኣሌኔ። *

24 ፖኦሊሶ ዓይሣሢ ዬያ ዛጋዖ ጳውሎሴ ፖኦሊሳ ዓኣ ቤዞ ጌልዛንዳጉዲ ፖኦሊሶ ዓይሢ፣ ዴራ ዒዛይዳ ዓይጎር ሃያይዲ ዒላታቲያ ዔራኒ ጳርቁ ጳርቁ ዒዛ ያኦጫንዳጉዲ ዓይሢኔ።

25 ዒማና ዒልዒዳጋ ፑኡሲንቴ ቃልሸና ፒሪ ቱኪ ጳርቃኒ ዔያታ ጊኢጋኣና ጳውሎሴ ዒዛ ኮራ ዔቂ ዓኣ ጂኤቶ ፖኦሊሶ ዓይሣሢ ኮራ፡- «ሮሜ ዓጪ ዓሲ ማዔያ ዋጊንቴባኣንቴ ጳርቃንዳጉዲ ዒንሢም ዓይሢንቴያ?» ጌዔኔ።

26 ጂኤቶ ፖኦሊሶ ዓይሣሢ ዬያ ዋይዞዎ ሮሜ ዓጮ ፖኦሊሶ ዓይሣሢ ባንሢ ዓኣዲ፡- «ኔኤኒ ዋዳኒ ጋዓይ? ሃይ ዓሢ ሮሜ ዓጪ ዓሲኬ!» ጌዔኔ።

22:20 ዳኪ. ማዳ 7:58። * 22:23 ዓይሁዴ ዓሳ ዬያ ማዳሢ ዔያታ ዳጋዳዎ ማዳ ባኣዚታሢሮ ጳውሎሴ ማዳ ባካ ዔያቶ ዳጋሴምኬ።

27 ዬያር ፖኦሊሶ ዓይሣሢ ጳውሎስ ባንሢ ደጨጋፓ፡- «ሂንዳ ታኣሞ ኬኤዜ፤ ኔኤኒ ሮሜ ዓጪ ዓሲዳ?» ጋዓዛ፡ ዒዚያ፡- «ሂዮ» ጌዔኔ።

28 ፖኦሊሶ ዓይሣሢ፡- «ታኣኒ ዒዞ ዓጮ ዓሲ ማዓኒ ማርጌ ማኢሽ ጪጌኔ» ጋዓዛ፡ ጳውሎስ ገንሣ፡- «ታኣኒ ጋዓንቴ ሮሜ ዓጪ ዓሲ ማዓ ዒኢካ ሸሸይንቴያኬ» ጌዔኔ።

29 ዬያር ዒዞ ዖኦጫኒ ገኢገንቴ ዓኣ ዓሳ ኔጉዋዖ ዒዞ ኮራፓ ሸኢኬኔ፤ ፖኦሊሶ ዓይሣሢያ ሮሜ ዓጪ ዓሲ ማዓሣ ካኒ ቢራታና ቱከሴሣር ዒጊጩኔ።

ጳውሎስ ዋጎ ዋጋ ዓሶ ቤርቶ ሸኢኬሣ

30 ዚር ጉቴሎ ፖኦሊሶ ዓይሣሢ ዓይሁዶ ዓሳ ጳውሎስ ዋጎና ዓይሣሳሣኮ ፒዜ ማዓ ካራ ዓይጎታቴያ ዔራኒ ኮዒ፡ ቄኤሶኮ ሱኡጎና ዋጎ ዋጋ ዓሶና ቢያ ቡከንታንዳጉዲ ዓይሣኔ፤ ዬካፓ ጳውሎስ ቱከንቴ ካኖ ቢራቶ ቡሊ፡ ዔያቶ ቤርቶ ዒዞ ዒ ሸኢሸኔ።

23

1 ዬካፓ ጳውሎስ ዋጎ ዋጋ ዓሶ ገዥ ጌዒ ዛጋዖ፡- «ዒሾንሣዮቴ! ሃኖ ሄላንዳኣና ቢያ ዋዴ ዖኦሲ ቤርቶይዳ ታ ናንጌሣ ኮሽ ማሊሣናኬ» ጌዔኔ።

2 ቄኤሶ ቢያኮ ሱኡጋሣ፡ ሃናኒያ ጋዓንቴ ጳውሎስኮ ዳንጎ ባዓንዳጉዲ ኮራ ዔቁ ዓኣ ዓሶ ዓይሣኔ።

3 ዬማና ጳውሎስ ሃናኒያሞ፡- «ኔኤኒ ቦኦሪንታሣና ዑፃ ማኤቸንቴ ኮጫሦ! ኔና ዖኦሲ ጳርቃንዳኔ፤ ዋጌ ጎይሣና ዋጋኒ ሃካ ኔ ዴዒ ዓኣዖ ዋጌባኣ ጎይሣና ታና ጳርቃንዳጉዲ ኔ ዓይሣ?» ጌዔኔ።

4 ዒኢካ ዓኣ ዓሳ ጳውሎስ ኮራ፡- «ቄኤሶ ቢያኮ ሱኡጋሣ ማዓ፡ ዖኦሲሞ ማዳሣ ኔ ጫጫሸካ?» ጌዔኔ።

5 ጳውሎስያ፡- «ዒሾንሣዮቴ! ቄኤሶኮ ቢያ ዒ ሱኡጌ ማዓሣ ታ ዔራባኣሣርኬ፤ ጌኤኮ ማፃኣፖይዳ ሩዔ ጳርኮ ሱኡጋሣ ዑያይዳ ፑርታ ጌኤሲ ጌሰቴፕ ጌይንቴ ፃኣፒንቴኔ» ጌዔኔ።

6 ጳውሎስ ዒኢካ ዓኣ ዓሶይዳፓ ሃካሣ ፔርሴ ዓሲ፤ ዛላ ሶዶቄ ዓሲ ማዓሣ ዔራዖ፡- «ዒሾንሣዮቴ! ታኣኒ ፔርሴ ዓሶ ፃጳፓ ሸይንቴያ ፔርሴ ዓሲኬ፤ ሃይሾ ሃሣ ታኣኒ ዋጎ ዓሶ ቤርቶ ሸኢኬሣ ሃይቄ ዓሲ ዔቃንዳያታሣ ጉሙርቃሣርኬ» ጌዒ ዑኡዞ ፔኤሲ ዳጊዲ ዋጎ ዋጋ ዓሶ ባኣካ ኬኤዜኔ።

23:3 ማቴ. 23:27-28። 23:5 ኬሲ. ማፃ 22:28። 23:6 ዳከ. ማዳ 26:5፤ ፒላጲ. 3:5።

7 ጳውሎስያ ይያ ኬኤዛዛ ፔርሴ ዓሶና ሶዶቄ ዓሶና ባኣካ ዣላ ማዢንቴም ዎጎ ዎጋ ዓሳ ላምዎ ፓቂንቴኔ።

8 ዓይጎር ጌዔቶ ሶዶቄ ዓሳ፡- «ሃይቢፓ ዔቂሢ ባኣሴ፤ ያኦሲኮ ኪኢታንቻኣ ባኣሴ፤ ዓያናኣ ባኣሴ» ጋዓዛ፣ ፔርሴ ዓሳ ጋዓንቴ «ዬይ ባካ ቢያ ዓኣኔ» ጌዒ ጉሙርቃኔ።

9 ዬያር ዴኤፒ ዣላ ዔቂኔ፤ ፔርሴ ፃጳፓ ማዔ ፔቴ ፔቴ ሙሴ ዔርዜ ዎጎ ዔርዛ ዓሳ ዔቃዎ፡- «ኑኤኒ ሃያ ዓሢዳ ፔቴታዎ ፑርታ ባኣዚ ዴንቁባኣሴ፤ ዓያና ሃሣ ያኦሲኮ ኪኢታንቻ ዒዛም ኬኤዜያ ናንዳኔ ኑ ዓይጎ ዔራንዳይ?» ጌዒ ማርማኔ።

10 ዣላሢ ደደ ደደ ዴንዳሢር ዓሳ ጳውሎስ ሾኦሊ ላኣሉዋጉዲ ፖኦሊሶ ዓይሣሢ ዒጊጫዎ፡- «ከዲ ዓሶ ባኣካፓ ጳውሎስ ጎቺ ከሲ ዔኪ ዬዒ፣ ፖኦሊሳ ዓኣ ቤዞ ዔኪ ዓኣዲዋቴ!» ጌዒ ፖኦሊሶ ዓይሣኔ።

11 ዬኖ ዋንቴሎ ጎዳሢ ጳውሎስኮ ኮይሎይዳ ዔቃዎ፡- «ዒጊጫፕ! ዬሩሳላሜይዳ ታኣም ኔ ማርካዴሢጉዲ ሃሣ ሮማይዳኣ ኔ ታኣም ማርካዳንዳያ ኮይሳኔ» ጌዔኔ።

ጳውሎስ ዎዳኒ ዓሶኮ ዎላ ዘርቲዎ

12 ሳዓ ካራዛ ዓይሁዶ ዓሳ ቡከንታዎ፡- «ጳውሎስ ኑ ዎዲዎዎ ሙኡዚያ ሙዒ ዑሽኮ ባኣዚያ ዑሽካዓ» ጌዒ ጫኣቄኔ።

13 ዬኖ ጌዒ ፑርቶ ማሊያና ዎላ ዘርቲ ዓሶኮ ፓይዳ ያይዲታሚፓ ዑሣኬ።

14 ዔያታ ቄኤሶኮ ሱኡጎና ጪሞና ኮራ ዓኣዳዎ፡- « ጳውሎስ ኑኤኒ ዎዲዎዎ ሙኡዚ ሙዒንዲዋሴ» ጌዒ ጫኣቄኔ፤

15 ዬያር ዒንሢ ዎጎ ዎጋ ዓሶና ዎላ ጌሰታዎ፣ ኮሺ ዒንሢ ያኦጫንዳ ባኣዚ ዓኣያ ማሊሲጋፓ፣ ጳውሎስ ዒንሢም ዒዚ ዔኪ ዬዓንዳጉዲ ፖኦሊሶ ዓይሣሢ ያኦጩዋቴ። ኑኤኒያ ዒዚ ሃካ ዒንሢ ቤርቶ ሃላንዳሢኮ ቤርታ ዒዛ ዎዳኒ ጊኢጌኔ» ጌዔኔ።

16 ጋዓንቴ ጳውሎስኮ ዔኤዚማቲ ማዓ፣ ናይሰኬያ ዬኖ ፑርቶ ዘርቶና ማሊጃሎ ዋይዜሢር ፖኦሊሳ ዓኣ ቤዞ ዴንዲ ጌላዎ ሃይሶ ጳውሎስም ኬኤዜኔ።

17 ጳውሎስያ ጃኤቶ ጃኤቶ ፖኦሊሶ ዓይሣዞንሢዳፓ ፔቴሢ ዔኤላዎ፡- «ሃይ ናዓሢ ሮማ ዓጮ ፖኦሊሶ ዓይሣሢም ኬኤዛ ባኣዚ ዓኣያታሢር ዒዛ ቤርቶ ሺኢሹ» ጌዔኔ።

18 ጃኤቶ ፖኦሊሶ ዓይሣሢ ናዓሢ ዔኪ ሮማ ዓጮ ፖኦሊሶ ዓይሣሢ ኮራ ጌላዎ፡- «ቴኡዞ ዓሢ፣ ጳውሎስ ሃይ ናዓሢ ኔኤም

23:8 ማቴ. 22:23፤ ማር. 12:18፤ ሉቃ. 20:27።

ከኤዛ ባኣዚ ዓኣሢሮ ኔ ቤርቶ ዒዛ ሺኢሻንዳጉዲ ታና ሺኢቁኔ»
ጌዔኔ።

19 ሮሜ ዓጮ ፖኦሊሶ ዓይሣሢ ናዓሢኮ ኩጮ ዓርቂ ዶጪሳዎ፡-
«ኔ ታኣም ከኤዛ ባኣ ዓይጎዳይ?» ጌዒ ዒዛ ዲማሲ ያኦጮኔ።

20 ናዓሢያ ዒዛም ከኤዛዎ፡- «ዓይሁዶ ዓሳ ጳውሎሴ ዛሎ
ባኮ ዶዲሺ ያኦጮያ ማሊ ዚሮ ዋጎ ዋጋ ዓሶ ቤርቶ ኔ ዔያቶም
ሺኢሻንዳጉዲ ኔና ያኦጮኒ ዋላ ዘርቴኔ፤

21 ጋዓንቴ ኔ ዔያቶም ዔኤዒፖ፤ ዓይጎሮ ጌዔቶ ዔያታ <ዒዛ ኑ
ዋዲዋዎ ሙኡዚያ ሙዓዓ፡ ዑሽኮ ባኣዚያ ዑሽካዔ» ጌዒ ዋላ ዘርቴ
ጮኣቁ ያይዲታሚፓ ባሽ ዓሲ ዒዛ ዋዲኒ ካቴ ዓኣኔ፤ ሃሢ ዔያታ
ካፓሢ ኔ ዑኡዛ ለሊኮ» ጌዔኔ።

22 ሮሜ ዓጮ ፖኦሊሶ ዓይሣሢያ፡- «ሃያ ኔ ታኣም ከኤዜ ባኮ
ሜሌ ያኦማኣ ከኤዚፖ» ጋዓዎ ናማሢ ዳኮኔ።

ጳውሎሴኮ ቁሳሪያ ዳኪንቴዎ

23 ዩካፓ ሮሜ ዓጮ ፖኦሊሶ ዓይሣሢ ጭቶ ጭቶ ፖኦሊሶ
ዓይሣዞንሢዳፓ ላምዎንሢ ዔኤላዎ፡- «ዲሞኮ ያኦሻ ዎዴ ማዓዛ
ቁሳሪያ ዓጮ ዴንዳንዳ ላምዎ ጭታ ዲማ ዲማ ያልዚ ዓሲ፤
ላንካይታሚ ፓሮና ያላ ዓሲ ሃሃ ላምዎ ጭታ ዋርሢና ያላ ዓሲ
ጌኢሺ።

24 ጊንሣ ጳውሎሴማኣ ፓሮ ጌኢሺሻዎ ዓጮ ዎይሣ ፒልኪሴ ባንሢ
ኮሺና ሄሊሱዋቴ» ጌዔኔ፤

25 ቃሲ ሃሃ ሂዚ ጋዓ ከኢታ ዳኮኔ፡-

26 «ቦንቲንታያና ዓጮ ዎይሣያና ማዔ ፒልኪሴም፤ ሃይ ከኢታ
ዳኪንቴሢ፡- ቁላውዲዎሰ ሉሲያይዳፓኮ፤ ኔ ኮሺዳ?

27 «ሃያ ዓሢ ዓይሁዴ ዓሳ ዓርቂ ዎዲኒ ጋዓንቴ ዒዚ ሮሜ
ዓጪ ዓሲ ማዔሢ ታ ዔሬሢሮ ታኣኮ ፖኦሊሶና ዋላ ታ ሙኪ ዒዛ
ዳቂሺኔ።

28 ዓይጎ ዛላና ዓሳ ዒዛ ዎጎና ዓይሢሳኒ ኮዔቴያ ዔሬኒ ዔያቶኮ
ዋጎ ዋጋ ዓሶ ቤርቶ ዒዛ ታ ሺኢሺኔ።

29 ጋዓንቴ ዔያታ ዓይሢሳኒ ኮዓሢ ፔ ዋጎ ዛሎ ባኣዚና ማዔሢ
ታ ዔሬኔ፤ ሃሃ ሃያ ዓሢ ሃይቢና ቱኡሲናም ሄሊሳ ባኣዚ ባኣሴ።

30 ሃያ ዓሢ ዎዲሢሮ ዒዛይዳ ፑርታ ማሊሢ ማሊንቴሢ ታ ዎይዛዎ
ኔጉዋዎ ኔ ባንሢ ታ ዳኮኔ፤ ዎጎና ዓይሢሳኒያ ኮዓ ዓሳኣ ፔኤኮ ሃይሶ
ኔ ቤርታ ሺኢሻንዳጉዲ ታ ዔያቶም ከኤዜኔ።»

31 ዬያሮ ያሎ ዓሳ ዓይሢንቴ ጎይዎና ጳውሎሴ ዲማ ዔከ፤
ዓንቴጳዲሪሴ ጌይንታ ዓጮ ሄሊሴኔ፤

32 ዚሮ ጉቴሎ ፓራሢና ዋላ ዓኣ ዓሳ ጳውሎሴና ዋላ ዳንዳንዳጉዲ ማሃዖ፣ ዔያታ ጊንሣ ፔ ቤዞ ማዔኔ።

33 ፓራሢና ዓኣ ዓሳ ቁሳሪያ ሄላዖ ዳኪንቴ ከኢቶ ዓጮ ዋይሣሢሞ ዒንጊ፣ ጳውሎሴ ዒዛ ቤርቶ ዔኪ ሺኢሺኔ።

34 ዓጮ ዋይሣሢ ከኢቶ ዛጌሰካፓ ጳውሎሴ ኮራ፡- «ኔ ዓጮኮ ዋኖ ቤዛፓዳይ?» ጌዒ ዖኦጠ፣ ከልቂያ ዓጠሊ ዓሲ ማዔሣሢ ዔራዖ፡-

35 «ኔና ዋጎና ዓይሢሳኒ ኮዓ ዓሳ ሙካዛ ታ ሃይሶ ዋይዛንዳኔ» ጌዒ፣ ካኣተ ሄሮዲሴ ማዠሴ ማኣሮይዳ ዳይሢ ዒዛ ካፓንዳጉዲ ዓሶ ዓይሢኔ።

24

ጳውሎሴ ፒልኪሴ ቤርቶ ሺኢኬሢ

1 ደንጎ ኬሊኮ ጊንፃፓ ቄኤሶኮ ሱኡጋሢ ሃናኒያ ፔቴ ፔቴ ጠሚንታ ጃርጃሉሴ ጌይንታ ዋጌ ኮሺ ዔራዖ፣ ዓሲ ዛላ ጌሰታሰኬያንታ ፔኤና ዔኪ ቁሳሪያ ዓጮ ዳንዳኔ፤ ዔያታ ዳንዲ ዓጮ ዋይሣ ፒልኪሴ ቤርቶ ሺኢኪ ጳውሎሴ ዳቤኔ ጋዓ ባኮ ዛሎ ኬኤዜኔ።

2 ዩካፓ ጳውሎሴ ዓኤሊንቲ ሙካዛ፣ ጃርጃሉሴ ሂዚ ጌዒ ኬኤዚያ ዓርቄኔ፡-

«ቦንቺንታ ፒልኪሴ! ኔ ዛሎና ኑኡኒ ሚርጌ ኮሹሞ ዳንቄኔ፤ ኔኤኮ ኮዡ ዋይሢያና ኑ ዳርሞ ላኣሚንቲሢያ ጴዳኔ፤

3 ዩና ኔኤኮ ኮዡ ማዳ ቢያ ቤዞና ቢያ ዋዳናይዳ ኑ ዔኬሢ ዳኤፒ ቦንቸናኬ።

4 ሃሢ ጋዓንቴ ኔኤኮ ዋዶ ታ ጉሪ ኩርሱሞዖና ሃሢ ታ ኔና ጉሪ ላቢሱሞ ቃሚሢና ታ ኔኤሞ ኬኤዛ ባኮ ሺሌዑሞና ኔ ዋይዛንዳጉዲ ታ ኔና ሺኢቃኔ፤

5 ሃይ ዓሢ ኑኡኮ ፑርታ ደርዖ ማዔኔ፤ ዓጮ ቢያይዳ ዓኣ ዓይሁዶ ዓሶ ቢያሢዳ ዡሎ ዔቁሳኔ፤ ናዡራ ዓሶ ጌይንታ፣ ዲሙሞ ማዠፍ ዓሶኮሞ ዒዚ ዔኪ ዓኣዳሢኬ።

6 ሃሢ ዒዚ ዖኦሲኮ ጌኤዡ ማኣሮ ዒኢሳኒ ጋዓንቴ ኑኡኒ ዓርቄ፣ ኑ ዋጎ ጎይዖና ዋጋኒ ማሌኔ፤

7 ጋዓንቴ ፖኦሊሶ ዓይሣ ሉሲዮሴ ሙኪ ዳኤፒ ዋልቄና ኑ ኩጫፓ ዒዛ ቶሊሲ ዔኪ፣ ዒዛ ዋጎና ዓይሢሳኒ ጋዓ ዓሶሞ ኔ ቤርቶ ሺኢኮንጎ ጌዒ ዓይሢኔ፤

8 ሃይ ኑኡኒ ዒዛይዳ ሺኢሻ ጌኤዛ ቢያ ጎኔ ማዒያ ኔ ኔ ቶኣኪና ዖኦጠ ዔራኒ ዳንዳዓኔ» ጋዓዛ፣

9 ዓይሁዶ ዓሳ፡- «ዩይ ባካ ቢያ ጎኔኬ» ጌዒ ጌዒ ሶኦሬኔ።

ጳውሎስ ፒልኪስ ቤርቶይዳ ጌሰቴ ጌኤዞ

10 ዓጮ ዎይህ፡ ፒልኪስ ኩቻ ዳዊ ጳውሎስ ጌሰታንዳጉዲ ዓይሄኔ፤ ጳውሎስያ ሂዚ ጌዒ ማሄኔ፡- «ሚርጌ ለዔ ሃያ ዓጮኮ ኔ ዎይሃያ ማዔሢ ታ ዔራሢር ታ ጌዳ ሺኢኬ ጌኤዞኮ ማሃያ ኔኤም ኬኤዛሢ ዎዛናኬ፤

11 ዩሩሳላሜይዳ ታ ያኦሲ ዘጊ ካኦሽካኒ ዓኣዴንቴ ታጳ ላምዎ ኬሊዳፓ ባሺንዲዎኣሢ ኔ ኔ ቶኦኪና ዔራኒ ዳንዳዓኔ፤

12 ጌኤዞ ማኦርይዳ ማምዎ ዓይሁደ ዓሶኮ ቡከንቶ ቤዘይዳ ሃሃ ካታዎይዳ ማዔቶዎ ዓይጎ ዓሲናታዎ ታ ማርማንቴ፡ ዴርዎ ዣሎም ታ ዔቁሳንቴ ዔያታ ታና ዴንቁባኣሴ፤

13 ሃሢ ታ ጌዳ ሺኢኬ ጌኤዞኮ ቢያ ጎናሲሢ ማዓንዳ ማርካ ፔቴታዎ ዔያታ ኔኤም ሺኢሻኒ ዳንዳዐዎሴ።

14 ጋዓንቴ ዬያታ ኔኤም ፔጋሲ ኬኤዛኒ ኮዓኔ፤ ዔያታ ሩዚ ሉኡቁ ካኦሽካኔ፤ ጋዓ ጎይዎ ታኣኒ ኑ ዓዶንሢ ያኦዛሢ ካኦሽካኔ፤ ጋዓንቴ ታኣኒ ሙሴ ዔርዜ ዎጎና ያኦሲ ማሊያ ኬኤዛ ዓሶ ማፃኣፖናይዳ ፃኣፒንቴ ባኮ ቢያ ጉሙርቃኔ።

15 ዔያታ ሃጊ ማዓንዳ ዎዞ ጌሃሢጉዲ ኮዡ ዓሶንታ ፑርቶ ዓሶንታ ሃይቢዳፓ ዔቃንዳሢ ታኣኒያ ያኦሲና ጉሙርቃኔ።

16 ዬያር ያኦሲና ዓሲና ቤርቲዳ ጌኤሺ ዒና ታኣኮ ዓኣያ ማዓንዳጉዲ ቢያ ኬሊ ታ ኮዓኔ።

17 «ዩሩሳላሜይዳፓ ታ ኬሰከንቴ ሚርጌ ለዔ ዓኣዴሢኮ ጊንፃ ማንቆ ማዔ ታ ዓሶም ማዓንዳያ፡ ማኣዶ ሚኢሼና ሃሃ ያኦሲም ዒንጊንታ ዒንጎ ባኣዚ ታኣኒ ዔኪ ሙኬኔ።

18 ጌኤዞ ማኦርይዳ ታና ዔያታ ዴንቁሢ ታ ዬያ ማዳንቴኬ፤ ዬማና ዑዎ ጌኤሺያ ካኣዡ ዎጎ ታኣኒ ከንሣኔ፤ ሃሃ ዒኢካ ታኣና ዎላ ሚርጌ ዴሬያ ባኣሴ፤ ዣላኣ ዔቁባኣሴ።

19 ጋዓንቴ ዒሲያ ዓጮይዳፓ ሙኬ ፔቴ ፔቴ ዓይሁዴ ዓሲ ዒኢካ ዓኣኔ፤ ሂንዳ ዔያታ ታና ዎጎና ዓይሢሳኒ ጋዓ ካራ ዓኣቶ ኔ ቤርታ ሺኢኪ ኬኤዞንጎ።

20 ጊንሣ ሃሃ ዎጎ ዎጋ ዓሶ ቤርቶይዳ ታ ሺኢካዎ ማዴ ዳቢንቲ ዓኣቶ ሃሢ ሃይካ ዓኣዞንሢ ኬኤዞንጎ።

21 ጎኔና ታ ዔያቶ ባኣኮይዳ ዔቁ ሃይቁ ዓሲኮ ዔቁሢ ዓኣኔ፤ ጌይዎና ሃሩ ታኣኒ ዎጌም ዒንሢ ቤርቶ ሺኢኬኔ ጌዒ ዴግ ጌዔ ዑኡሲና ታ ኬኤኬኔ፤ ዬማፓ ዓታዛ ማሌ ታኣኒ ማዴ ባኣዚ ባኣሴ» ጌዔኔ።

24:18 ዳኪ. ማዳ 21:17-28። 24:21 ዳኪ. ማዳ 23:6።

22 ፕልኪሴ ጋዓንቴ ጎዳሢ ጎይያ ዛሎ ሚርጌና ዔራያታሢሮ፡- «ፖኦሊሶ ዓይሣ፡ ሉሲዮሴ ሙካዛ ዒንሢ ጌኤዞ ጌሰቲ ታ ኩንሣንዳኔ» ጌዒ ዔያቶ ዳካዖ፡

23 ጳውሎሴ ካፓ፡ ጭቶ ፖኦሊሶ ዓይሣሣም፡- «ፔቶዋ ዒዛ ቃዚ ማታሱዋዖ ዛጊ ካፔ፤ ዒዛኮ ዒጊና ዒዛም ኮይሳ ባኮ ዔኪ ሙካኣና ላኣጊፖ» ጌዔኔ፡፡

ጳውሎሴ ፕልኪሴና ዲሩሲላና ቤርቶ ሺኢኬሣ

24 ዳካ ኬሊኮ ጊንፃፓ ፕልኪሴ ዲሩሲላ ጌይንታ ዓይሁዳ ዓሲ ማዔያ ዒዛኮ ማቸሰከኖና ዋላ ሙኪ፡ ጳውሎሴ ዔኤሊሴስካፓ ዩሱስ ኪሪሰቶሴ ጉሙርቂሢ ዛላ ዒዚ ኬኤዛሢ ዋይዘኔ፡፡

25 ጂሉዋና፡ ዓሲ ፔና ዋይሣንዳ ዛላና ሃሣ ዖኦሲ ሃጊ ቢያሢዳ ዋጋንዳሢ ዛሎ ጳውሎሴ ኬኤዛዛ ፕልኪሴ ዒጊጫዖ፡- «ሃሢ ዴንዳ፤ ጊኢጌቴ ማሌ ኬሊና ታ ኔና ዔኤሊሳንዳኔ» ጌዔኔ፡፡

26 ፕልኪሴ ጳውሎሴይዳፓ ሚኢሾ ዔካኒ ዋዛ ጌሢ፡ ሚርጌ ኬሊ ጳውሎሴ ዔኤሊሲ ዔኤሊሲ ጌሰታኔ፡፡

27 ላምዖ ለዔኮ ጊንፃፓ ጳርቂዮስ ፒሰፆሴ ጎዖሢ ፕልኪሴ ቤዞ ጌሌኔ፤ ፕልኪሴያ ዓይሁዳ ዓሶ ዋዛሳኒ ጳውሎሴ ቱኪንቴ ቤዛ ሃሾኔ፡፡

25

ጳውሎሴኮ ጌኤዛ ሮሜ ካኣቲ ቤርቶ ሺኢኮም ዖኦጪዖ

1 ፒሰፆሴ ፔኤኮ ዒ ዓጮ ዋይሣ ቤዞ ጌሊ ሃይሣ ኬሊ ዴዓዖ፡ ቂሳሪያይዳፓ ዩሩሳላሜ ዓኣዴኔ፤

2-3 ዒኢካ ቂኤሶኮ ሱኡጎና ፔቴ ፔቴ ዓይሁዳ ዓሶኮ ዴኤፖና ጳውሎሴ ማዴ ባኮ ዛሎ ኬኤዛዖ፡- «ጳውሎሴ ሃካ ዩሩሳላሜ ዔኪ ኑም ዩዔቴራ» ጌዒ ዒዛ ኮራ ሚርጌና ሺኢቂኔ፤ ዬያ ዔያታ ጋዓኒ ዳንዳዔሢ ጎይያ ካቲ ጳውሎሴ ዋዳኒ ኮዔሢሮኬ፡፡

4 ፒሰፆሴ ጋዓንቴ፡- «ጳውሎሴ ቂሳሪያይዳ ቱኡዞ ማኣራ ቱኡቲ ካፒንቲ ዓኣኔ፤ ታኣኒያ ሃሣ ዑኩና ማዒ ዒኢካ ዓኣዳንዳኔ፤

5 ዒንሢኮ ዋይሣ ዓሳ ታኣና ዋላ ቂሳሪያ ዓኣዳ፡ ጳውሎሴ ማዴ ዳቢንቲ ዓኣቴ ዒኢካ ዔያታ ዋጊሶንጎ» ጌዔኔ፡፡

6 ፒሰፆሴ ሳሊዳፓ ዴንዲ ታጶ ኬሊ ሄላንዳኣና ዔያቶና ዋላ ዴዔሰካፓ ቂሳሪያ ዓጮ ዓኣዴኔ፤ ዒኢካ ዒዚ ሄላዖ ዚሮ ጉቴሎ ዋጎ ዋጎ ቤዞይዳ ዴዒ ዓሳ ዒዛም ጳውሎሴ ዔኪ ሺኢሻንዳጉዲ ዓይሣኔ፡፡

7 ዩካፓ ጳውሎስ ሙካዛ ዩሩሳላሚያዳፓ ሙኬ ዓይሁድ ዓሳ ዒዛኮ ዓጮ ማንጊ ዔቃዎ ዒዛ ላሣንዳ ማርካ ዳንቃኑዋያ ማርጌ ዴኤሢ ሃይሴ ዒዛይዳ ሺኢሸኔ፤

8 ጳውሎስያ፡- «ታኣኒ ዓይሁድ ዓሶኮ ዎጎይዳ ማዔቶዎ ጌኤዦ ማኣርይዳ ሃሣ ሮሜ ዓጮኮ ካኣቲ ዑዎይዳ ማዴ ዳቢንቲ ባኣሴ» ጌዒ ማሂ ኬኤዘኔ።

9 ፒሰዎሴ ጋዓንቴ ዓይሁድ ዓሶ ዎዛሳኒ ኮዓዎ ጳውሎስ ኮራ፡- «ዩሩሳላሚ ዓኣዲ ሃያ ባኮ ዛሎ ዒኢካ ታ ቤርታ ኔ ሞኦታኒ ዴንዲንዳዋይ?» ጌዔኔ።

10 ጳውሎስ ጋዓንቴ ሂዚ ጌዒ ማሄኔ፡- «ሃይሾ ታኣኒ ሞኦቲንታኒ ታና ኮይሳ፣ ሮሜ ዓጮ ካኣቲኮ ዎጎ ቤዛ ዔቁኔ፤ ኔኤኒ ኮሺ ዔራሢጉዲ ዓይሁድ ዓሶይዳ ታኣኒ ፔቲታዎ ማዴ ዳቢንቲ ባኣሴ፤

11 ታኣኒ ዳቤያ ማዔቶ ሃሣ ሃይቢሞ ታና ዎጊሳ ዳቢንቲ ታ ማዴቶ ሃይቢፓ ዳቆም ታ ጎዑዋሴ፤ ጋዓንቴ ዔያቶኮ ጌኤዛ ጉሪ ባኣዚ ማዔቶ ዎኣኒያ ታና ዔያቶም ዓኣሢ ዒንጋኒ ዳንዳዑዋሴ፤ ታኣኒ ሃሢ ጌኤዛ ሮሜ ዓጮ ካኣቲ ቤርቶ ዓኣዳንዳጉዲ ኮዓኔ» ጌዔኔ።

12 ዒማና ፒሰዎሴ ዒዛና ዎላ ዘርቲ ማዳ ዓሶና ጌሰታዎ፡- « ሮሜ ዓጮ ካኣቲ ቤርቶ ታና ዳኬ» ጌዒ ኔ ዎኦጩሢሮ ካኣቲ ቤርቶ ኔ ዓኣዳንዳኔ» ጌዔኔ።

ጳውሎስ ዓጊሪጳና ቤርኒቁና ቤርቶ ሺኢኬሢ

13 ዳካ ኬሊኮ ጊንፃ ካኣቲ ዓጊሪጳና ቤርኒቁና ፒሰዎሴ ዛጋኒ ቁሳሪያ ዓጮ ሙኬኔ።

14 ዒኢካ ዔያታ ማርጌ ኬሊ ዴዔሢሮ ፒሰዎሴ ጳውሎስ ዛሎ ባኮ ሂዚ ጌዒ ካኣቲ ዓጊሪጳም ፔጋሲ ኬኤዘኔ፡- «ፒልኪሴ ቤርታ፣ ዎዳ ቱኪ ሃሺ ፔቲ ዓሲ ዓኣኔ፤

15 ታኣኒ ዩሩሳላሚ ዓኣዲ ዒኢካ ዓኣንቴ ቁኤሶኮ ሱኡጎና ዓይሁድ ዓሶኮ ጨሞና ዬያ ዓሢ ዛሎ ታኣም ኬኤዘሰካፓ ታ ዎጋንዳጉዲ ዔያታ ዎኦጩኔ።

16 ታኣኒ ጋዓንቴ <ዎጌም ሺኢኬ ዓሲ ሺኢሾ ዓሶ ቤርታ ዔቁ ዎጊሳ ሃይሶ ዛሎ ማሂ ኬኤዙዋንቴ ዎጊሳኒ ሺኢሾ ዓሶም ዓኣሢ ዒንጊሢ ሮሜ ዓጪ ዳሞሴቲዋሴ» ጌዒ ዔያቶም ማሄኔ።

17 ዬያሮ ዎጎም ሺኢሾ ዓሳ ቡኪንቲ ሃይካ ሙካዛ ኔጉዋዎ ዘራሎ ዎጎ ዎጎ ቤዘይዳ ዴዒ፣ ጳውሎስ ዓሳ ዔኪ ዬዓንዳጉዲ ታ ዓይሢኔ።

18 ዩካፓ ዋጎም ሺኢሽ ዓሳ ዒ ዳቤ ባኮ ከኤዛኒ ዔቃዛ:- <ፑርታ ባኣዚ ዒዚ ማዳያናንዳኔ> ጌዒ ታ ማሉጎይዎ ጉዳያ ዎጌም ሺኢሻንዳ ባኣዚ ፔቴታዎ ዔያታ ሺኢሽባኣሴ።

19 ጋዓንቴ ዒዛና ዎላ ዔያታ ማርማሢ ፔኤኮ ካኣዠ ዛሎና ሃሃሃ ሃይቄያታንቴ፣ ጳውሎሴ <ሸምፔና ዓኣኔ> ጋዓ ዬሱሴና ዛሎኬ።

20 ታኣኒያ ዬያጉዴ ባኣዚ ያኦጪፃ ታኣም ዴኤፃሢር ጳውሎሴ ኮራ:- <ዬሩሳላሜ ዓኣዲ ዒኢካ ሃያ ባኮ ኔ ሞኦቴንታኒ ዴንዲንዲዎይ?> ጌዔኔ።

21 ዒዚ ጋዓንቴ ጌኤዛ ሮሜ ካኣቴ ባንሢ ዓኣዳንዳጉዲ ኮዒ <ካኣቴ ባንሢ ታና ዳኩዎቴ> ጌዔሢር ታ ዒዛ ዳካንዳያ ሄላንዳኣና ቱኡዘ ማኣራ ዴዓንዳጉዲ ዓይሢኔ» ጌዔኔ።

22 ካኣታሢ ዓጊሪጳ ፒሰዎሴ ኮራ:- «ታኣኒያ ዬይ ዓሢ ጌሰታ ሃይሶ ዎይዛኒ ኮዓኔ» ጌዔኔ። ፒሰዎሴያ ዒዛም:- «ሂዴቶ ዚር ኔ ዎይዛንዳኔ» ጌዔኔ።

23 ዬያሮ ዚር ጉቴሎ ዓጊሪጳና ቤርኒቄና ካኣቱም ዓፒሎ ማኣዒ፣ ዴኤፒ ዒጊቻ ቦንቲንቴና ፖኦሊሶኮ ሱኡጎና ሃሃሃ ካታሞይዳ ዓኣ ዴኤፖ ዓሶና ዎላ ዎጎ ዎጎ ዳልጎ ማኣር ጌላዛ ፒሰዎሴ ጳውሎሴ ዒኢካ ዔኤሊ ዔኪ ሺኢሻዎ:-

24 «ካኣታሃ ዓጊሪጳ! ሃሃ ዒንሢያ ቢያ ኦኡና ዎላ ዓኣ ዓሳ፤ ሃይ ዓሢ ሃካፓ ሴካ ሸምፔና ናንጋንዳያ ኮይሱዎሴ» ጌዒ ዒላቴ ዬሩሳላሜይዳ ሃሃ ሃይካ ናንጋ ዓይሁዶ ዓሳ ታ ዎጋንዳጉዲ ታና ዔያታ ያኦጪፍ ዓሢ ሃይ ዒንሢ ዛጋሢኬ።

25 ታኣኒ ጋዓንቴ ሃይቢም ዎጊሳንዳ ዳቢንቴ ዒዛይዳ ፔቴታዎ ዴንቁባኣሴ፤ ጋዓንቴ ዒዚ ሮሜ ዓጮ ካኣቴ ባንሢ ታና ዳኬ ጌዔሢር ዒኢካ ታ ዳካኒኬ።

26 ያዲ ማዔቶዎ ዒዛ ዛሎ ሮሜ ዓጮ ካኣቴም ታ ፃኣፒ ዳካንዳ ዔርቴ ባኣዚ ባኣሴ፤ ዬያሮ ሃሢ ዒዚ ያኦጪንቴሰካፓ ታ ፃኣፓንዳ ባኣዚ ዴንቃንዳያናንዳኔ ጌዒ ዒንሢ ቤርቶ፣ ባሸና ሃሃ ካኣቴ ዓጊሪጳ! ኔ ቤርቶ ታ ሺኢሽኔ።

27 ዓይጎር ጌዔቶ ቱኡሲ ዓሲ ሌካ ዴጌ ቤሲ ዳኪንታኣና ዒዛ ዓይሢ ባኮ ዛሎ ፔጋሱዎዎ ሃሺሢ ዔኤያቶ ታኣም ማሊ ጴዴኔ» ጌዔኔ።

26

ጳውሎሴ ካኣቴ ዓጊሪጳ ቤርታ ጌሰቴ ጌኤዛ

1 ዓገሪጸ ጳውሎስም፡- «ኔኤኒ ኔ ዛሎ ኬኤዛኒ ዳንዳዓኔ» ጋዓዛ፡ ጳውሎስ ቶኦኮ ሂርኪደስካፓ ዔቁ ሂዚ ጌዒ ጌኤዞ ማሂያ ሃይሶ ኬኤዘኔ፤

2 «ካኦታሦ ዓገሪጸ! ዓይሁዶ ዓሳ ታና ምኅና ዓይሢሳ ባኮ ዛሎ ቢያሮ ሃኖ ታ ኔ ቤርቶይዳ ጌኤዞ ማሂያ ሃይሶ ኬኤዛሢ ኮሺ ዴኤፒ ሞዛናኬ።

3 ዓይጎሮ ጌዔቶ ኔኤኒ ዓይሁዶ ዓሶ ዳምቦና ዔያቶኮ ማርማሢና ፔጋሲ ዔራያታሢ፣ ሹሌዔ ዒናና ዳንዳዒ ታ ጌኤዞ ኔ ሞይዛንዳጉዲ ታ ኔና ሺኢቃኔ።

4 «ናኦቶይዳፓ ዓርቃያ ሞይቲ ታ ናንጌቶሞ ዓይሁዶ ዓሳ ዔራኔ፤ ቤርታፓ ዓርቃያ ታ ዓጮና ዩሩሳላሜናይዳ ታ ናንጌ ናንጎ ታኦሲ ዔያታ ዔራኔ።

5 ሃሣ ዔያታ ፔ ቶኦኪና ማርካዳኒ ኮዔቶ ኑ ካኦቶይዳ ሞኅ ኮሺ ደዲሺ ዓርቃያ ማዔ፡ ፔርሴ ዓሶ ዛላ ማዒ ታ ናንጌሢ ዓይፃፓ ዓርቃያ ዔያታ ዔራኔ።

6 ሃሢ ታ ሃካ ሞኅም ሺኢኬሢ ምኦሲ ኑ ዓድንሢም ጫኦቁ ዒንጌ፡ ሃገ ማዓንዳ ሞዞ ጉሙርቃሢ።

7 ዬኖ ሃገ ማዓንዳ ሞዞ ሃላኒ ታጳ ላምዎ ፃጳ ሮኦሪና ሞንቴና ምኦሲ ካኦሽኪ ካኦሽኪ ካፔኔ፤ ካኦቲኖ! ታና ሃሢ ዓይሁዶ ዓሳ ሞኅና ዓይሢሳሢ ዬኖ ታ ጉሙርቃሢ።

8 ሃይቁ ዓሶ ምኦሲ ዔቁሳንዳያ ማዒፃ ሞይቲ ዒንሢ፡ ዓይሁዶ ዓሶም ጉሙርቁንቱሞያ ማዔይ?

9 «ታኦኒ ታ ቶኦኪና ናዚሬቶ ዬሱሴኮ ሱንፃ ዒፃ ማካንዳያ ኮይሳኔ ጌዒ ሚርጌ ባኦዚ ታ ማዳኔ።

10 ዩሩሳላሜይዳ ታ ማዳሢ ዬያኬ፤ ቁኤሶኮ ሱኡጎይዳፓ ታ ዔኬ ቢታንቶና ኪሪሰቶሴ ጉሙርቃ ዓሶይዳፓ ሚርጌሢ ታ ቱኡሴኔ፤ ዔያቶ ሞደሞኦና ሞደ ዓሶኮ ማዳ ቃራኬ ታ ጌዔኔ።

11 ሚርጌ ሞደ ዓይሁዶ ዓሶኮ ቡኪንቶ ቤዘይዳ ዔያታ ሜታዳንዳጉዲና ጉሙርቁያ ሞደ ታ ሃሻንዳጉዲ ማሃኒ ታ ማሌኔ፤ ዔያቶ ዑፃይዳ ሚርጌና ዳጋዲ ሃሣ ሜሌ ሜሌ ካታሞይዳኦ ዓኦዲ ታ ዔያቶ ዳውሳኔ።

ጳውሎስ ኪሪሰቶሴ ባንሢ ሞይቲ ማዔቴያ ኬኤዘሢ
(ዳኪ. ማዳ 9:1-19፤ 22:6-16)

12 «ዬኖ ዛሎና ቁኤሶኮ ሱኡጎይዳፓ ጉቤ ማዔ ቢታንቶና ዓይሥሢና ዔኬ ዳማሰቆ ታ ዳንዳንቴ፡

13 ካአቲዮ! ጎይያይዳ ዓባ ሳዛ ጫርጋኦና ዓቢ ፖሊዳፓ ባሽ ፖሊ ታ ዛጌኔ፤ ዬይ ፖላ ታናንታ ታኦና ዋላ ዓኣዳ ዓሶናኮ ኮይላ ጫሪንጫፓ ፖላኔ።

14 ዬማና ኩኩኒ ቢያሢ ሳያይዳ ሎኦሚ ዓኣንቴ ዓይሁዳ ዓጪ ሙኡቸና <ሳውሌ! ሳውሌ! ኔ ታና ዓይጎር ዳውሳይ? ጌማይ ጫጮ ሚያ * ማሂ ዓከ ማኣሳናያጉዲ ኔኤኒ ዬያ ዓጪጮ ሚያ ማሂ ዓከያና ኔኤር ኔ ማኣሳናኔ። ጋዓ ዑኡሲ ታ ዋይዜኔ።

15 ታኣኒ ማሃያ <ሳዳሢዮ፣ ኔኤኒ ያናዳይ? ጋዓዛ፣ ጎዳሢያ ታኣም ሂዚ ጌዓኔ፡- ታኣኒ ኔ ታና ዳውሳ ዬሱሴከ።

16 ጋዓንቴ ሃሢ ዓቄ፤ ታ ኔኤም ሃሢ ፔጋዲ ጴዳሢ ታና ኔ ዛጌ ጎይያና፤ ሃሃ ሃጋ ሴካ ቤርታ ታ ኔኤም ዳዋንዳ ባኮንታር ቢያ ታኣም ኔ ማዳያና ማርካዳያ ማዓንዳጉዲ ታ ኔና ዶኦራኒ ኮዔሢርከ።

17 ኔ ዓሶ ዒሰራዔኤሌ ዳርንታ ታ ኔና ዳካ ዓይሁዳ ማዒባኣ ዓሶንታ ኩጫፓ ታ ኔና ዳቂሻንዳኔ።

18 ኔ ዔያቶኮ ዓኣፖ ቡላንዳጉዲና ዲሞይዳፓ ፖያ ኔ ዔያቶ ኬሳንዳጉዲ ሃሃ ያላሂ ዳማፓ ያኦሲ ባንሢ ኔ ዔያቶ ማሃንዳጉዲ ታ ኔና ማሃንዳኔ፤ ኔ ዬያይዳሢር ዔያታ ታና ጉሙርቂ ፔ ጎሞኮ ማኣሪንቲሢ ዳንቃንዳኔ፤ ያኦሲ ዶኦራዞንሢ ባኣኮይዳ ዒንጊንቴ ቤዞዋ ዔያታ ዳንቃንዳኔ» ጌዓኔ።

ጳውሎሴ ፔኤኮ ማዳ ዛሎ ኬኤዜሢ

19 ጳውሎሴ ቃሲ ኬኤዛያ፡- «ዬያር ካአቲ ዓጊሪዳ! ጫሪንጫፓ ታኣም ዒንጊንቴ፣ ጴዳ ባኮም ታ ዓይሢንቴኔ።

20 ጋዓንቴ ቤርታዲ ዳማሰቆይዳ ዓኣ ዓሶ፣ ሄሊሲ ዬሩሳላሚና ዩሁዳ ዓጪናይዳ ዓኣ ዓሶ ቢያሢና ሃሃ ዬያጉዲ ዓይሁዳ ማዒባኣ ዓሳኣ ጊዳ ጎሞ ቡኡዲ ያኦሲ ባንሢ ሙካንዳጉዲ ታ ዔርዜኔ፤ ጎሞ ቡኡዲያ ዔርዛ ባኣዚያ ዔያታ ማዳንዳጉዲ ዔያቶም ታ ኬኤዜኔ።

21 ዬያይዳፓ ዔቂያና ዓይሁዳ ዓሳ ጌኤኮ ማኣርይዳ ታ ዓኣንቴ ታና ዓርቂ ዋዳኒ ኮዓኔ።

22 ታኣኒ ያኦሲኮ ማኣዲያ ታ ጊዳፓ ዳማዲባኣሢር ዓሲ ዳማሱዋያ ቢያሢም ኬኤዚ ኬኤዚ ሃይማ ሄሊኔ፤ ያኦሲ ማሊያ ኬኤዛ ዓሶንታ ሙሴንታ ቤርታዲ ሃጊ ያዲ ማዓንዳኔ ጌዔ ባኮ ታ ኬኤዜማፓ ሜሌ ፔቴ ባኣዚታያ ታ ኬኤዚባኣኦ።

* 26:14 ጫጮ ሚያ፡- ጌይንቴዛ ዓይሁዳ ዓሳ ጌማይ ጎሽካ ዋዶና ጌማታ ሃንታንዳጉዲ ጫርጋ፣ ያዶሲ ቤርቶ ዓጪሶና ሚሢኔ። 26:20 ዳከ. ማዳ 9:20፤28-29።

23 ዔያታ ከኤዜሢ:- «ሜሲሄ ማቶ ዔካንዳኔ፤ ሃይቢፓ ዔቁሢና ቤርታሳያ ማዒ፣ ዒሰራዔኤሌ ዳሮና ዓይሁዳ ማዒባኣ ዓሰናም ዳቂንታኮ ፖዒ ዳዋንዳኔ ገዒከ» ገዒኔ።»

24 ጳውሎሴ ዬኖ ከኤዛ ጎይሣ ዓኣንቴ ፒሰያሴ:- «ጳውሎሴ! ዓካሪ ኔ ዣኣሽከኔ፤ ሚርጌ ዔሪፃ ኔና ዣኣሹዋይዳ ጌልዜኔ!» ገዒ ዳጊዲ ከኤዜኔ።

25 ጳውሎሴ ጋዓንቴ ሂዚ ገዒ ማሄኔ:- «ቦንቸንታ ፒሰያሴ! ጎኔና ፒዜ ማዔ ባኣዚ ታ ከኤዛፓዓቴም ታ ዣኣሽከባኣሴ።»

26 ታ ዒዛ ቤርቶይዳ ፔጋሲ ከኤዜ፣ ካኣቴ ዓገሪጳ ዬያ ዔራንዳኔ። ዬይ:- ዓኣሽንቴባኣ ባኣዚ ማዔሢሮ ካኣታሢ ዔራንዳሢ ታ ጉሙርቃኔ።

27 ካኣቴኖ ዓገሪጳ! ኔኤኒ ያኣሲ ማሊያ ከኤዛ ዓሶ ጉሙርቃያቱዋይ? ኔ ጉሙርቃሢያ ታ ዔራኔ» ገዒኔ።

28 ዓገሪጳ ጳውሎሴ ኮይላ:- «ኔኤኒ ሃይሾ ታና ሃይማካ ከሪሰቶሴ ጉሙርቃ ዓሲ ማሄኔ ገይሢከ!» ገዒኔ።

29 ጳውሎሴ ገንሣ:- «ዑከ ዋይያ ማፆም ያደሲ ዋይ፤ ኔና ሌሊቱዋንቴ ሃኖ ሃያ ታኣኮ ጌኤዞ ዋይዛ ዓሳ ቢያ ሃይማ ታኣኮ ቱኤዞማፓ ዓታዛ ታጉዲ ማፆም ያኣሲ ታ ሸኢቃኔ» ገዒኔ።

30 ዬካፓ ካኣቴንታ ዓጮ ዋይሣሢንታ ቤርኒቁንታ ዒዛና ዋላ ዳዒ ዓኣ ዓሶንታ ቢያ ዔቁኔ።

31 ዒማና ከሰኪ ዔያታ ዳንዲያይዳ ዓኣዮ:- «ሃይ ዓሢ ሃይቃንዳጉዲና ቱኤታንዳጉዲ ዒዚ ማዳ ባኣዚ ፔቴታዮ ባኣሴ» ዋሊ ኮይላ ገዒኔ።

32 ሃሣ ዓገሪጳ ፒሰያሴም:- «ሃይ ዓሢ ዋንዴ ርሜ ካኣቴ ባንሢ ታና ዳከ» ገዒባኣቶ ቡሊንታንዳያታንቴከ» ገዒኔ።

27

ጳውሎሴኮ ርሜ ዓጮ ዓኣዲያ

1 ዬካፓ ዋኣያ ካኣሚሎና ዒፃሊያ ዓጮ ኑ ዓኣዳንዳጉዲ ገይንታዛ ዔያታ ጳውሎሴንታ ሜሌ ቱኤሲ ዓሲንታ «ርሜ ዓጮ ካኣቴኮ ፖኦሊሶ» ገይንቲ ፓቂንቴ ዓሶ ዓይሣ ዓሶፓ ፔቴሢ ማዔ፣ ዩሊዮሴ ገይንታ ጸኤቶ ዓሶ ዓይሣሢም ዔኪ ዓኣዳንዳጉዲ ዒንገኔ።

2 ዬማና ዒሲያ ዓጮኮ ባዞ ዓጮይዳ ዓኣ ሳዮ ባንሢ ዓዲራሚዲዮኔ ጎዮ ቤዛፓ ዓኣዳ ዋኣያ ካኣሚሎና ኑ ዳንዴኔ፤

26:23 ዒሲ. 42:6፤ 49:6፤ 1ቆር. 15:20።

ቴሰሎንቄይዳናንጋ፣ ሜቄደኒያ ዓጮ ዓሢ ዓሪሰጻርኮሴያ ኑኡና ዋላ ዓኣኔ።

3 ዘራሎ ኑኡኒ ሲዶና ሄሌኔ፤ ዩሊዮሴ ጳውሎሴም ኮሺ ማዕሚር ጳውሎሴ ፔኤኮ ላጎ ባንሢ ዴንዴም ዔያታ ዒዛም ኮይሳ ማኣዶ ማኣዳንዳጉዲ ዓይሄኔ።

4 ዩካፓ ኑ ዔቃኣና ዠባራ ኑኡኮ ቤርታ ዠባርሻያ ማዕሚር ቆጶርሴ ጌይንታ ዋኣዖ ሳዛ ዓኣ ዓጮኦና ካናዲ ኑ ዓኣዴኔ።

5 ኪልቂያና ጳንፒሊያ ዓጮ ኮይሎይዳ ዓኣ ባዘና ፒንቄሰካፓ ሉቂያ ዓጮይዳ ዓኣ ሙራ ጌይንታ ካታማ ኑ ሄሌኔ።

6 ዒዛ ቤዘይዳ ጻኤቶ ፖኦሊሶ ዓይሣሢ ዒፃሊያ ዓጪ ባንሢ ዒሰከንዲሪያ ጎዖ ቤዛፓ ዓኣዳ ዋኣሢ ካኣሚሌ ዴንቃዖ ዒዛ ኑና ቶጊሴኔ።

7 ሚርጌ ኬሊ ታሢ ታሢ ኑ ዓኣዲ፣ ሚርጌ ማቶና ቄኔዲዮሴ ካታም ኮይሎ ሄሌኔ፤ ዠባራ ጋዓንቴ ቤርቲም ኑ ዴንዲዋጉዲ ኑና ላኣጌሢር ሲልምና ጌይንታ ዋኣዖ ሳዘ ሶርቶሚ ጌሌ ሳዓኮ ኮይለና ጌዒ ዋኣዖ ሳዛ ዓኣ፣ ቄርጸሴና ካናዲ ኑ ዓኣዴኔ።

8 ዬና ቤዘና ሚርጌ ማታዲ፣ ባዘኮ ዓጮማ ዓርቂ ኑ ዓኣዴሰካፓ ላሲያ ካታም ኮይላ ዓኣ «ዠባርና ጉዳሢና ዋኣዖ ካኣሚሎ ፑርቲሱዋ ኮሺ ቤሲ» ጌይንታ ቤዘ ኑ ሄሌኔ።

9 ኑኡኮ ሃንቴዖይዳ ሌሊ ሚርጌ ዎዴ ጋፔሢርና ሙኡዚ ሙዑዎዖ ሺኢቆ ዎዳ ዓኣዴሢር ሃሣ ዬና ዎዶና ባዚ ጌዳ ዓኣዲሢ ኮሺ ፑርታሢር ዬማና ጳውሎሴ ዓሶም፡-

10 «ዓሲዮቴ! ሃካፓ ሴካ ዓኣ ኑኡኮ ጎይዖይዳ ፑርታ ባኣዚ ዓኣሢ ታኣም ጶዳኔ፤ ዬይያኣ፡- ዋኣዖ ካኣሚሎይዳ ጫኣኒንቴ ባኮና ዋኣዖ ካኣሚሎናይዳ ሌሊቱዋንቴ ዓሲ ሺምፖይዳኣ ዴኤፒ ፑርታ ባኣዚና ባይሲንታና ሄላንዳኔ» ጌይ ላቲ ኬኤዘኔ።

11 ጻኤቶ ፖኦሊሶ ዓይሣሢ ጋዓንቴ ጳውሎሴ ዘርይዳፓ ዋኣዖ ካኣሚሎ ዒሻሢና ዋኣዖ ካኣሚሎኮ ዓዳሢና ጋዓ ባኮ ባሼ ዎይዘኔ።

12 ዬና ባዘ ዓጮይዳ ዓኣ ሳዔላ ባርጊ ዎዴና ዒኢካ ዴዓኒ ጊኢጉዎዖ ማዕሚር ሚርጌ ዓሳ፡- «ኑኡኒ ዴንዲጋፓ፣ ዳንዳዒንቴቶ ኬዶ ዘሎኮ ዓባ ጌላ ባንዖና ሃሣ ዶኦሎ ዘሎኮዎ ዓባ ጌላ ባንዖይዳ ዓኣ ፒንቄ ጌይንታ ቄርጸሴ ዓጮኮ ዋኣዖ ካኣሚሎ ዔቂሶ ቤዘ ሄሊ ዒኢካ ባርጎ ዎዶ ኑ ዓኣሦም» ጌዒ ማሊሢ ሺኢሹኔ።

ባዘ ጉዳሢ

13 ዓባ ኬሰኪ ጌላ ዘሎኮ ዶኦሎ ዘሎ ዠባራ ዳካ ዠባርሸም ዔያታ ዛጋዖ ዔያታ ማሌ ጎይዖ ማዔያ ዔያቶም ማላዛ ዋኣዖ ካኣሚሎ ዓርቂ ዔቂሳ ዓንጎ ኮንጮ ቱጊ ዓኣዲያ ዔቄኔ፤ ዔያታ ዋኣዖ

ካአሚሎ ዔቂሶ ቤዛፓ ዔቂ ባዘኮ ዓጮማ ዓርቂ ቁርጻሴኮ ኮይለና ዓኣዳኔ።

14 ጋዓንቴ ኔጉዋዎ «ኬዶ ዛሎኮ ዓባ ኬሰካ ባንዎ ዓልጋሢ» ጌይንታ ዶዲ ዓልጋ ዋኣዎ ሳዛ ዓኣ ሳዔሎይዳፓ ዔቂ ዔያቶይዳ ሙኬኔ።

15 ዋኣዎ ካአሚላ ሃዒንቴሢረ ሃሃ ዠባሮዋ ቃዛኒ ዳንዳዒባአሢረ ዠባራ ኑና ዒሼም ዚቲዮ ጌዒ ኑ ዓኣዳኔ።

16 ዬካፓ ቁዳ ጌይንታ ዋኣዎ ሳዛ ዓኣ ዳካ ዓጨሰኬኖና ካናዲ ኑ ዳንዲቤቃ ዋኣዎ ካአሚሎይዳ ቱኪንቲ ዓኣ ዋኣዎና ፒንቆ ጎንጊሰኬና * ቶላኒ ዑኩም ሜቶና ኑ ቃዛኒ ዳንዳዒ።

17 ዋኣዎ ካአሚሎይዳ ዓኣ ዓሳ ዋኣዎና ፒንቆ ጎንጊሎ ጎቺ ዔኪ ዋኣዎ ካአሚሎ ጋሮ ጌልዜሰካፓ ሱሲና ዶዲሺ ቱኬኔ፤ ዋኣዎ ካአሚላ ሃሃ ሱሪቲሴ ጌይንታ ዋኣዎ ዳማ ዓኣ፡ ኩለንቴ ማእሻላ ዳንዲ ዲዒንቴዋጉዲ ሻራሢ ጌይንታ ዳልጎ ዓፒሎጉዳ ባኮ ኬይሳዎ ኮዔ ጎይሢ ዓኣዳንዳጉዲ ሃሼኔ።

18 ጋዓንቴ ዓልጋሢ ሃሾ ዒጻሢረ ዚሬሎ ዋኣዎ ካአሚሎ ዑያይዳ ጫኣንጎቴ ሜሆይዳፓ ዛሎ ባዘይዳ ዓሳ ኬኤሪሢረ ዓርቂ።

19 ሃይሣሳ ኬሎና ዋኣዎ ካአሚሎም ኮይሳ ባኮዋ ዔኪ ዔኪ ፔ ኩቻ ዔያታ ኬኤሬኔ፤

20 ሚርጌ ኬሊ ዓቢንታ ዠኦጎንታ ኑ ዛጊባአሢረ ሃሃ ዓልጋሢ ዠባሮሺዎ ሃሾ ዒጻሢረ፡- «ኑ ዳቃኒ ዳንዳዑዋሴ» ኑ ጌዔ።

21 ዓሳ ፔቲታዎ ሙኡዚ ሙዑዋዎ ሚርጌ ኬሊ ዳዔሢረ፡ ጳውሎሴ ዔያቶ ባኣካ ዔቃዎ፡- «ዓሲዮቴ! ዒንሢ ዋንዴ ታ ዒንሢም ጌዔ ባኮ ዋይዚ ቁርጻሴይዳፓ ዔቂባኣያታቶ ሃይ ዋኣዎ ካአሚሎይዳ ማዔ ባካ ቢያ ዒንሢ ሄለንዲዋያታንቴኬ፤

22 ሃሢ ዋኣዎ ካአሚላ ሌሊ ፑርታንዳኣፓዓቲም ዒንሢዳፓ ዎናይዳኣ ማዎም ባይሰንታ ሄለንዲዋሴ፤ ዬያሮ ዶዲዋቴ፡ ዒጊጨፖቴ፤ ጌዒ ታ ዒንሢ ዘራ።

23 ታ ዒዛሮ ማዒ፡ ዒዛ ካኣሸካ ዎኣዛሢ ዳኬ ኪኣታንቻ ዋንቴ ታ ኮራ ዔቂ፡-

24 ጳውሎሴ ዒጊጨፖ! ኔኤኒ ሮሜ ዓጮ ካኣቲ ቤርታ ዔቃንዳያ ኮይሳኔ፤ ሃይሾ፡ ኔኤና ዋላ ዓኣዳ ዓሶ ቢያ ኔ ጋይቴ ጌዒ ዎኣሰ ሃይቢዳፓ ዳቂሻንዳኔ፤ ጌዒ ታኣም ኬኤዜኔ።

* 27:16 ዋኣዎና ፒንቆ ጎንጊ፡- ዬኖጉዳ ጎንጋ ማኣዲሢ ዋኣዎ ካአሚላ ፑርቲያ ማዒቴ ጊዳ ዓኣ ዓሳ ዒዘይዳ ጌሊ ባዛፓ ኬሰካኒ፤ ሃሃ ዋኣዎ ካአሚሎ ዔቂሶ ቤዛፓ ዳንዲ ዔኤቢ ዒዛና ዔኮያኬ።

25 ዬያሮ ዲንሢሢ ሃይ ዓሳ ደዲዋቴ፤ ያኦሲ ዬያ ታኣም ከኤዜ ባኮ ቢያ ኩንሣንዳሢ ታ ጉሙርቃኔ።

26 ማዕቶዋ ዠብራ ኑና ዔኪ ፔቴ ዋኣሢ ሳዛይዳ ዓኣ ሳዓኮ ዓቺዳ ከኤራንዳኔ» ጌዔኔ።

27 ታጾ ያይዳሳ ዋንቶና ዓዲሪያ ባዘይዳ ዠብሮና ሂዲንቴ ሴካ ሃንጋ ኑ ጌዲ ጌዲ ዓኣንቴ ሳዖኮ ጊዲሚሺ ማዓዛ ዋኣጾ ካኣሚሎይዳ ማዳ ዓሶ ኮራ ሳዖ ባንሢ ዑኩያ ማሌኔ።

28 ዬያሮ ባዘኮ ዔታዲያ ሚፂ ዛጎ ሱዞ ዔያታ ዓጋዛ፣ ባዘኮ ዔታ ሳሊታሚ ዋዳ ማዒ ጴዴኔ፤ ሃሣ ዳካ ናጋዖ ዛጎ ሱዜሌዔ ዔያታ ዓጌም ላሂታሚ ዋዳ ማዒ ጴዴኔ።

29 ዋኣጾ ካኣሚላ ባዘ ዓጮይዳ ዓኣ ሹጫ ዓኣዲ ዲይንቴዋጉዲ ዔያታ ዒጊጨ፣ ዋኣጾ ካኣሚሎኮ ጊንያ ዛሊና ዋኣጾ ካኣሚሎ ቃዛንዳ ያይዳ ዓንጎ ኮንጮ ሊካ ዓጊ፣ ዬካፓ ዲማ ካራንዳጉዲ ሺኢጲሢ ዓርቄኔ።

30 ዋኣጾ ካኣሚሎይዳ ማዳ ዓሳ ዋኣጾ ካኣሚሎይዳፓ ከሰኪ ዴንዳኒ ኮዔያታሢሮ ዋኣጾ ካኣሚሎኮ ቤርቶ ዛሎና ዓንጎ ኮንጮ ሊካ ዓጋያ ማሊ ዋኣጾ ካኣሚሎይዳ ዓኣ ዋኣጾና ፒንቆ ጎንጌሎ ባዘይዳ ከኤራኔ።

31 ዬማና ጳውሎሴ ጻኤቶ ፖኦሊሶ ዓይሣሢና ፖኦሊሶና ኮይላ፡- «ሃኣታ፣ ዋኣጾ ካኣሚሎይዳ ማዳ ዓሳ ዋኣሊንቄዖ ሃሺ ዚቴ ጌዲ ዴዒባኣቶ ዲንሢሢ ዳቃኒ ዳንዳዑዋሴ» ጌዔኔ።

32 ዬያሮ ፖኦሊሳ ዋኣጾና ፒንቆ ጎንጌሎኮ ሱዞ ቲቃዖ ዋኣያይዳ ጉሪ ዒዛ ሴካ ሃንጋ ጋዓንዳጉዲ ሃሺኔ።

33 ሳዓ ካራኒ ዑካዛ ቢያሢ ሙኡዚ ሙዓንዳጉዲ ጳውሎሴ ዔያቶ ሺኢቃዖ፡- «ፔቴታዖ ሙኡዚ ሙዑዋዖ ዲንሢሢ ካፓንቴ ሃና ዲንሢሢ ኮታ ያይዳ ከሌከ።

34 ዬያሮ ዲንሢሢ ሙኡዚ ሙዓንዳጉዲ ታ ሺኢቃኔ፤ ዬይያ፡- ዲንሢሢም ዋልቄ ደዳሻንዳኔ፤ ዓይጌንዳጉዳ ፑርታ ባኣዚ ፔቴታዖ ዲንሢሢ ያላዓከ» ጌዔኔ።

35 ዬያ ጌዔሰካፓ ካሣ ዔኪ ቢያሢኮ ቤርታ ያኦሲ ጋላታዖ፣ ቡንፂ ሙዒሢ ዓርቄኔ።

36 ዬማና ቢያሢኮ ዒና ማዔም ደዲ ሙዖ ሙዔኔ።

37 ዋኣጾ ካኣሚሎይዳ ኑኡኒ ዓኣ ዓሳ ቢያ ላምዖ ጻኤታና ላንካይታሚ ላሆከ።

38 ዬካፓ ቢያሢ ሙዒ ሚሸካዖ ዋኣጾ ካኣሚሎይዳ ጫኣኒንቴ ዛርጋሢ ባዘይዳ ከኤሪዐ ዋኣጾ ካኣሚሎ ዴኤጻ ባኮ ሹሌዒሴኔ።

ዋኣጾ ካኣሚሎኮ ሜቄዖ

39 ይማገ ሳዓ ካራዛ ዔያታ ሄሌ ቤዞ ዔያታ ዔሪባኣሴ፤ ጋዓንቴ ማኣሻላ ዓኣ ባዚ ዓቺ ዔያታ ዴንቄኔ፤ ዬያር ዔያቶሞ ዳንዳዒንቴቶ ዒዞ ባንሢ ዶጨሳኒ ማላዖ፡

40 ዓርቄ ሱዞ ቲቂ ዓንጎ ኮንጮ ባዞይዳ ሃሼኔ፤ ዬማና ሃሃ ጊንዖ ዛላ ዓኣ፡ ዓጊሢ ዓጊሢ ዒሺ ዔኪ ዓኣዶ ዳልጎ ዖዶዞ ሚዖኮ ሱዞ ቡሊ፡ ቤርቶ ዛሎና ዓኣ ዳልጎ ሻራሢ ዠባር ባንሢ ዴጊዲ ባዞ ዓጮ ባንሢ ኬሰካኒ ዔያታ ዓኣዴኔ።

41 ጋዓንቴ ዋኣዖ ካኣሚላ ዋኣዖ ዴማ ዓኣ ኩሊንቴ ማኣሻሎይዳ ዲዒንቴ ቤርቶ ዛሎና ሊካ ዶቂንቴ ዓጊጹሞያ ማዓዛ፡ ጊንዖ ዛሎና ጋዓንቴ ጉዳሢዳገ ዔቄያና ካኣሚላ ማቂሢ ዓርቄኔ።

42 ቱኡዞ ዓሳ ጹቢ ፒንቂ ቶሉዋጉዲ ፒንቃኒ ጌዔቶ ዔያቶ ፖኣሊሳ ዋዳኒ ማሌኔ።

43 ዔኤቶ ፖኣሊሶ ዓይሣሢ ጋዓንቴ ጳውሎሴ ዓውሳኒ ኮዔሢር ዬና ፖኣሊሶኮ ማሊዖ ዔኤዖ ዒዲ፡ ጹቢ ዔራ ዓሳ ቤርታዲ ዋኣዖ ካኣሚሎይዳገ ባዞይዳ ኮኣሚ ጌሊ ጹቢ ጹቢ ፒንቃንዳጉዲ ዓይሣኔ።

44 ሃሣ ዓቴ ዓሳ ዋኣዖ ካኣሚሎኮ ዲማ ዲማ ማቂዖንታ ዳልጎ ላሻሢ ሚዖንታ ዓርቂ ዓርቂ ፒንቃንዳጉዲ ዓይሣዛ ዬያይዲ ቢያሢ ኮሺና ሳዖ ሄሌኔ።

28

ጳውሎሴ ማልታ ጎዖ ዋኣዖ ሳዛ ዓኣ ዓጮይዳ

1 ዬካገ ኑኡኒ ሳዖ ኮሺ ሄላዖ ኑ ሄሌ ሳዔላ ማልታ ጌይንታያ፡ ዋኣሢ ሳዞይዳ ዓኣ ዓጪ ማዔሢ ዔሬኔ።

2 ዬና ዋኣዖ ሳዛ ዓኣ ዓጪሎይዳናንጋ ዓሳ ሚርጌና ሄርሺሳ ኮሺ ማዶ ኑኡሞ ማዴኔ፤ ዬማና ዒርዚ ዋርቃያታሢር ጨኢዠር ጌዒ ታሚ ዔኤሢ ኑና ዔያታ ዔኤኔ።

3 ጳውሎሴ ዒማና ሻርሻ ሃኣኪ ዔኪ ታሞይዳ ዓጋንቴ፡ ሉ ታሞኮ ዖይዶይዳገ ዔቄያና ፔቴ ሾኣሺ ሻርሻገ ኬሰካዖ ኩጮ ዳይ ዓርቄኔ።

4 ማልታ ዓጪሎይዳ ዓኣ ዓሳ ጳውሎሴኮ ኩጫ ሾኣዠ ዳይ ዓርቄሢ ዴንቃዮ፡ «ሃይ ዓሢ ጎኔና ዓሲ ዋዴ ዓሲኬ ጌይሢኬ! ዓይጎር ጌዔቶ ባዞ ጉዳሢዳገ ኮሺና ቶሊ ኬሰከቶዋ ኑኡኒ ጎኦሲ» ጌዒ ካኣሸካ ፒዜ ዎጋ ዖኣዛሢኮ ዎጊዖይዳገ ቶሊ፡ ናንጋኒ ዳንዳዒባኣሴ» ዎሊ ኮራ ጌዔኔ።

5 ጳውሎሴ ጋዓንቴ ሾኣዠሢ ታሞይዳ ዉጹርቂ ዓጌኔ፤ ዒዛ ፔቴታዖ ዎኦቴ ባኣዚ ባኣሴ።

6 ዓሳ ጋዓንቴ፡- «ኔጉዋዎ ሃሢ ዑፃ ዒዛኮ ኪፃንዳኔ፤ ሃሃ ዒዚ ዒርቲባኣንቴ ሃይቃንዳኔ» ጌዒ ካፔኔ። ጋዓንቴ ሚርጌ ዋዴ ዒያታ ዩያይዲ ካፔሞ ፔቴታዎ ዋኦቴ ባኣዚ ባኣያ ማዕሚ ዛጋዎ ማሊዎ ጊንፃ ለኣሚ፡- «ሃይ ዓሢ ያኦሲኬ!» ጌዒኔ።

7 ዬኖ ኦኡኒ ዓኣ ቤዜሎኮ ኮይሎይዳ ዋኣዎ ሳዛ ዓኣ ዓጩሎ ዋይሃያ ማዕ። ፑፒሊዮሴ ጎዖሢኮ ሳዓ ዓኣኔ፤ ዬይ ዓሢ ፔ ማኣራ ኦና ዒኪ ሃይሃ ኬሊ ቃራሲ ሸኦቹንሢኔ።

8 ዬማና ፑፒሊዮሴኮ ዓዴ ቆሢና ያርሲ ዶርዖና ሃርጌም ለሃ ዓኣንቴ ጳውሎሴ ዒዛ ባንሢ ጌሊ ሺኦቁ ኩጮ ዑፃ ጌሢ ዓሢ ፖዒሴኔ።

9 ዬይ ያዲ ማዕሚኮ ጊንፃ ዋኣዎ ሳዛ ዓኣ ዓጩሎይዳ ናንጋ ሃርጊንቴ ዓሳኣ ሙኪ ፖዒኔ።

10 ዓሳ ሚርጌ ኦኡም ዒንጎ ባኣዚ ዒኪ ሙኪ ኦና ቦንቻያ ማዒያ ዒርዜኔ፤ ጊንሣ ዋኣዎ ካኣሚሎና ኦ ዓኣዲኒ ዒቃኣና ኦም ኮይሳ ባኮ ቢያ ዋኣዎ ካኣሚሎይዳ ዒያታ ጫኣኔ።

ጳውሎሴኮ ርሜ ዓጮ ሄሊዎ

11 ሃይሃ ዓጊኒ ማልታይዳ ኦ ዴዕሰካፓ ባርጎ ዋዶ ዒዛ ቤዘይዳ ዴዒ ዓኣሣ። ዒሰኪንዲሪያ ዓጪር ማዕ ዋኣሢ ካኣሚሎ ቶጊ ዓኣዲያ ኦ ዒቄኔ፤ ዋኣዎ ካኣሚሎኮ ሱንፃ «ሜንቴ ማዕ ያኦዞ» ጌይንታያኬ።

12 ሲራኩሴ ጌይንታ ካታሞ ኦ ሂላዎ ዒኣካ ሃይሃ ኬሊ ዴዒኔ።

13 ዬካፓ ባዞ ጊዶ ኦ ሃንቴ ራጊዩሜ ካታሞ ሄሊ ዒኣካ ፔቴ ኬሊ ኦ ዴዕሰካፓ፡ ዶኦሎ ዛሎ ዠባራ ዠባርሼሢሮ ላምዓሳ ኬሎና ፑቲዮላሴ ካታሞ ኦ ዓኣዴኔ።

14 ዒዞ ቤዘይዳ ኪሪሰቶሴ ጉሙርቃ ዓሶ ኦ ዴንቃዛ፡ ኦ ዒያቶና ዋላ ላንካይ ኬሊ ዴዓንዳጉዲ ዒያታ ሺኦቁም ዴዕሰካፓ ርሜ ዓጮ ኦ ዓኣዴኔ።

15 ርሜ ዓጮይዳ ዓኣ ኪሪሰቶሴ ጉሙርቃ ዓሳ ኦ ዛሎ ዋይዛዎ ዓፒዮሴ ቦኣኮ ካር፤ ሃሃ «ዋርቆ ቤሲ ሃይሃ» ጌይንታ ቤዞ ኦና ዒካኒ ሙኬኔ፤ ጳውሎሴያ ዒያቶ ዴንቃዎ ያኦሲ ጋላቲ ዶዴ።

ጳውሎሴ ርሜ ዓጮይዳ

16 ርሜ ዓጮ ኦ ጌላዛ ጳውሎሴም ፔቴ ዒዛ ካፓንዳ ፖኦሊሴ ዒንጊንቴሰካፓ ዒዚ ፔኤኮ ናንጋንዳጉዲ ዓይሢንቴኔ።

17 ሃይሃ ኬሊኮ ጊንፃ ጳውሎሴ ርሜ ዓጮይዳ ናንጋ ዓይሁዶኮ ዴኤፖ ዴኤፖ ዓሶ ዒኤሊሴኔ፤ ዒያታ ሙኪ ቡኩሰካፓ ሂዚ ዒያቶም ጌዒኔ፡- «ዒሸንሢዮቴ! ዒሰራዒኤሌ ዴርና ዓዶንሢ ዋጎናይዳ ታ

ማዳ ደቢንቲ ባአዚ ፔቴታዎ ባአሴ፤ ጋዓንቴ ዩሩሳላሜይዳ ታአኒ ቱኡቲ ሮሜ ዓጮ ዓሰም ታ ዒንጊንቴኔ።

18 ሮሜ ዓጮ ዓሰ ታና ያኦጮሰካፓ ሃይቢም ታና ዎጊሳንዳ ባአዚ ዴንቁባአሢሮ ጉሪ ታና ሃሻኒ ማሌንቴ።

19 ዓይሁድ ዓሰ ታአኮ ጉሪ ሃሻንቲዎ ዒፃም ሜሌ ታ ዎኦታንዳ ጎይሢ ሰይቁሢሮ፡- «ሮሜ ካአቲ ባንሢ ታና ዳኩዎቴ» ጌዒ ያኦጮኒ ታ ዳንዳዔኔ፤ ማዕቶዎ ዴሮ ታአኮ ታ፡- «ዎጌና ዓይሢሳንዳኔ» ጋዓ ባአዚ ባአሴ።

20 ሃሢያ ታ ዒንሢ ዔኤሊሴሢሢ ታ ዒንሢ ዛጋኒና ዩያአ ታ ዒንሢም ኬኤዛኒኬ፤ ታአኒ ሃያ ካኖ ቢራቶና ቱኡቴሢ ዒሰራዔኤሌም ዒንጊንቴ ሃጊ ማዓንዳ ዎዘ ዛሎናኬ» ጌዔኔ።

21 ዔይያ ታ ሂዚ ጌዒ ማሃኔ፡- «ዩሁዳ ዓጮይዳፓ ኔ ዛሎ ባአዚ ዳኪንቴ ከኢታ ኑና ሄሊባአሴ፤ ሃሢ ሃካ ሙኬ ዓሰይዳፓ ፔቴ ዓሰታዎ ኔኤኮ ፑሮቱም ሃይሳቲ ኬኤዚባአሴ።

22 ኔኤኒ ሃኖ ካአሽካ ካአዜሎ ዲማ ዲማ ቤዘይዳ ዓሰ ማኪ ዒፃዎ ማዔሢ ኑ ዔራኔ፤ ዩያሮ ኔ ማሊፃ ሃሢ ዓይሳታቴያ ኑ ዔራኒ ኮዓኔ» ጌዔኔ።

23 ዩካፓ ዎይዘንዶ ኬሊ ጌሃዎ ሚርጌ ዓሰ ዒዚ ናንጋ ማአሮ ሙካዛ፡ ዒዚያ ጉቴይዳፓ ዴንዲ ዒባኒ ሄላንዳአና ያኦሰ ካአቱም ዛሎ ማርካዲ ማርካዲ ፔኤኮ ዓአ ማሊያ ዔይቶም ፔጋሴኔ፤ ሙሴ ዔርዜ ዎሳና ያኦሰ ማሊያ ኬኤዛ ዓሰ ማፃአፖናይዳፓ ዔኪ ዔኪ ዩሱሴ ዛሎ ዔይቶም ኮሺ ዔርዚ ኬኤዜኔ።

24 ፔቴ ፔቴ ዓሰ ዒዚ ኬኤዛ ቃኦሎ ጉሙርቁኔ፤ ሃንጎ ዓሰ ጋዓንቴ ጉሙርቁባአሴ።

25 ዔይታ ሃሃ ማሊያ ዎላ ፔቴ ማሂ ጊኢጉዎዎ ዲማዲ ዴንዴኔ። ጳውሎሴ ዒማና ጋፒንሢ ሂዚ ጌዔኔ፤ «ዓያኖ ጌኤዛ ያኦሰ ማሊያ ኬኤዛ ዒሰያሴ ዛሎና ዒንሢኮ ዓይንሢም ኬኤዜሢ ፒዜኬ፤

26 ዒዚያ ኬኤዜ ቃኦላ፡- ሃያ ዴሮ ባንሢ ዓአዲጋፓ ዎይዚ ዒንሢ ዎይዛኔ፤ ጋዓንቴ ዒንሢ ጳቂሱዎሴ፤

ዛጊ ዒንሢ ዛጋኔ፤ ጋዓንቴ ዒንሢ ዒና ዔኩዎሴ ዔይቶም ጌዔ።

27 ዓይሳሮ ጌዔቶ ሃያ ዓሰኮ ዒና ዶጮኔ፤

ዎያአ ባይቁኔ፤ ዓአፓአ ዔይቶኮ ዲኡሚንቴኔ፤

ያዲ ዔይታ ዎንዴ ማዒባአያታቴ

ዓአፖና ዔይታ ዛጊ

ዎዮናአ ዔይታ ዎይዚ

ዒኖናአ ሃሃ ጳቂሰ

28:19 ዳኪ. ማዳ 25:11።

ታ ባንሢ ዔያታ ማዔም

ታ ዔያቶ ዓውሴያናንዳኔ፤ ሂዚ ጋዓሢኬ።።

28 «ዩያር ያኦሲኮ ዳቁንቶ ኪኢታ ዓይሁዴ ማዒባኣ ዓሶም ዳከንቴሢ ዔሩዋቴ፤ ዔያታ ናሽኪ ዔካንዳኔ።።»*

30 ጳውሎሴ ዒዚ ሚኢሾ ጨገ ጨገ ዎርቃ ማኣሬሎይዳ ላምዎ ሌዔ ቢያ ዴዒ፣ ዒዛ ባንሢ ሙካ ዓሶ ቢያ ሾኦቹንሢ ዔካኔ፤

31 ያኦሲኮ ካኦቱም ዛሎዋ ኬኤዚ ኬኤዚ ሃሢ ጎዳ ዩሱሰ ኪሪሰቶሴ ዛሎ ዒዛ ላኣጋ ዓሲ ባኣያ ማዒ ጫርቁ ዔርዛኔ።።

28:27 ዒሲ. 6:9-10። * 28:28 ፔቴ ፔቴ ሚናኣ ማፃኣ፡- ፓይ. 29ይዳ «ጳውሎሴ ዩያ ኬኤዚሰካፓ ዓይሁዴ ዓሳ ዒናፓ ማርሚ ማርሚ ዒኣካፓ ኬሰኪ ዴንዴኔ» ሂዚ ጋዓያ ቃሲ ፃኣፓኔ።።

lxxxvii

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929